

孝豐縣志序



今天下車書一統矣

詔令溥海郡縣通修志書

甚盛典也西蜀羅君以

王序一

甲午名雋爲豐邑宰爰

緝舊志而更新之書成

余覽竟而思邑之有志

與國之有史一也史闕

天下之大志備郡縣之
詳其義例紀載良非漫
然無所稽攷治理於是
乎備風教於是乎維取

王序二

一時紀述者之心合之
百千萬輿人之心以通
於

朝廷教養百姓之心無不

源流畢貫焉雖一事一
節之微必非無故而存
一民一物之細必俟徵
實而見故其書足以論

定於當時而傳信於後
世俾夫展卷者如身履
其地而知人民之何以
輯柔也風俗之何以

厚也山川險阻之何以
控制也財賦生息之何
以饒裕也徃古來今之
治否得失何以相尋也

職官賢否之何以昭勸
誠也以閱者之心通之
紀述者之心於以施之
治理播之風教卽此書

而具不必遠覽冥搜已
然則義例紀載洵豈漫
然無所稽攷者哉因思
不裕經世理物之量不

三序五

能成經世理物之書羅
君雖在百里而治行殊
自軒軒日上卽所紀不
過二百餘季之事而其

爲文之核而信簡而該
允有益於治理有裨於
風教余得藉手以成吳
興之盛事噫嘻抑何幸

卷序六


歟遂援筆而爲之弁其
首

皆

主清康熙十一一季癸丑孟

夏月朔旦中憲大夫知
湖州府事加四級王弘

仁題



孝豐縣志序

志非史也而同於史載
筆而書大義炳如春秋
之別於晉楚史且進而
爲經志豈易言哉然有

羅序一

是邑卽不可無是志山
川疆域戶口財賦以至
守令政績忠孝節義不
可泯沒卽古今題咏紀
述有關於世者亦必搜

輯而備載之登風俗之
良書而上之

天府官茲土者不能已已
况

聖天子在御方輿內外車

羅序二

書輯一下令郡縣編纂
成書用資採覽不揣鄙
陋方以前志闕略正在
修輯而頃又奉檄刻期
竣事雖杼軸不敢匠心

而訪求邈難遐索蓋邑
建自勝國而山川如故
沿革猶新前此豈乏紀
載然法不得書卽近今
分壤而治與舊隸不同

羅序三

亦例不得書故豐之可
載者斷自弘治丙申後
距今二百餘季事蹟而
已而邑之有志肇自郭
泰和繼於黃金谿迄今

七十二季遺文佚事闕
略實多自非延訪叅訂
豈易周悉爰請明經張
暹王萃亨王恪文學王
美中王雲蒸章雲初等

羅序四

分類旁搜補綴成編述
舊章以徵信遵

時制以更新於前無所
遺於後爲可久敘略倣
之季表名賢衷之論定

紀災祥以示修省收詩
賦以備採風其書告竣
余反覆閱之雖於南荆
遺牒愧乏博綜要於東
魯刑書嚴求簡核較之

羅序五

前志可謂得其體要矣
蓋景高山之秀者天目
雙清滙江澗之流者董
源分衍溪山韞異名碩
流輝前有聞人後多紹

述方來未艾自應改觀
覽斯志者不下堂階可
以得治理之先資矣然
余有言者前志所載無
論矣近今遺愛在人三

羅序六

代直道尚未泯也人心
猶爲近古不大可見歟
司牧者其何以副斯民
而無愧哉余方以自矢
而又將以此書爲後人

金鑑也

曹

自王清康熙十一二季歲次癸

丑春壬正月穀日知孝

豐縣事蜀南克羅爲廣

羅片七

題

卷之三

孝豐縣志舊序

原序

陸 崑

明監察御史歸安人

古列國皆有史自秦罷侯置守郡邑有志卽國之史助於禹貢備於職方氏凡分野形勝公府建置吏治民風物產悉載焉所以存故實昭勸戒乃政務所先而弗可緩者然非漢達治體優於崇政豈遑及是耶吳興郡始三國時爲江左文獻之地歷漢唐宋沿革靡常八皇明循元之舊惟改長興州爲邑暨轄歸安烏程德清武康安吉而安吉之邑

孝豐縣志

原序

與長興壤地相接僻處西南盤據天目九龍諸山獨松石虎諸嶺遶遠公府鄙野難理緩則弛急則變其膏腴山林之利併入豪右武斷鄉曲而賦役獄訟反在所後永樂正統山寇吳梅二姓嘯聚至勤王師討平成化末郡守王公珣乃建議割長興晏子鄉三鄉附安吉而以安吉孝豐等上九鄉自爲一邑但公府經始城池未備民居鮮少吏治苟簡湯許二寇復藁牙其間乃請兵戡定於時撫按藩臬淡以令長爲艱白諸銓司遴選泰和郭君治

嘉靖癸未夏蒞任不鄙彝其民清嚴律已而濟以
勤敏暮年百務就緒井里改觀文教聿興人才聯
第與上邑抗衡仕優之暇定爲義例屬學諭陳君
表采輯成志取其覈而信及係事體之大者若諸
仙釋奇恠無補於政者略之大率准一統誌遵時
制也間示請序其端予嘗慨吳興各郡惟志載舛
遺議欲纂修而未遑以名宦人物尤在所先肆輯
爲名賢錄庸備考訂邇德清方尹日乾編纂成志
予喜鄰邑之得人茲覩此編又附名永久豈非幸

孝豐縣志

原序

二

歟雖然事之成否顯晦固自有時其實則在乎人
焉耳斯邑士民因文獻之足徵尚其體賢尹之用
心勉修行業保族宜家求無負於聖朝休養生息
之恩庶亦有光於斯誌哉郭君字昌修號中洲英
俊之才該博之學弱冠以詩經魁江右故爲政知
所先務如此

重修序

黃朝選

湖以西列郡三而湖當震澤之衝湖之屬有七而孝豐踞天目之勝舊爲安吉縣西南隅以其地林篁僻遠易服難馴事多阻格刺史以白之三臺使臣請自縣治而南數十里許更爲邑安吉爲州疏上得報可遂斬蓬藿而巋然邑則弘治之改元始矣邑志則編於嘉靖初郭令草昧創定謀野之禪謀而已去今八十餘禩而山川之所葱鬱人文之所濬發併麗譙雉堞之所新而滄桑之所變月改

孝豐縣志

卷一 原序

三

盼而歲煜其華儻因仍前志罔所增緝令芳踪奇軌湮沒於崗嵐嶂煙甚非周官圖職方與經野體國意也余承乏茲邑退食之餘與邑博王君錦江君大爵張君子恩定爲條例以屬諸生吳宗相王用卿王紹通周維新等共彙次之其類方輿則地圖至風俗爲條六類建置則公署至亭榭爲條十五類食貨則戶口至土產爲條四類職官則縣令至名官爲條十一類選舉則薦辟至封蔭爲條七類人物則鄉賢至仙釋爲條七類災祥則災異

爲條二類旁覽則古蹟至寺觀爲條三類藝文
則節製至詩賦爲條四總其帙凡二卷梓成而屬
序於余余憚是書幸其華不蔓核不匪簡不漏一
寓目而三才大猷彬彬有曜寧敢以狐左之管俾
最爾邑徵文獻哉遂不辭而序其略如此萬曆壬
寅季秋望日知孝豐縣事金谿黃朝選撰

孝豐縣志目錄

卷之一

方輿志

地形勝圖 沿革 疆域 旱野 風俗

卷之二

建置志

社學 公署 行署 屬署 學校
鄉約所 關市 祠祀 坊巷
倉廩 鄉疇 津梁
舖舍 亭榭 武備 道路

卷之三

食貨志

戶口 田地 賦役 土產

卷之四

孝豐縣志

目錄

五

職官志

縣令 丞簿 典史 教諭 訓導
巡檢 武職 縣丞 僧道 名宦

卷之五

選舉志

薦辟 封蔭 甲科 歲貢 例貢
襍流 封蔭

卷之六

人物志

鄉賢 宦業 儒林 武功 忠臣
孝子 列女 義行 隱逸 仙釋

卷之七

災祥志

災異 祥瑞

卷之八

旁覽志

古蹟 陵墓 河漕

卷之九

藝文志上

御製

碑記

卷之十

藝文志下

詩賦

序跋

孝豐縣志

目錄

凡例

一前志自中洲郭公纂於嘉靖癸未金谿黃公修於萬曆壬寅今止因舊本編次至於志後闕略殊多例應補輯勒爲一書文必簡而括事則核而詳蓋至慎也

一凡志內有所考據者依舊本載入訛者訂正疑者亦姑存之以示闕文之意

一山川土田財賦力役之事代有增減規制不同自故明及

孝豐縣志

卷一 凡例

七

昭代不敢從略並詳列之

一溝壩係邑之水利凡經濟築者依舊志編入

一建置關於一邑者雖廢必書用俟將來亦存羊之意也

一秩官及科貢年表必詳行實必書惟無徵者不敢妄錄

一名宦鄉賢不惟其官惟其人其已列祀典者具有列傳其有政蹟昭然未經崇祀者槩於某某
丁小註應祀二字以彰直道之在人也

同修孝豐縣志姓氏列左

學博 李煥文

少尹 溫樹璠 縣尉 唐文漢

紳士 章志尙 王鹿鳴 王恪

吳恂臣 王萃亨 沈起祿

吳之楨 施爾貞 張暹

以上明經

王雲蒸 章雲初 王坤亨

施沛元 章文瑛 吳世奇

孝豐縣志

卷一 修志姓氏

七

王美中

以上文學

一前志義行載前志者舉不敢遺其在志後未載者悉增入以示勸止爲風厲之資然惟身後論定者方敢序次否則槩不敢書

一前志如寺觀亭榭溝渠之類向俱橫書今則縱書之欲其簡挾詳明展卷瞭然之意

一見任官師與見在鄉達雖德政卓有可紀然典刑在望一與姓氏不敢頌述以事未論定恐致導諛之誚

一鄉飲酒禮古今無異所以貴德尚齒誠至重也

孝豐縣志

卷一 地理

八

前志僅存其目尚闕其人以志疑也然則後此者嚴於論定以先是典不可不慎所舉矣

一前志星野尚多闕如以彼此從同難以徵據耳然雖一隅總不出分野之外故次及之

一隱逸而外具詳仙釋雖屬稗乘亦史家所不廢况代有著聞足尤簡冊者乎因不敢從略

一前志藝文甚爲簡略今仍取其久而足徵與近今以來有裨政教或切於比興者稍爲增損絕無簡陋之譏並解繁蕪之咎

蜀南克羅爲廣識

孝豐縣志

卷一 凡列

九

孝豐縣志卷第一

知孝豐縣事蜀南克羅爲曆纂

方輿志

方輿志蓋識職方之所載也古今沿革不一唯是職方所掌輿圖較然是邑也以分野則古在斗牛以疆域則界連江浙以山川形勝則據上游而可守以風俗則尤近古而易化不下堂階而運之四境能不披圖而思所以致治耶


地圖

古者列國外史各圖其土地奏之職方之圖正列國之所自奏也誌首以圖率由斯義圖縣境而形勢較若列眉圖縣治與學宮而識政教人文所自出披覽所及可以觀化矣

寧豐縣志

卷一 方輿





縣治圖

孝豐縣志

志圖



州界

黃德州界


南至寧國縣界

西南至於

潛縣界


孝豐縣志

豐北閣




書院圖

四



沿坪公館




孝豐縣志


卷一

五

安育別公館



梅溪公館



孝豐縣志


聖廟圖



老豐縣志

縣圖

七




孝豐縣志

畫圖




猪鬃乡



孝豐縣志

畫圖

龍岩瀑布




孝豐縣志

浮丘晚嬌



五松觀奕



孝豐縣志

畫圖



西谿釣臺



西谿釣臺

孝豐縣志

卷 畫圖

七

附論古者大司徒掌天下之圖籍以辨疆域廣輪
 之數漢蕭何入關先收丞相府圖籍以知山川阨
 塞則圖之所係匪細故也豐志自城垣縣治學官
 以至公館舊皆有圖今益以景物胥此意也豈正
 效朱考亭鐫刻木板宗少文畫山水圖資臥遊之
 具而已哉

火澆鄭氏曰州縣之設有時而更山川之形千古不易今按孝豐地在禹貢揚州之域古防風國於封禺之間此其西土也周初爲句吳地至春秋時吳闔廬以廣越封屬越越滅屬楚楚滅入秦秦始皇二十五年郡縣天下置故鄣縣隸鄣郡漢武元封二年更鄣郡爲丹陽郡隸之靈帝中平元年黃巾賊起郡縣皆廢故鄣順守詔析鄣南地爲縣賜名安吉吳主寶鼎初屬吳興郡宋永初間分故鄣

孝豐縣志

卷一方輿

五

置廢安縣改屬丹陽郡隋文帝開皇九年以故鄣安吉原鄉三縣入綏安隸宣州煬帝大業二年以安吉入武康唐高祖武德三年詔討沈法興叛以安吉爲毗陵郡太宗貞觀元年併安吉原鄉入長城元宗開元二十六年縣令孔志道遷安吉於玉磬山東南元世祖至元十三年改安吉爲湖州路安撫司仍置安吉縣至正末爲張士誠所據明初丙申年元帥費愚兵自廣德路入克之卽命愚戍其地吳元年詔安吉縣隸湖州府弘治元年知府

珣以安吉上九鄉崎嶇險遠民艱輸役分分安吉
爲州卽故鄣爲孝豐縣從鄉名也
國朝因之仍名孝豐

孝豐縣志

卷一

方輿

夫

分野

湖州屬真揚州之域周官職方云揚州其澤廣廣其浸五湖卽其地也秦置餘鄣縣隸鄣郡杜預謂鄣吳興郡之西境也於卦爲乾其日屬丁於十二辰在丑五行屬火五星爲熒惑北斗屬權星其次爲星紀又應天市垣東南第六星黃帝分星自斗十二度至婺女七度婺女一名須女獨婺星起斗六度至女二度費直起斗十度至女五度厥有先後耳今並次之按元史斗四度二十六分六十六秒入吳越分明劉基清類分野書湖州屬斗五牛須女孝豐同此

以

縣東西斜距一百三十里南北相距六十里東

武康一百二十里以菱湖嶺為界西至寧國一百

二十里以孔夫關為界南至臨安縣六十里以烏

山關為界北至安吉州四十里以沿干為界萬曆九年

丈量界過五巷口稍西原以八角石并五嶺為界丈量界過長橋里東南至餘杭縣

一百一十里以幽嶺為界西南至於潛縣七十里

以郎採關為界東北至安吉州境二十五里以穆

王城為界丈量界過五巷山又稱北原以青松里為界又名木狗墩丈量界過朱獾戶屋

孝豐縣志 卷一方輿

七

後山西北至廣德州七十里以金雞嶺為界至湖州

府陸行七十里又水行九十里至杭州府陸行一

百七十里水行三百四十里東北至北京陸行三

千八百六十四里水行四千三百八十里西南至

江寧陸行五百里水行八百九十里

附論古者作邑必志疆域所以示守也夫縣法也

畫疆而理之謂也縣懸也懸法象以示民管民知

所守也豐邑偏小土地人民政事具焉君子不以

邑小而異其治守土者慎諸

形勝

豐邑在湖之上游東望武康西接寧國南控餘杭北引安吉此四境之形勝也縣址盤結鳳凰山峙其左大陽山鎮其右京山如几案供於前大會山如屏障於後廣茗諸水自西南遶而東董嶺諸水自西北遶而南美哉形勝之爲觀也豈徒龍岩瀑布之奇靈峰泉石之異爲遊眺之資已哉

孝豐縣志

卷一 方輿

六

山川

按孝豐山脉自徽箬嶺來作天目自天目西南行逶迤曲折歷數十里而結爲縣址其水則源於天目之陰流爲廣茗諸派環邑城而東入於雲潞於具區以朝宗焉境內饒奇峰異石清澗激湍蓋與一各勝也

山

東山

縣東一里

上有翠竹塢白玉泉水清冽盛夏不涸

山峭立鬱葱南來爲邑左輔

明知縣郭公有詩

京山

縣東

大會山縣北翠列如屏與大陽相接乃邑

也大陽山縣西金峰山縣西石岐山與金峰相接

石語山縣南上有仙人洞臨溪有仙人石二水石

相激有如人語邑人有詩八貢山縣南十上有

天井洞硃砂洞廣茗山縣南二為天目之陰茗水

所出明知縣甘天目山縣西南高三萬六千丈廣

八百里是為三十四洞天見洞上有兩峰峰頂各

一池若左右目故名東北一峰翔起為翔鳳林又

有玉柱峰香爐峰象鼻峰西方庵立玉亭西尖有

孝豐縣志

卷一 方輿

九

採芝巖千丈巖中峰斷嵯張公洞龍穴石門石巷

石屋石圍屏金雞石眠牛石十二龍潭雷神宅宋

賦有宋中峰有天目賦有望海樓梁昭明讀書臺清玉林有雙清庄

浮玉山縣東南一統志云浮玉山在府城玉

湖中舊志滄玉之山有二在歸安者為小浮玉在

孝豐者為大浮玉斜日掩映最為佳麗茗水出其

陰孝豐十八師高山勢接天目如端人正士儼然

卓立略無依倚冬月積雪春夏猶凝南嶼山與浮

接一名白米山上有池其水白色傳西施種香

處有蘭峽

古浮山

與南嶼接

上有龍牙洞梁釋智光

於此得龍牙下有普慈寺

宋郡守葛勝仲有路出古浮山木杪飛華屋之

句芙蓉山

縣南十五里

為南天目

竹寺金石山

縣西南五十里

上多蒲柳翠筠黃石赤土中山舊名獨山

邑令羅侯改今

與眾山不相屬峰頂一石竝立甚奇南有千山

齊山竹葉山北有玉屏山冠山松子洞柳塢

邑令羅侯

有詩邑張

佛子山

縣西南五十里

石室中小石端立如佛

五山又名奕山有五峰其第一峰有棋枰石相傳

邑人緇珍見仙奕歸化鶴之處下有五山寺榜曰

孝豐縣志

卷一方輿

三

德山西有蒼巖翠壁俯臨大溪下有石印遊人以

為小赤壁

宋盧瑛有詩明謝肇淛有詩清吳太守有詩也侯楊錫汝有詩

青山

縣東三十里其地絕壁干雲孤峰入漢綠嶂百重青川

萬轉歸飛之鳥千翼竟來企木之猿百臂相接春

蘿被徑秋露為霜信足蕩累順物悟秉散賞

見吳均

與施肩吾書明尚書張永明有八景詩

靈巖山

一名靈峰古稱北天

目群峰中巍然端坐者為大雄峰大雄之東崑崙

傑峙俯臨萬竹者為百丈峰大雄之西峭壁千仞

有若天門者為獨立峰一名海日幢獨立峰前

峰行列於寺之西並似青芙蓉者爲五連峰在寺
東南迴顧梵刹者爲二乳峰兩壁峭立爲神丹峽
俗名靈巖豁大雄百丈兩峰間行時逢逢有聲震
動岩谷者爲天鼓坪修竹巨石可行可坐者爲碧
玉坪與碧玉坪相對從大雄峰而發如青蓮葉者
爲映碧坪其北大石三座如圓伊三點不縱不橫
不並不別前可結小茅者爲秘藏巖又有龍樹泉
舊名龍泉祈雨最靈載一統志在大雄百丈兩峰
中有歡喜泉出百丈之東冬夏不絕飲之甘美有

安養泉出大雄之西味尤醇美有澡月池在碧玉
坪西麓積龍樹泉所成也有譚經石一名神丹石
可坐二十餘人有跣趺石在大雄峰之麓又萬竹
場一名上房場有攝香居千梅場金僊洞舊名仙
洞載一統志又華巖洞在二乳峰左其上爲靈岩

寺宋時爲百福寺

元朱頴達有記
明釋智旭有二十景詩

苦山一

名苦峴山

縣西南四十里
載吳興志

寨前山

縣東南化
度寺後

上有石

棋枰石新郎山

縣東南

石新婦山

與新郎山相對
稍高

大會山

在天
月鄉

蝦蟆山

在靈奕鄉以
形似故名

康山

與南華

南華山縣西郭笑山縣西北舊傳有孝子郭巨遺

跡層巒峻拔峰頂四望衆山俱小山多蒼藤翠竹

奇石幽泉有古梅夾岍花皆六出春時香雪被徑

下有鉢盂山頂平圓翠色如碧玉盂在興福庵南

淵水之側明給事黃尊素有詩獅子山縣西北山形如後貌

蒼巖峭壁下臨澄潭幽深不測石虎山縣北三爲

縣之控塞往時險峻不可越嘉靖間邑人許芳鑿

石開道行李便之上有石梯可數百級置亭榭禪

刹登眺溪山豁人心目前有遠山如畫潭水滄泓

孝豐縣志 卷一 方輿 三

峰高野曠翠竹萬頃彌望蒼然九疑山一名九女

山縣西三見峰攢簇疊嶂干雲橫山縣西北小山

迴互曲澗環流亘十餘里龍潭山縣西六在小沿

坑由龍王祠進有小潭曰淨身潭潭側有大石

數十丈相倚如交戟半里許有澗道可行澗盡

小灘灘左有石巷左右夾以峭壁入巷中鏘然如

巨雷奔壑巷窮即潭其水洶湧作風雨聲變怪儻

忽色殊澄碧上有大石環飛瀑從環中俯注潭內

如白龍下垂青海潭頂復有小龍潭從淨身岩入

潭上有石橋天然玉琢如天台石梁從石梁口更
進有金雞石夜半日初起有雞時鳴又有解石巖
石裂如鋸過岩爲石屋屋內有支機石從山頂行
二里許兩山如股有大石梁跨其上不由人力尤
奇觀也玉華山縣西北六十里金曜山與玉華山對石壁山縣東
北一名小赤壁嶙峋聳特下臨五山潭水光潏灩
山色空濛俯視魚舟數點筆船出沒遊人憑眺春
杪秋暮尤多邑人有五山秋泛詩石門山縣西南四十里有兩石對
峙若門故名梁吳筠與顧章書曰僕去月謝病還

孝豐縣志

卷一方輿

三

覓薜蘿故鄣有石門山者森壁爭霞孤峰限日幽
岫含雲淡溪菁翠蟬吟鶴唳水響猿啼英英相雜
綿綿成韻等語相對如披圖畫洵佳境也大溪山

縣西南三十五里

雞單山

縣西南三十里

桃花山

縣西南五十里

九龍山

湖畔下有廣福庵僧法幢建

西山

下有松子洞

三台山

金石鄉

峰

蓮華峰

玉柱峰

香爐峰

象鼻峰

西峰

昭明峰

以上俱天目

無渡峰

天目

獨峰

卽獨山

回鴈峰

瀘溪

靈峰

天雄峰

百步峰

獨立峰

五蓮峰

以上

俱靈石峰九嶷山 雙峰石門 天馬峰音 卓筆峰音

巖

靈巖縣東十里 秘藏岩在靈峰 採芝岩縣西南天目山 昔屬

藥山中者見岩上芝草一本五色因接長竿採之遂沒數日左右復出二本皆翠色至今隱見不常

載圖 雲龍岩一名紫岩 上有瀑布泉懸雷下注承

以磐石石久中透如環泉從環山穿流絕澗水禽

風聲相雜殷然如雷上有石樓石屋邑人張暹有詩

孝豐縣志

卷一 方輿

古

八角岩縣西北六十里 上有石如角廣五丈許 鹿遊岩

縣西南四十里 在茅山與觀音洞門對 千丈岩下臨絕澗為高峰塔有扁完祠碑

石

丁丁石在孝子橋 石城在天目山高數丈南北五十餘

丈其內深邃不可入昔人獵而阻雨於石城外見

林間有白桃一顆摘入手如冰忽變紅熟如湯因

采大葉包裹囊中下山捫之猶存至家惟有大葉

而已見潛確類書 石倉在天目山西尖坎下衆山鱗疊

宛若倉廩

石坂

天目

西尖頂上長短大小不可計

數皆平淨如砥有全解至地者有解未盡者鋸痕

線道分明其解至半者有大石砧架之非人力所

及好事者欲挈而下輒有風雨蛇虺之變新婦石

在天目山面東昂立高五丈許天然人形與東新

郎石相對唐白樂天有詩鑄於石

石柱在西尖

頂一長一丈一長二丈壁削平直宛如新成擊之

清越有聲

石枕

石巷

石屋

石門

以上俱天目

石峰九丈

石井

天目

八角石

出澶

湘山

石馬

金石

孝豐縣志

卷一

方輿

三

在自

羅漢石

戒香院

石佛

張

石倉

景

馬跡石

縣東

石筍

淨竹

石柱

唐舍

楸枰石

寨

神舟石

一名譚經

石

在靈

釣魚石

善潭

上平廣可數十武垂釣其上

骨夏清玉如身入鏡中

排牙石

雲龍岩東

烏石

郭笑地

洞

喝山佛洞

縣東

珠砂洞

天目

天井洞

俱八

張公洞

天目山

涼風洞

金石

無洞常

橫龍洞

一名雲龍洞

岩高百丈飛瀑懸流旁有仙人洞丹竈石牀可容

百餘人仙人洞

洋玉鄉深二十丈

龍牙洞

名古灣石洞

下有龍王祠松子洞

縣南四里

在玉屏山溪岷嶽空

如石樓內有洞穴深廣不測探奇者每燃炬而進

中有石佛石池洞內水石涓滴結為人物花鳥怪

異之狀舊傳赤松子遊此故名觀音洞

縣南四十里

在茅山石室皆窪乳泉垂露而下瑤然如受玉聲

涓滴成形如疊層波曳霧縠或如碧玉釵痕白雲

縷縷時出沒洞中由洞門歷級而下有漱玉泉泉

從石竇中出竇僅一指許匯為小池清冽可鑑味

孝豐縣志

卷一方輿

五

甚佳盛夏不涸上有大士庵一名大祥

白水洞

在玉屏山下有湖

嶺

武春嶺

洋玉鄉二十里

柴坑嶺

碎石嶺

上俞嶺

俱洋玉鄉

下俞嶺

與上俞接

唐子嶺

縣北二里

上有觀音堂王侯祠

湍澤園泥暮嶺

天嶺

俱靈安鄉

塔山嶺

縣西北十里

佛嶺

縣東七里

法師嶺

縣東十里

斛嶺

移風十里

幽嶺

移風十里

其嶺

峻絕修竹蒼翠拂人衣裾上有庵亭菱湖嶺

縣東北安

石坑嶺

天目鄉

黃沙嶺

調風嶺

俱太

金雞嶺

縣

北七里長駒嶺廣茗鄉飯山嶺縣北十五里上有仙人路

下有右潭董嶺太平鄉唐周朴有詩明訓導江大爵有詩 苦嶺魚池

分來嶺魚池 黃虞嶺老溪

程門嶺白馬

塢

石門塢石門有二一在移風一在金石柳塢金石獨桃花塢靈奕

枕石萬竹塢名上房塢千梅塢俱在靈峰倒石塢長坑塢俱

玉鄉大塢零奕青堆塢黃栢塢俱縣南橫溪塢縣西

十里與大嶺接七賢塢縣東下相傳晉七賢隱處下有竹

孝豐縣志 卷一 方輿 毛

林塢 張家塢零奕鄉

川

龍溪發源天目經荻浦老溪陳安山公潭至茹湖

飯山與仙溪水合入梅溪天溪浮玉橫溪縣西北

大沸溪由三公潭分流會於五山渡下洛溪又名

茗溪一源自天目一源自獨松嶺合浮玉山水

至吳興入於太湖載輿地志仙溪銅坑詳景溪廣茗一名

鋪溪廣茗源陳安溪廣茗碧溪移風如湖溪

董嶺水

縣西詳

南嶼水

縣東南一

涌水

金石鄉

荻浦

縣西南三十里

其源出自天目按談誌荻浦酒坊甚

著名

瀦溪

廣茗

西溪

大山磨盤溪

杭干溪至西圩

下合南溪入梅溪老溪金石源自天目

潭

山公潭

縣東北隅

以晉山濤得名卽山公渡舊有山公

祠今廢或名三公潭有石廻抱衆水滙於其下溪

不可測名曰水口角今爲放生潭顧人

潭縣南一

孝豐縣志

卷一方輿

天

名石語潭五山潭

縣北有不

侯山潭

孝豐又

名險潭寒潭

天目

馬跡潭

移風

菁潭

金石

井潭

鄉廟灣潭

雲

今放生池上有臯王廟龍潭凡數

處在天目東者六在金石者一地名飛

者二卽龍潭山石梁處在浮玉大溪者一名澤井

以上遇旱禱雨輒應

湖

湖頭湖

縣西

後湖

縣西

茹湖

魚池

釋湖

廣茗鄉

塘

廟山塘

零奕鄉

龍塘

西圩

蒲葦壩塘

天目鄉知縣郭治重修

前塘

池

白水池

南嶼

澡月池

靈岩

龍池

金石龍王廟後

一云前溪中小

石洞深不可測有龍居焉旱禱即應

十八景一

洗墨池

孔夫關載一統志

灣

新村灣

天目鄉

老石灣

金石鄉

下洛灣

魚池

白水灣

移風

孝豐縣志

卷一

方輿

三

湖山灣

金石荻浦

景物

鄞中山水佳境殊多舊志略記其槩有一十八景

一曰仙溪春漲源發佛子山一帶清潔即春水四

漲其清自在一曰董嶺分源上有泉東西分流一

入寧國注江一入安吉注具區四時不竭清冷川

挹一曰金峰聳翠脉連石岐秀峰特聳群山虎伏

其下舉目天際稱奇觀焉一曰龍池應禱

詳載一池類

曰浮玉晚嬌山有一石靈異如玉浮水面夕陽隱

映溫潤尤佳一曰五山觀奕

詩載山類

一曰西溪釣雪

溪上沂天目下達梅溪清流激湍冬雪不冰釣者環溪時有山人逸叟一曰郭笑尋梅其山產梅遠近邨落二十里許都植梅春初花開一望如雪花皆六葉尤爲異一曰南山天馬有一石狀如神馬立道周爲金石障一曰水口石印一巨石砥於中流雖洪水不沒一曰景水交花卽錦溪水也衆流交錯相雜成文山花相映如繡一曰靈岩滴翠靈岩多竹上有龍池泉水一線穿篠而下滴瀝蔥蒨

孝豐縣志

卷一方輿

三

可掬一曰瀦溪石語溪東有石自山而下當石瀨之冲上浮下竅水石相激音韻更迭靜夜遠聞有如人語一曰古澗虹飛天目山半懸泉一道飛噴如虹與雁湫廬瀑爭勝俗稱中溪先達吳峻伯萬山張侯駐車其處俱有題咏一曰青山噴矚山有泉歷亂飛空瓌瓏眩眇如蜥蜴噴雹一曰烏石呼龍郭笑之西地名里古山有卧石簇沓如鱗而烏歲旱鄉民斬竿揭旗操雞黍豚蹄以往鉦鼓填闐鱗中溢水如汗以白茆承注甕內徧迎邨社霖雨

立澗俗稱烏山勝龍王有廟久圯遺址見存一日
化岩仙踪化岩者稽山外二龍相傳有化岩仙人
結廬其中時披衣於巔陡絕罕人跡有徑焉俗名
仙人路一日張塢石佛張塢之山一石如古佛跌
坐山半遠近皆見昔年柳道人琢石佛詩有每至
殘冬便白頭之句近有以龍巖瀑布石門古松二
景補前志之遺者共成二十景云

附論山川邑之名勝天目爲東南之鎮茗水爲靈
澤之源其他卷石勺水絕壑幽巖難以名似誠山
水之奧區也然人以地重抑必地以人重柳州非
宗元不著石門非謝客不傳茂叔之於濂溪太白
之於天姥蓋其尤著者矣屢斯地者不當知所自
重耶

溝洫

國賦民命視田畝田畝收入視旱潦旱則蓄水以灌田潦則洩水以避浸視溝壩吳下之田纍土爲堤永不使壞豐之田壩旱則鳩衆疊石而就潦則洪水一決而盡三日不雨水便斷流故豐之溝壩關於國賦民命匪細事壩有高厚不等溝有遠近不同累砌疏濬以時而舉所築之處有故址所灌之田有定界不能越而沮也每遇旱歲民輒以水訟禁暴止爭惟勤民者急於修舉而已

孝豐縣志

卷一方輿

三

溝凡七十有六在孝豐鄉者八一日大黃長三百丈廣六尺一日仲干長三百丈廣一丈一日沸村長九十有五丈廣二尺一日清碧干長四百丈廣六尺一日百沸長二百七十五丈三尺廣五尺一日門沸干長二百八十丈廣六尺一日猛沸干長二百丈廣六尺一日百沸自齊田至蹇山潭一千二百丈○在移風者七一日上沸干長三百一十丈廣六尺一日前溪干長四百五十丈廣一丈六尺一日憤沸干長六百三十丈廣九尺一日下沸

于長五百五十丈廣一丈一曰前水于長二百丈
廣一丈一曰大院于長五百四十丈廣一丈五尺
一曰五女于長六百丈廣一丈一曰景村長三百
餘丈廣六尺一曰青山潭長二百丈有奇廣六尺
一曰灣瀾于長二百丈有奇廣五尺○在浮玉者
十有四一曰五晦于長六百丈廣六尺灌至東零
干一曰確溝長六百丈廣六尺灌至下東零一曰
獨確于長三百十二丈廣六尺一曰汪村于長三
百七十丈廣一丈九尺一曰青山于長七百丈廣

六尺灌至梅園干一曰埂下長一千一十丈廣七
尺一曰潘村于長四百一十丈廣四尺一曰箋于
長一百丈廣五尺一曰前塘于長一百丈廣五尺
一曰中塘于長一百丈廣五尺一曰後塘于長五
十丈廣四尺一曰郎沸于長二十丈廣五尺一曰
盧村赤石沸長三十丈廣四尺三寸一曰新沸于
長一千三百丈廣二丈○在靈奕者五一曰澣溪
于長四百五十丈廣一丈六尺一曰赤石于長六
百丈廣一丈九尺一曰東濱于長十丈廣二丈一

尺一曰直頭沸長一百三十丈廣三尺一曰直沸
干長六百丈廣二十四丈○在天目鄉者十一曰
宛村干長三百八十丈廣六尺一曰石矸干長四
百十二丈廣六尺一曰前語干長二百丈廣一丈
五尺一曰平祿干長一千一百丈廣一丈八寸一
曰比思干長六百丈廣一丈六尺一曰牛坵干長
八十五丈廣一丈五尺一曰上塘干長二百九十
丈廣五尺一曰湖頭干長二百三十六丈廣一丈
五尺一曰鄧邨干長三十丈廣五尺一曰翁山干

長三百丈廣八尺一曰西橋長二百丈廣五尺○
在廣茗鄉者十一曰虔塘干長千丈廣七尺一曰
通溪干長一百七十丈廣一丈一曰馬鞍干長七
百二十丈廣八尺一曰金碧干長千丈廣八尺一
曰牛皮干長四百丈廣五尺一曰彭家干長三百
丈廣五尺一曰諸家干長七百丈廣五尺一曰化
水干長千五百丈廣五尺一曰楊家干長三百丈
廣一尺一曰統口干長二千丈廣五尺○在金石
鄉者四一曰陳溪干長三百四十丈廣一丈一曰

顧城干長千丈廣一丈一曰上干長二百二十丈
廣一丈一曰衆碧玉長一百五十丈廣一丈○在
太平鄉者五一曰前簿干長一百八十丈廣一丈
一曰後簿干長五百丈廣五尺一曰吳村干
長五十有二丈廣五尺一曰暮龍干黃波溝長百
有八十丈廣一丈一曰黃坑干長一百三十丈廣
六尺○在魚池鄉者七一曰方阿干長六百丈廣
一丈九尺一曰烏祿干長八百八十丈廣一丈一
曰東崖干長三百三十丈廣一丈三尺一曰抵山
孝豐縣志

卷一 方輿

三

壩

壩凡四十有九在浮玉者八一曰盧村長九丈高
一丈一曰永風一曰青山長四丈高八尺一曰下
青山長五百丈高六尺一曰大山長十有五丈高

一丈一曰五畝長六丈高一丈一曰水碓長六丈
高八尺一曰聖堂長五丈高一丈三塢村灌獨碓
圩○在孝豐者四一曰百沸長八十五丈高一丈
二尺一曰小黃干長五百丈高一丈二尺一曰倉
基長一百六十丈高五尺一曰沙沸長百十丈高
五尺○在靈奕者三一曰分水長二十丈高九尺
一曰五山長六十丈高一丈一曰石沿干長四十
丈高八尺○在天目者八一曰蒲蓋長十二丈高
六尺一曰井潭長三十丈廣二丈引溝五十丈蓄

孝豐縣志

卷一 方輿

三

水灌田

井潭八字分流至楊坑為四壩

一為上圩一為青碧一為

彭家一為仲塘

甃砌堅固灌至南關外計四千餘畝

一曰趙塢一曰

牛犢長十丈高一丈一曰八畝長一百六十丈高

一丈一曰比思長十五丈高八尺一曰湖頭長四

十丈高八尺一曰翁山長三十六丈高六尺一曰

唐廬長二十二丈高八尺○在廣茗者六一曰牛

皮長六十五丈高八尺一曰諸家干長四十丈有

奇高八尺一曰陳碧干長三十丈高八尺一曰汪

汪長四十丈高八尺一曰高家長六十丈有奇

八尺一曰陳安長百丈橫五十丈高八尺牛皮楊傑築

○在太平者八一曰走馬長三十五丈高四丈一

曰南埠長二十丈高五丈一曰西圩長二十五丈

高九尺一曰大碧長二十九丈高九尺一曰寨下

長二十丈高四尺一曰何村長十五丈高七尺一

曰黃市長十七丈高四尺○在金石者三一曰大

坑長十丈高一丈一曰子福長五丈高一丈中有

龍潭其深無底如井之形一曰馬跡長四十丈高

八尺有一大石上有跡如馬蹄卽馬跡潭○在魚

孝豐縣志 卷一 方輿 三

池者八一曰東塲長九十丈高一丈一曰西冲長

十丈高一丈七尺一曰經塲長十丈高六尺一曰

同車長十二丈高六尺一曰橫山長七丈高四尺

一曰陳墓長七丈高一丈一曰青山長十丈高五

尺一曰里村長三十丈有奇蓄水入里村溝通濟

天目魚池二鄉一曰荻草長一十四丈高八尺

太平鄉者

水利

茗水出自天目之陰是謂龍溪合石門浮塘二水下
白馬任載至荻浦僊圩又合廣茗山深景二水出
老溪會統里之水於老石會青堆黃栢諸水於瀟
溪下山公潭遠縣治東南入五山溪又合桐乾葛
塢諸水出妙山潭至稽山口合北流至梅溪

縣西

董嶺之水一入寧國至蕪湖一入孝豐至磨盤溪任
載合前薄後薄自黃村下西余吳村溝自澤口下
平陸黃波溝自石柱下黃圩合上梅黃圩之水於

孝豐縣志

卷一方輿

三五

磚橋又會梅村西余諸水於察塢逕谿下而北有
二溝又會新村前岡之水過喝山茹湖合南流入

梅溪

縣西

大溪之水出經上墅俞嶺之水出經門村合流至姚
家橋白池之水出抵白水灣青里之水出抵青山
灣合流至孝子橋又金碧溝出青山口自景塢出
湯家塢爲化水溝景村而來浮玉出青山下盧村
而北經中管下天打橋景村水又入中村出大圩
自仲圩下青山口爲下沸

五義嶺水與大溪山相接青里與臨安相接合烏山

關水出五港口

幽嶺之水至青山潭合浮玉大溪諸水抵橡樹潭迤

舖殷家潭入梅溪縣東南

金鷄嶺水經梅家山溪至上午施村錦塢抵吳村龍

安溪歷長隴任載至昌圩湯灣又合西茂楊村至

五牌樓任載抵龍灣橋出謝公橋黃潭橋入梅溪

光縣

附論古作邑者度其原隰相其流泉俾地利以興

孝豐縣志  卷一 方輿

旱

民用以濟蓋兩相因也浙西水利罕鐫論之詳矣

首以天目為宗其源遠其流長出為苕溪匯為震

澤歸於崇明靡有底極豐邑適據上游多溪澗三

時排注以滋南畝而行桴以運土物無舟楫之利

有洪水之害行潦時至民多病涉且廣堰長溝日

就傾圯故壩之修築往往創始則勞墮成亦易民

力蓋如此其艱難也唯上之人加意軫卹焉

風俗

古者太史陳詩以觀民風故命輶軒之使誠重之也又記曰安上治民莫善於禮移風易俗莫善於樂亦顧上之人鼓舞之者何如耳孝豐地僻民稀人崇儉約尤爲近古不失邠風稼穡之遺今則去古漸遠司倡導之權者誠如召父之於南陽文翁之於西蜀風斯美矣至於萬石君之化其家王彥方之化其鄉又士君子所當知也

隋志云火耕水耨以漁獵爲業其俗信鬼神好淫

孝豐縣志

卷一方輿

聖

祀其君子尚禮庸庶淳龐國史云人性尚浮屠之教統紀云俗尚儒術罕尚武藝然亦重釋而多淫

祀以上槩論浙俗因其近於孝豐者述之李直方云其人壽其風信

實蘓子瞻云其民寡求而不爭以上槩論湖州郡志云負

險爲固凡有科調緩則玩愒則變又曰東地沃而侈西地瘠而險好鬼務訐尚詐蔑禮今則壽耆相望儒術頓起豪傑之流慕義之輩如日向升固磅礴溪厚有攸鍾歟以上專言孝豐

冠婚喪祭

冠禮久廢婚禮則貧富隆殺家異俗殊所謂下定道日茶酒奠鴈禮彷彿納采問名請期納徵之遺至親迎久無舉行者喪則殯殮及葬厚薄隨其力親朋弔哭明賻亦跡其往來無論貴賤必用浮屠亦習俗流弊然也祭禮惟寒食重陽始行墓祭餘則必於家廟無廟卽於其家

宮室服食

宮室隨人率務堅樸間有壯麗弘敞者不數見也總以樸略無雕刻聖黜之飾衣服男婦服製不常

孝豐縣志

卷一方輿

然夏則衣苧冬月木綿儉素之風居多飲則富家燕飲多事豐腆山村猶尚儉樸有污樽坏飲之風

歲時俗尚

正月元旦夙興設香燭於中堂各接天設像拜其祖先後拜父母兄長戚族交賀三四日乃止往來相慶曰賀節上元夕舊通衢張燈爲樂自十三夜至十八日止南鄉龍廟製鰲山及魚龍諸燈尤甚雖儉歲亦以爲常士女觀者恆萬人以爲繁費

是夕殺粉篩細圓食之春社日各村率一二十人
爲一社會屠牲醢酒焚香張樂以祀土穀之神謂
之春福乃若裝扮師巫臺閣擊鼓鳴鑼插刀曳鎖
叫囂歷突如顛如狂此最詭誕鄙褻不經之甚有
司每禁不行因稍衰止二月十九日觀音誕婦女
競會佛所誦經至扮臺閣迎會爭奇鬪巧致費不
貲三月清明漬穀種插柳簷上先後數日內具角
黍牲醴修墓祭穀雨撒穀種煥蠶子祀竈采茶清
明後數日爲蠶月禁往來省視使育蚕閱月繭成

治絲四月育原蚕初八日啖青精飯五月端午飲
雄蒲酒食角黍芒種前後栽禾秋夏至祀先六月
六日食餽飽曝衣及書籍濯禩祀竈七夕陳餅菓
雞黍祀天孫因乞巧中元日祀先修齋薦爲蘭盆
會從釋氏也中秋夕多夜飲各賞月九日登高菊
飲霜降禾盡登十月朔掃墓祀祖或於家廟晦祀
竈立冬夜祀竈冬至日祀先臘月多嫁娶喪葬以
鹽汁浸蚕子各育蚕十二月初八日食百菓粥二
十四送竈掃室塵食赤豆粥乞者儼於市除夕前

後親舊更相餽遺掃室宇更桃符以示更新是夕
具牲醴祀群神祖宗聚會合族曰分歲爆竹庭間
曰辟邪旅坐淡宵曰守歲



孝豐縣志卷第二



知孝豐縣事蜀南克羅爲賡纂

建置志

自昔建官率屬將以事神治民興賢育才則首物
出治必有攸居而廟貌壇壝城池倉庫武備廳署
悉宜隨事經營下逮閭巷關梁都省坊表亦莫不
昭其學畫而詳其規制焉蓋後人襲前人之遺稍
不經理事隨墮廢語曰作之者勞居之者逸惟其
居之逸不忘作之勞時而葺之庶於建寅有裨云

孝豐縣志

卷二 建置

爾

城池志

有守土之責者以容保爲其任王公設險以守其
國重門擊柝有豫道焉志曰百夫之守十人之聚
不能奪也爲國家而設防維則亦爲國家而司鎖
鑰蓋守險之義也

城池

按設縣初知府王珣相有漢縣故城巋然存焉因
築土垣周圍六百一十丈萬曆四年知縣王國

請更爲石城廣六百七十九丈高二丈厚半之城
樓四城門四窩舖入水洞三城門舊東曰文恬新
曰威鳳舊西曰武熙新曰通德舊南曰宣化新曰
靈龍舊北曰承流新曰迎安城濠自西跨北長三
丈至迎安門有迎恩橋其南溪水環遶至東門爲
山公潭險塹可守

關隘 道路 郵舖

豐巖邑也據湖上游西北界連寧廣南爲省會門
戶故關隘道路郵舖司治者所必謹焉

孝豐縣志

卷二 建置

二

關隘

孔夫關

縣西南六十里寧國爲界唐舍關

縣西七十里寧國界五嶺關

北五十里廣德界

苦嶺關

縣北四十里廣德界

幽嶺關

縣東三十五里餘杭界

於潛界

道路

東路

出威鳳門踰幽嶺達餘杭縣臨安縣杭州府

西路 山通德門與靈龍門大路合

南路

出靈龍門由陳安渡踰孔夫關至寧國縣又由唐舍關至寧國又由石口溪達蕪湖又由

景溪達

北路 出迎安門渡沿於潛界又由白慈橋越金雞嶺達廣德州至江寧又由

魚池鄉歷四安達長興縣沿山路幫溪路清溪

俱在縣西險峻難行居民結砌成路

舖舍

總舖

在縣前

靈奕舖

在靈奕鄉去縣一十里

沿圩舖

去靈奕舖十里

移風舖

在移風鄉去縣二十里

倉廩

倉之名不一要於足民居常則峙之遇歉則發之

倉廩實而民可無饑是不容虛文簿以罔上也

預備倉社倉

預備倉

在縣治儀門東

倉廳三間東倉三間

知縣郭治建

孝豐縣志

卷二 建置

三

西倉三間

知縣黃朝選建楊錫汝重修

俸給倉學倉

知縣郭治建今廢

社倉五所

知縣趙存孚建

一在縣治西堂三間門一座

中鄉

約所右社倉左社學

一在縣東浮玉鄉一在縣西太平鄉一

在縣南廣茗鄉一在縣北靈奕鄉俱堂三間門一

座中為鄉約所左社學右社倉兩廊廡倉四倉久

廢知縣西溪羅氏心切民災捐俸糴穀為復社倉

計進紳士耆老而勸之曰社倉之法始於紫陽繼

自西山彷彿三年九年之遺意百世猶將賴之無

如事久弊滋或主者倚法以行私或官司移用而

莫給或拘納息米而未常除免甚者拘催埒於正賦良法美意胥此焉失旨哉朱子建安五夫社倉之記也曰予惟成周之制郡縣各有委積以待凶荒如隋唐之社倉者亦近古之良法也今皆廢矣獨常平義倉尚有古法之遺意然皆藏於州縣所恩不過市井游惰輩至於深山長谷力穡遠輸之民則雖饑餓致歿而不能及也又其爲法太密使吏之避事畏法者視民之殍而不敢發徃徃全其封餉述相傳授累數十年不一皆省一旦不獲已

然後發之則已化爲浮埃聚壤而不可食由此言之社倉之法不可不行行而主之在官懼其有前弊也行而主之在民恐其計私以害公也必也民主之而官爲謹其出入則輸之聽民自便貯之貴有方法議修四倉以近就近上下交相勸庶幾凶年其永有賴焉

公署

縣治以臨民衙署以圮補而丞簿幕廳以翼長令
君子居其所則思供其職故其業且有餘蔭况於
其居于昔賢遺愛雖至後世人且表而著之曰此
某公舊治也君子攸蹟君子攸寧庶其誦斯于而
知德云

署原

弘治設縣初知府王公瑜與分守叅議李公昊躬
親相度劑造縣治立城郭開衢巷分廩舍管廟社

孝豐縣志

卷二

建置

五

儒學畫一而定知縣楊達百務總理規模具舉縣
正堂三間東幕廳西庫藏傳堂一間後堂五間東
軍羅庫西儀駕庫其後正堂圯壞知縣郭治王國
賓相繼修舉康熙七年知縣楊錫汝又修正堂前
捲軒三間甬道中戒石亭東西廡各七間分列六
曹并承發架閣兩房儀門一座東爲倉西爲監
樓一座東土地祠西迎賓館上樓下爲大門前
爲屏牆東爲旌善亭西爲申明亭又西爲羈候所
屋三間週圍墻垣前爲所門正堂衙宅門二重街

廳三間後樓三間知縣李憲建又後為增祿閣知縣楊錫汝建東北為廚房東南為書房西亦為書房周圍墻垣外東為丞廳正廳三間傳堂一間後衙屋三間書房三間廚房三間縣丞江源重修門房三間又前為屏墻後為空地縣署西為幕廳正廳三間後衙屋三間書房二間門房三間外為屏墻俱與史唐文漢重建靈龍門內為天目巡檢司正廳三間衙屋三間書房一間門房三間俱巡檢楊銓印重建以上地址丈量載賦役志

為

文廟規制另見學校志學署在威鳳門內正廳三間衙屋六間兩座前為學門其東為射圃又東為憲司今廢城隍廟正殿三間後殿三間東西兩廊前為門樓三間又前廟門三間外為屏墻知縣楊錫汝修旁為香火住宅地址另載縣西南為鄉約所詳見社倉中地址另載風雲雷雨山川壇故址在溪南隴中知縣郭治遷南郭外其東為定性書舍亦郭治建今廢社稷壇在西城外是厲壇在北

外演武堂三間將臺一座舊址在縣西門內知縣黃潮選改建五山渡以上壇地俱另載

行署公館

憲節臨駐體統宜尊公出館舍觀瞻宜肅縣內有憲司外有沿干安吉梅溪公館照舊碑記悉爲載入

憲司

正堂三間東西兩耳房各一間傳堂一間後堂三間東西住房各三間正堂前捲軒三架東西廊房

孝豐縣志

卷二 建置

七

各六間儀門一座大門一座前爲屏牆俱知縣黃朝選建今廢地址另載

公館三座

一坐安吉州界沿圩地方計大小屋七間知縣鄭源洽建黃朝選修一坐安吉州北門外計樓房并小屋共十七間一坐安吉州梅溪青石橋東計大小屋二十一間俱知縣黃朝選建時在萬曆壬寅各有碑記入藝文志地址另載

學校

今天下文治丕昌武功赫濯故學校以揆文而今並
以奮武其所係亦綦重矣明弘治二年知府王珣
奏置孝豐縣遂建廟學規制略備嘉靖二年知縣
郭治修之三十二年邑人吳松捐貲徒建東門規
制大備後於天啟三年知縣王新政改遷今處至
國初廟貌傾圮知縣田養民又遷東門工作旋停康
熙七年知縣楊錫汝仍遷今址規模闕殿亦學校
之光也

聖廟三間東西廡各七間戟門五間櫺星門一座外

孝豐縣志

卷二

建置

八

爲泮池池外爲屏牆有二坊東騰蛟西起鳳後樓
五間上爲啟聖宮下爲明倫堂前爲義路禮門
旁爲土地祠又前爲學門名宦祠在戟門東鄉賢
祠在戟門西訓導署在東門內射圃在訓署傍敬
一亭有故址今廢定性書舍在南壇東今亦廢奎
光閣掛榜榜在學官東南馮士衡建今議重修其
地此俱另載

邊豆

萬曆壬寅知縣黃朝選以舊製木豆陋而且缺遵

儀注七十二易制以銅重壹百貳拾餘斤水豆在
五十銅爵四十知縣郭治置銅尊一有蓋銅杓一小鐵
香爐七知縣郭治置大鐵香爐一大鐵花餅二知縣楊錫汝置
雲板一鼓一祭器書籍厨一大小燭臺十二
啟聖祠

鐵香爐一萬曆辛丑訓導金洪相置

書籍

四書大全 書經大全

易經大全 詩經大全

孝豐縣志 **卷二** 建置 九

禮記大全 性理大全

春秋大全 五備書

文章正宗 大學衍義

禮經會元 通鑑綱目

小學 大清律令

近思錄 爲善陰騭

陽明傳習錄 陸宣公奏議

大學古本 禮樂全書

武備

豐雖巖邑然四境晏寧村落保聚其來舊矣

清興湖鎮撥兵防衛於武備為獨詳

教場

演武堂

將臺

舊址在縣治西門內萬曆辛丑年知縣黃朝選以五山渡為縣木口學宮坐屏更築武場以障之周圍地址俱另載

國朝湖鎮撥安吉營將官一員率兵駐防歲時較閱

初無營房踈居民舍今駐鄉約所在縣治西

社學鄉約

孝豐縣志

卷二

建置

十

古者月吉讀法道人以木鐸徇於路官師相規即

黨塾亦各有學也近奉憲令頒有

上諭直解朔望講讀俾民與知誠化民成俗之大務

興復舊所此其時歟

社學五處鄉約所五處俱詳見社倉中

祠祀

祀為國之大事凡在祀典者有其義有其數均當

祇承故自

文廟祭菜外如城隍一邑之保障社稷山川欽施雲

雨生百穀以養民厲以廣仁恩無天札甚盛典也
舉是典者致齋以一其心以交於神明庶可云薦
馨而受福矣故特詳之以志毋忽

文廟

啟聖宮

名宦祠

鄉賢祠

風雲雷雨山川壇

歲春秋仲月上丁後一日合城隍祭之

社稷壇

歲春秋仲月上戊致祭備物如常數

孝豐縣志

卷二 建置

十一

厲壇

歲三祭之如常儀地主王丕春秋給胙

土地祠

龍王廟

在金石鄉春秋致祭前知縣郭治黃朝選
修建康熙五年知縣楊錫汝重修

鄉橋

按舊志曰邑柝而為鄉鄉柝而為橋於以別區域
均里遞又曰善治者不可無由俗之政夫由俗而
不拂其情者上人嘉與之心易俗而必革其故者
上人維新之化即鄉邑之各殊不可見率迪嘉師
者有咸宜之治乎

九鄉五十四里

孝豐鄉六里一芝草二回鹿三孝弟四修仁五尚
仁六滕碧分上扇一畝今爲乾畝下扇一畝今爲
坤畝

移風鄉六里一清泉二武泰三嘉祥四白楊五崇
仁六新興分上扇一畝今爲震畝下扇一畝今爲
巽畝

靈奕鄉六里一仁化二五白三裏榮四景和五回
平六島石分上扇一畝今爲艮畝下扇一畝今爲

孝豐縣志

卷二 建置

十一

兌畝

浮玉鄉六里一碧岩二廣福三靈岩四仁豐五靜
豐六永康分上扇一畝今爲靜畝下扇三畝今爲
翁畝動畝闢畝

天目鄉六里一仙溪二安吉三茗水四茗源五公
平六俞干分上扇三畝今爲禮畝樂畝射畝中扇
二畝今爲御畝書畝下扇一畝今爲數畝

廣茗鄉六里一茗上二太平三清泉四五山五青
山六武興分上扇二畝今爲孝畝友畝下扇四畝

今爲媯畝睦畝任畝媯畝

金石鄉六里一永安二天目三紫岩四大順五渾
湖六古仁分一八九管一畝今爲仁畝二七管三
畝其二七一畝今爲儒畝一七二畝三畝今爲智
畝信畝三四管一畝今爲直畝五六管二畝今爲
勇畝剛畝

太平鄉六里一光順二幽西三上寶四慶善五國
昌六周昌分一二三管五畝今爲官畝商畝角畝
徵畝羽畝四五六管四畝今爲金畝石畝絲畝竹

孝豐縣志

卷二 建置

三

畝七八九管二畝今爲苑畝土畝十十一管二畝
今爲革畝木畝

魚池鄉六里一版仁二西茂三龍池四永昌五孝
和六清潭分一七八管四畝今爲元畝亨畝利畝
貞畝二九管四畝其二九一畝今爲哲畝二九二
畝今爲儒畝二九三畝四畝今爲謀畝聖畝下扇
三畝其一畝今爲肅畝二畝今爲儒畝三畝今爲
又畝

以上五十三畝分三畝爲儒戶自運畝儒戶又分

爲四路實三區也其乾坤震巽名目俱知縣楊錫汝改定今因之

三區五十三區 本安吉之十六鄉六區內分上等故分縣之初各有割附焉總五十三區半後并爲五十三區其詳如左

東南區

浮玉鄉上扇一區下扇一區孝豐鄉上扇一區廣

蒼鄉上扇二區下扇四區天目鄉下扇一區金石

鄉二九管三區割附移風鄉下扇一區 原係安吉縣東北區

魚池鄉下扇三區 原係安吉縣東北區 割附靈奕鄉上扇一區

孝豐縣志

卷二 建置

十四

原係安吉縣北區

西南區

太平鄉一二管五管四五六管四區十十一管二

區金石鄉一八九管一區五六管二區三四管一

區割附移風鄉上扇一區 原係安吉縣東北區 割附靈奕鄉

下扇一區 原係安吉縣西北區 割附魚池鄉下扇二區 原係安吉縣東北區

西區

天目鄉上扇三區中扇二區太平鄉七八九管二

首魚池一七八管四首二九管四首割附孝豐鄉

下扇一首本一首半正德七年并割附魚池鄉下

扇一首原係安吉縣東區

津梁橋渡

周禮一書織悉具備不獨司險司市禁暴止爭即

除道芟草杠梁津濟之事莫不經緯咸周此王政

也古今準之豐巖邑也僻在山澗時有虎患溪水

洪洞岍谷阻修仁人君子心竊憫焉昔高山作而

為有彝之行輿梁成而無病涉之憂嘉惠四方即

孝豐縣志

卷二 建置

十五

在剪除柞械開通險阻中比豈獨行道旅人歎為

蕩平已耶

渡

五山渡縣東北靈突鄉為豐邑要津知縣郭治編

易置以船議鹽役一名永為修理義民助田許渡

茹湖渡縣北十里沿干渡縣北二十五里安吉界

干瀘溪渡縣南五里楊坑渡縣西五里費家渡縣南

一里天目鄉知陳安渡縣西南十里廣茗豹霧渡

縣黃朝遜置理村渡縣東冠郎起莘陳

里魚池鄉

橋

迎恩橋縣北門外百慈橋縣西北五里仙橋縣北八里

沿干橋縣北二十里嗣濟橋威鳳門外第一橋者

助田永龍溪橋施文相助田有碑吳鳳皇橋縣東

鳳凰山下居天打橋孝豐飛橋石門龍王橋金石

民夏蘭修獨山橋金石青石橋金石前塘橋天目插虹橋

上下二座縣東北磚橋縣西三十里石梁橋太平鄉

內結絕橋縣西二十里後干橋縣西二十里汪汪橋縣西

南二十五里廣茗鄉七賢橋縣東七賢楊村橋移風五女橋

孝豐縣志

卷二

建置

六

移風鄉永福橋移風鄉喻孝子橋孝豐鄉

亭

亭榭無關於國計似無庸書然道路憇息以節勞役以避風雨或官或私總為便民而建有其舉之曷可廢乎故并及之

亭

中館亭 上墅亭 新墟亭 武昌嶺亭 斛嶺亭

青山亭 碧門亭 牙前亭此東路往來通餘杭省城

嶺亭東路西山亭 陳安亭 彭宅亭 張塢亭

獨山亭

白馬亭

長林亭

湯口亭

此南路往來通寧國

大竹干亭

磚橋亭

西圩亭

黃泥街亭

諸合涼亭

此西路往來通寧國廣德

堂子山亭

五山亭

靈奕舖亭

唐福亭

兆干亭

此北路往來通安吉遞舖

白慈橋亭

平陸亭

魚溪口亭

此北路往來通廣德者

或在中野或在山僻風雨驟至炎暑交蒸暫得駐息庶無疾困係非細也故詳之

坊巷衢井

表宅里樹風聲既作之坊不可沒也街巷以通闕

孝豐縣志

卷二 建置

七

闔井汲以便民養為志其大者要者而已

坊

雙進士坊

縣東街為吳麟吳龍立今廢

進士坊

縣南為高冕立

科甲坊

縣北街為吳侃吳麟吳龍吳維嶽吳維京立

騰蛟坊

在學東首

起鳳坊

在學西首

里仁坊

縣南街

毓秀坊

縣西南

巷

布政分司西巷

公館西巷

城隍廟東巷

學後巷

三公潭舊巷

城隍廟後巷

體仁巷

和義巷

秉禮巷

敦信巷

井

義井

在講樓西萬曆四年知縣王國寶令耆民董惠趙乾督濬有碑

養源井

縣西南知縣郭治重濬

金魚井

縣東南靈岩山頂傍有石池雖淺不乾魚皆金色故名

孔子井

孔夫關其詳載古蹟

養濟院

在迎安門外房四間二進周圍蔬圃知縣治建趙存字修今又修

滿澤園

在迎安門外堂子山金以誠勸募亭庵址王丕助

孝豐縣志

卷二

建置

六

附明崇禎十三年民遇疫屍填溝壑巡檢傅美附費買西門外地便民埋瘞名助葬山

附總論凡城必書蓋由上之人相度水土法象天地以衛民也管子恃陋號叔恃巖春秋譏之豐因鄆縣古治更建石城可不謂固焉而斯民之衆志成城則地利與人和又兩得之矣若夫署廨之置尤聽政臨民兆庶其瞻之所居上者靖共爾位敢有隕越歟至於學宮不可以或褻陳以俎豆宅以師儒蓋教化本原之地誠至重矣乃若歲時致祭凡列在祀典者不可闕也其有封內山川能興雲出雨澤潤生民者亦得歲時並祭與淫祀異矣倉

儲之建卽古常平遺意而綢繆至計尤莫如社倉惟念切民依者俾良法美意歷久而無弊乃爲盡善爾古者置郵亦十里有委之意今則專於傳命事關軍國重趼而至可無以節勞耶他如養濟以昭卹字之仁漏澤以全帷蓋之義而近則武備尤嚴以重衣袂之戒膺民社者可不加之意乎

孝豐縣志卷第三

知孝豐縣事蜀南充羅爲賡纂

食貨志

食貨志識食貨之源流以經邦用阜民財也先戶口而繼田賦終之以土產蓋人土財用之旨又以見因地導利存底慎之心務合乎人情土俗之宜則庶乎其有賴焉耳

戶口

數生齒而爲口合衆口而爲戶紀戶口自明弘治

孝豐縣志

卷三

食貨

五年始其蕃耗視乎其時按舊志自萬曆三十年後有不可考者今

國朝編纂全書鄉市人丁籍有定額而戶口因之爲

冊數云

弘治五年

戶八千五百一十五戶人口三萬五千三百六十二口

十五年

戶八千六百四十三戶人口三萬五千三百六

十三口

正德七年

戶八千六百四十三戶人口三萬六百七十口

嘉靖元年

戶八千五百二十六戶人口三萬六百七十口

十一年

戶八千五百二十六戶人口二萬三千二百七

十五口

二十一年

孝豐縣志

卷三

食貨

二

戶八千五百一十六戶人口二萬三千二百五

十七口

三十一年

戶八千五百二十六戶人口三萬八千二百五

十一口

四十一年

戶八千二百五十一戶人口三萬八千二百八

十一口

隆慶六年

戶八千五百二十六戶人口三萬八千二百五十二口

十二口

萬曆九年
戶八千五百四十五戶人口三萬四千二百五十五口

十九年

戶八千五百二十七戶人口二萬五千八百九十三口

三十年

孝豐縣志

卷三 食貨

三

戶八千五百三十一戶人口二萬五千九百三十七口

舊志自三十年後其數增損不多故不具載

國朝順治四年 戶口一萬三千九百五十四丁

田地山蕩

民依田土以養而田土隸在畝籍豈有盈縮哉然
坍荒之與開墾時有不全今舉設縣以來之舊額
并

康熙六年清丈之數詳列於左

按舊志金谿黃氏曰孝豐與安吉連界萬曆九年
丈量本縣界產悉丈入縣冊後州復提入州冊計
田一千五百八十四畝五分七釐二毫地五百三
畝六分八釐一毫中山六百三十一畝五分五釐
三毫蕩三十二畝八分六釐八毫萬曆十三年縣
民郎益之等具呈司道批府將縣新開田七十九
畝一分八釐四毫地四十八畝四分三釐九毫五
絲申詳抵補外每田一畝帶州田一釐二毫八絲
二忽五微四渺每地一畝實帶州地八毫八絲三
忽四微四塵二渺一漠七埃每中山一畝原帶州
山二毫每蕩一畝原帶州蕩二釐二毫八絲微補
嗚呼州縣額原有定一旦盈縮謂何稅隨田轉彼
收其田此輸其稅丈以均糧反以不均弊害可勝
言哉故志之以俟後之君子

全書原額田一千一百九十頃八十畝八分二釐

二毫

國朝康熙六年爲清各省之地等事丈出田四分一

釐七毫五絲實徵田一千一百九十頃八十一

孝豐縣志

卷三

食貨

四

畝二分三釐九毫五絲

全書原額地五百五十九頃六十二畝一釐三毫
國朝康熙六年丈出地四釐三毫三絲實徵地五百五十九頃六十二畝五釐六毫三絲

全書原額上山六百一十一頃八十五畝九分一釐

國朝康熙六年丈出山一釐五絲實徵六百一十一頃八十五畝九分二釐五絲

全書原額中山三千四百一十五頃六十四畝六分三釐四毫

孝豐縣志

卷三

食貨

五

國朝康熙六年丈出中山三釐五毫一絲實徵山三千四百一十五頃六十四畝六分六釐九毫一

絲

全書原額下山一千九百四頃八十分六毫
康熙六年丈出下山五毫實徵山一千九百四頃八十分一釐一毫

全書原額蕩一十四頃七十六畝三釐八毫康熙六年丈缺四釐四毫七絲實徵蕩一十四頃七

十五畝九分九釐三毫三絲

賦役

田賦力役國之正供而戶口之多寡因之故薄歛時使所爲惓惓致訓者軫恤民艱正爲邦本計也本縣額徵錢糧自萬曆十五年立碑

額徵起運存留共銀一萬四千七百八十三兩五錢九分九釐五毫七絲四忽四微八塵六渺六漠三纖四沙內

夏稅

孝豐縣志

卷三

食貨

六

起運絲綿絹折麥草鈔折共銀二千一百一十四兩六錢五分七釐八毫八糸七忽二塵七渺八埃四纖八沙

存留局絲鈔折麥草折兵馬共銀三千二百六十一兩九錢五分九釐二毫五絲八忽六微一塵四渺七漠一埃八纖六沙

秋糧

起運米折等銀一千三百五十九兩一錢三分二釐九糸一忽三微五塵

存留共銀二千六百六十七兩八錢九分九釐八毫五絲三忽六微九塵

一均平共銀三千七百二十一兩三錢一分九釐九毫八絲三忽八微一塵四渺八漠

一均徭共銀一千六百五十八兩六錢三分五毫遇閏應加共銀二百九十四兩一錢七分三釐九毫一絲六忽四微一塵八漠五埃六纖內

鹽糧項下加銀二十四兩七錢四分一釐一毫七絲一忽八微

孝豐縣志

卷三 食貨

七

鹽鈔項下加銀二錢五分七釐四絲九忽一微七塵九渺

均平各項下加銀一十八兩二錢八釐五毫九忽三微五塵六渺

均徭各項下開銀九十四兩七錢三釐一毫

民壯項下開銀一百五十六兩二錢六分四釐

民壯一百五十名每名工食銀七兩二錢遇閏照加內

本縣九十五名 本府并各館共一十四名

本府總捕廳哨兵三十四名 本府添設館皂隸七名

不加開

本府理刑館皂隸二名 本府添設館皂隸一名

以上工食係在均平備用銀內支給

分守道轎夫一名 本府理刑廳聽事夫一名
本府儒學募夫一名

以上三名工食係在夫馬銀內支給

孝豐縣志

卷三

食貨

八

萬曆三十年後加額

實徵起運存留共銀一萬五千三百三十六兩七錢七分五釐五毫五絲六微內除優免銀一百六十三兩九錢三釐六毫

實徵銀一萬五千一百七十二兩八錢七分一釐九毫五絲六微

田一十一萬九千八十畝八分二釐二毫每畝徵銀八分一釐共銀九千六百四十五兩五錢四分六釐五毫八絲二忽

地五萬五千九百六十二畝一釐三毫每畝徵銀一分九釐八毫共銀一千一百八兩四分七釐八毫五絲七忽四微

上山六萬一千一百八十五畝九分一釐每畝徵銀一分三釐六毫共銀八百三十二兩一錢二分八釐三毫七絲六忽

中山三十四萬一千五百六十四畝六分三釐四毫每畝徵銀六釐五毫共銀二千二百二十兩一錢七分一毫二絲一忽

孝豐縣志

卷三

食貨

九

下山一十九萬四百八十畝八分六毫每畝徵銀三釐七毫共銀七百四兩七錢七分八釐九毫八絲二忽二微

蕩一千四百七十六畝三釐八毫每畝徵銀一分四釐共銀二十兩六錢六分四釐五毫三絲二忽

鄉民人丁一萬三千七百六十九丁每丁徵銀五分七釐九毫共銀七百九十七兩二錢二分五釐一毫

市民人丁一百八十五丁每丁徵銀四分四釐四毫共銀八兩二錢一分四釐

遇閏應加共銀二百六十九兩五分六釐九毫八絲

國朝順治初年實徵起運存留均平均徭俱照舊額起科外奉文加減裁扣不等自順治八年後逐年刊刻由單俾民易知

本縣原額泰定倉麥秋鹽米草折共六千四百一十七石七斗四升九合八勺二抄五撮每米一

孝豐縣志 卷三 食貨

石折銀五錢五分共折銀三千五百二十九兩七錢六分二釐四毫三忽七微五塵順治十二年湖州所運丁呈請本折均平于原額泰定倉折色米內改徵本色米一千七百五十八石八斗九升六合二勺五抄給湖州所運丁遇閏加徵米一百四十六石五斗七升四合六勺八抄七撮五圭因本縣山多田少不通舟楫糴里士民控憲仍懇改折憲定每石折銀一兩二錢計米一千七百五十八石八斗九升六合二勺五

抄徵銀二千一百一十兩六錢七分五釐遇開
米一百四十六石五斗七升四合六勺八抄七
撮五圭折徵銀一百七十五兩八錢八分九釐
六毫二絲五忽

今上康熙十二年由單

原額田一千一百九十頃八十畝八分二釐二毫
自康熙六年爲清查各省之地等事支出田四
分一釐七毫五絲實徵田一千一百九十頃八
十一畝二分三釐九毫五絲每畝原徵銀八分

孝豐縣志

卷三

食貨

土

一釐今實徵并九釐等銀一錢二分四釐四毫
該銀一萬四千八百一十三兩七錢六釐一毫
九絲三忽八微每畝今徵米一升三合三勺該
米一千五百八十三石七斗八升四勺八抄五
撮三圭五粟

原額地五百五十九頃六十二畝一釐三毫康熙
六年丈出地四釐三毫三絲實徵地五百五十
九頃六十二畝五釐六毫三絲每畝原徵銀一
分九釐八毫今實徵并九釐等銀二分九釐三

毫該銀一千六百三十九兩六錢八分八釐二毫四絲九忽五微九塵每畝今徵米三合二勺該米一百七十九石七升八合五勺八抄一圭六粟

原額上山六百一十一頃八十五畝九分一釐康熙六年丈出山一釐五絲實徵山六百一十一頃八十五畝九分二釐五絲每畝原徵銀一分三釐六毫今實徵銀二分一毫該銀一千二百二十九兩八錢三分七釐二忽五塵

孝豐縣志

卷三

食貨

土

原額中山三千四百一十五頃六十四畝六分三釐四毫康熙六年丈出山三釐五毫一絲實徵山三千四百一十五頃六十四畝六分六釐九毫一絲每畝原徵銀六釐五毫今實徵銀九釐六毫該銀三千二百七十九兩二分八毫二絲三忽三微六塵

原額下山一千九百四頃八十分六毫康熙六年丈出山五毫實徵山一千九百四頃八十分八分一釐一毫每畝原徵銀三釐七毫今實

徵銀五釐五毫該銀一千零四十七兩六錢四分四釐四毫六絲五微

原額蕩一十四頃七十六畝三釐八毫康熙六年丈缺蕩四釐四毫七絲實徵蕩一十四頃七十五畝九分九釐三毫三絲每畝原徵銀一分四釐今實徵銀二分四毫該銀三十兩一錢一分二毫六絲三忽三微二塵

原額人丁一萬三千九百五十四丁口內

市民人丁一百八十五丁每口徵銀四分四釐四分四毫該銀八兩二錢一分四釐

孝豐縣志

卷三

食貨

三

鄉民人丁一萬三千七百六十九丁每丁徵銀五分七釐九毫該銀七百九十七兩二錢二分五釐一毫

以上田地山蕩人丁等項共徵銀二萬二千八百四十五兩四錢四分六釐九絲二忽六微二塵內除紳衿優免本身丁銀一十三兩八錢三分八釐一毫額徵銀二萬二千八百三十一兩六錢七釐九毫九絲二忽六微二塵徵米一千七

百六十二石八斗五升九合六抄五撮五圭一粟

一起運各部寺本折正賦裁扣等銀共一萬四千

六百八十六兩五錢二分四毫五絲七忽三塵

九渺五漠二埃

外又新丈出地丁銀五分二釐八毫六絲九忽三微二塵

滴珠路費夫船共銀一百二十七兩三錢一分

六釐三毫七絲四微八塵三渺六漠八埃內

戶部項下本色共銀一百八十七兩一錢六釐二

毫一絲五忽三微四塵七渺二漠四埃七織

孝豐縣志

卷三

食貨

古

夫船共銀一兩九錢八分五釐內

京絹銀九十九兩二錢二釐四毫六絲九忽九塵七渺二漠四埃七織

錢六釐夫船銀一兩九錢八分五釐一毫三絲一忽二微五銀六兩四錢八分四釐三毫三絲一忽二微五

塵忽 芽茶銀二兩八錢一分三釐四毫一絲五

折色共銀一萬二百八十八兩五錢二分一釐六

毫四絲九微七塵四渺七埃三織二沙

滴珠路費夫船共銀一百二十五兩九錢八分

四毫八絲七忽五塵九渺二埃六織五沙內

金花銀一千六百六十八兩四錢二分二釐三毫五絲 滴珠路費銀四十五兩四分七釐四

毫三忽四微五塵	京絹折銀一千一百	三兩五錢八分四釐五毫九忽三微三塵一沙	一漠七埃三織二沙路費銀一十一兩一錢	一分五釐八毫四絲五忽九塵三沙三漠一埃	一織七沙絲綿折銀七百四十四兩八分四釐	釐夫船銀九兩三錢九分五釐	京庫草折	銀三百二十七兩路費銀三兩九錢二分四釐	釐定場草折銀七拾二兩路費銀四錢三分	分二釐折色蠟價銀一百四十六兩二錢七分	分五釐二毫三絲二忽路費銀一兩四錢六分	分二釐七毫五絲二忽三微二塵富戶銀一兩	十六兩路費銀一錢六分	二錢路費銀二分二釐	八分四釐一毫七絲路費銀三分一釐八毫	四絲一忽七微葉茶銀二兩三分二釐二毫	伍絲路費銀二分三毫二絲二忽五微	驢銀四十二兩二錢四分二釐二絲二忽五忽	費銀四錢二分二釐四毫二絲二微五塵	山
---------	----------	--------------------	-------------------	--------------------	--------------------	--------------	------	--------------------	-------------------	--------------------	--------------------	--------------------	------------	-----------	-------------------	-------------------	-----------------	--------------------	------------------	---

孝豐縣志

卷三

食貨

五

羊銀五兩一錢四釐一毫	路費銀三錢八釐	九毫四絲六忽	栗果銀九十七兩九錢九分	七釐六毫五絲	路費銀九錢七分九釐九毫	七絲六忽五微	江南藥價銀一錢四毫三絲	津貼路費銀一分五釐六絲四忽五微	直銀九十二兩四錢	路費銀九錢二分四釐	鹽欵銀一兩五錢三分五絲四忽六微四塵	二沙九漠路費銀一錢八釐三毫六絲六微	五塵五沙七漠一埃四織八沙	九厘銀五錢	九百五十四兩三錢六分四釐八毫七絲	費銀四十一兩六錢八分五毫五絲四忽九	又丈出地丁銀五分二釐八毫六絲零
------------	---------	--------	-------------	--------	-------------	--------	-------------	-----------------	----------	-----------	-------------------	-------------------	--------------	-------	------------------	-------------------	-----------------

禮部光祿寺項下本色藥材料價銀二錢一分七

釐一毫津貼

路費銀八分一釐四毫一絲二忽五微

折色共銀四十二兩二錢八分五釐六毫三絲

路費共銀八錢七分二釐七毫六絲六忽二微

五塵內

牲口銀二十五兩五錢 路費銀二錢五分五釐
藥材折色銀一兩二錢三分二釐六毫三絲
絲津貼 路費銀四錢六分二釐二毫三絲六忽
忽二微五塵 果品銀一十二兩 菜筍銀二兩五錢五分三釐
路費銀一錢五分五釐五毫三絲

工部項下折色共銀九百四兩九錢六分八釐一

毫二絲五忽四微五塵

路費共銀二兩七錢四分五釐三毫九絲內

孝豐縣志

卷三

食貨

六

匠役銀四兩五錢三分九釐 路費銀四分五釐
釐三毫九絲 漆木銀一兩九錢八分一毫
牛角銀二百七十兩 路費銀二兩七錢
銀八十一兩六錢 弦銀四十五兩 胖襖銀
四十一兩五錢七分五釐三毫二忽 工料銀
一百五十九兩一錢四分 葺造段正銀一百
六兩六錢五分六釐四毫五絲七忽五微 軍
器民七銀八十一兩七錢三釐六毫二絲七忽
二微 軍器路費銀四兩一錢三分五釐
絲銀一百四兩六錢三分八釐六毫三絲八忽
七微 五塵

江南神帛堂項下絲木色銀一百一十七兩一錢

六分二釐四毫

貼役銀二兩五錢

舊編存留項內裁改解 部克餉共銀三千一百

四十六兩二錢五分九釐三毫四絲五忽二微

六塵八渺一漠九埃九纖八沙

路費銀三兩一錢五分一釐三毫一絲四忽六

微七塵四渺六漠五埃三纖五沙內

府縣捕盜銀七十二兩 鹽捕祇課并滴珠銀

二十三兩二分八釐 巡司弓兵賞課并滴珠

銀一百一十二兩一錢二分 行背銀三兩

忽四微六塵五渺三漠五埃 路費銀三兩一

錢五分 一釐三毫一絲四忽六微七塵四渺六

漠五埃 三纖五沙 預脩倉經費銀一十二兩

八錢 府縣脩用銀八十三兩 各役工食裁

孝豐縣志 卷三 食貨 七

剩銀一十八兩四錢三分七釐一毫九忽五微

六塵七渺九漠 粟果解戶銀八十四兩 積

餘銀三十四兩三錢五毫一絲五塵七渺九漠

四埃九纖八沙 積餘米易銀三兩九錢五分

七釐一毫二絲四忽二微 順治九年裁扣銀

二百三十三兩六錢 順治十二年裁扣銀八

兩 順治十四年裁減銀三百三十二兩二錢

一釐二毫 膳夫裁銀四十兩 裁官經費銀

五十七兩九錢二分 康熙元年新裁吏書工

食銀九十兩 康熙二年盡裁生員廩糧銀六

十四兩 又裁倉庫學書工食銀一十九兩二

錢 康熙三年裁教職銀七兩二錢 優免克

餉銀一百五十一兩六分五釐五毫 學道歲考

撥還軍儲克餉銀八百七十九兩四錢四分八

釐一毫二絲五忽 軍儲克餉銀五百五十九兩

九分四釐七毫七絲九忽三微七塵五渺

馬銀四兩三錢二分 龍袍解損等銀二十八

兩二錢九分五毫二
絲九忽六微二渺

一存留通共銀八千二十兩六錢四分四釐七毫

一絲九忽九微七塵六渺八漠

米共一千七百六十二石八斗五升三合三勺

七抄四撮二圭 又丈出解司存留米五合內
六勺九抄一撮三圭一粟

本省額編兵餉內提出軍儲銀彙列充餉外實該

兵餉銀三千五百四十兩三錢三分七釐三毫

九絲內

川地山銀一千六百三十二兩一錢三釐三毫
九絲均徭充餉銀九十三兩民壯充餉銀

孝豐縣志

卷三

食貨

六

六百七十八兩九錢六分常積倉米折充餉
銀一百六十二兩三錢七分八釐曆日充餉
銀三兩裁元銀九百四兩八錢九分六釐
加原協濟秀水縣夫馬今抵解兵餉銀六十六
兩

米共一千七百六十二石八斗五升三合三勺

七抄四撮二圭內除積餘充餉米三石九斗五

升七合一勺二抄四撮二圭每石易銀一兩充

餉外實該月糧米一千七百五十八石八斗九

升六合二勺五抄 又丈出解司存留米五合
六勺九抄一撮二上一粟

解司共銀一百九十七兩九錢二分四釐一毫五

絲七忽九微內

科舉銀三十四兩八錢六釐八毫六絲一忽九微
會試舉人水手銀八兩
武舉銀二錢五分
分五釐 雇稅銀二兩
曆日銀六兩五錢八分
七釐九毫三絲六忽
戰船銀二十三兩八錢五分
釐三毫六絲
解司備用銀九十二兩四錢二分四釐
布政司解戶銀三十兩

存留府縣共銀一千六百八十一兩七分三釐八毫

七絲七忽九微內

進表銀四錢一分三釐六毫五絲
拜賀習儀銀四錢八分
官役俸食心紅等項內本縣知縣俸銀四十五兩
心紅銀二十兩
門子二名共銀一十二兩
皂隸十六名共銀九十六兩
馬快八名共銀一百三十四兩四錢
壯五十名共銀三百兩
燈夫四名共銀二十

孝豐縣志

卷三

食貨

九

四兩 禁卒八名共銀四十八兩
修理倉監銀二十兩
轎傘扇夫七名共銀四十二兩
庫子四名共銀二十四兩
斗級四名共銀二十四兩
共銀三十六兩
典史俸銀三十一兩
門皂馬夫六名分
門皂馬夫六名共銀三十六兩
二兩 膳夫八名共銀四十四兩
齋夫六名共銀三十六兩
門子二名共銀十四兩
四兩 錢
一兩 錢
文廟香燭銀一兩六錢
季考銀一十兩
春銀四兩
鄉飲銀六兩
季考銀一十兩
木府歲貢旗匾等銀八錢五分七釐一毫四絲
二忽六微
觀風銀四兩六錢
襍支內新到任祭門等銀一兩六錢三分三釐三毫三絲
府縣陞遷祭船等銀三兩六錢
看守門子銀六兩
天日巡司弓兵銀四十一兩

錢五分 鹽捕六名共銀六十一兩二錢
青鎮巡鹽哨兵四名共銀二十八兩八錢
舖司兵共銀六十二兩
修城民七銀六兩
修理本縣城垣銀一十五
兩
修理仙船銀四兩
修理鄉飲家伙什物
銀一兩
存縣備用銀四十兩四錢六分七釐
六毫四絲
重四口糧銀三十六兩
一辦內本縣歲貢旗匾路費等銀三十三兩
應朝官員祭門等銀九錢三分三釐四毫
宴新舉人等銀三兩
起送會試舉人等銀六
兩二錢四分五釐三毫八絲五忽三微
進士等銀三兩三錢三分三釐三毫三絲
送科舉生員銀一十兩八錢
外加孤貧口糧
銀八十四兩
順治十四年奉裁康熙三年復給
隨漕項下共銀二千四百四十三兩八錢八分二
釐六毫九絲四忽一微七塵六渺八漠內

孝豐縣志

卷三

食貨

二十

貢具銀五十一兩九錢九分四釐八毫八絲
忽二微五塵
廩工銀一百五十八兩四錢
月糧七分給軍銀二千五十二兩四分五釐六
毫二絲五忽
淺船銀一百八十一兩四錢四
分二釐一毫八絲七忽
九微二塵六渺八漠
兵部項下共銀一百五十八兩四錢二分六釐六
毫內

驛站銀一百一十一兩一錢四分六釐六毫
雇馬銀一十七兩二錢八分
雇船銀三十兩
一額外歲徵漁課共銀九錢三分七釐
路費共銀九分三釐七毫內

本色銀一錢二分五釐
路費銀一分二釐五
毫
折色銀八錢一分二釐
路費銀八分

釐二毫俱
里甲徵辦

以上通共起運銀一萬四千六百八十七兩四錢五分七釐四毫五絲七忽三塵九渺五漠二埃

外丈出地丁銀五分二釐八毫六絲九忽三微二塵

滴珠路費夫船共銀一百二十七兩四錢一分七絲四微八塵三渺六漠八埃

存留銀八千二十兩六錢四分四釐七毫一絲九忽九微七塵六渺八漠今奉

旨彙解戶部本折正賦裁扣等各項銀一萬四千六

孝豐縣志

卷三

食貨

主

百八十七兩四錢五分七釐四毫五絲七忽二塵九渺五漠二埃

滴珠路費夫船銀一百二十七兩四錢一分七絲四微八塵三渺六漠八埃

存留本省兵餉銀三千五百四十兩三錢三分七釐三毫九絲

存留各項襍支銀共四千四百八十兩三錢七釐三毫二絲九忽九微七塵六渺八漠

月糧米一千七百五十八石八斗九升六合二勺

五抄

遇閏地畝加銀四百八十兩三錢二分二釐八毫五絲

一起運本折賦裁扣等銀一百五兩九錢四分二釐六毫九絲三忽三微三渺五漠

路費共銀六分三釐三毫八忽三微四渺六漠
四埃二纖內

戶部項下折色共銀五兩一錢二分七釐五毫四忽五微五塵三渺五漠

孝豐縣志

卷三

食貨

五

路費共銀五分一釐五毫三絲五塵四渺六漠
四埃二纖內

柴直銀五兩 路費銀五分 鹽鈔銀一錢二分七釐五毫四忽五微五塵三渺五漠 路費銀一釐五毫三絲五塵 四渺六漠四埃二纖

工部項下折色共銀一十六兩三錢七分一釐三毫

路費共銀三釐七毫七絲內

匠役銀三錢七分七釐 路費銀三釐七毫七絲 段疋銀一十五兩九錢九分四釐三毫

舊編存留項內裁改解部充餉共銀八十四兩三

錢六分三釐八毫六忽二微五塵內

鹽捕抵課并滴珠銀一兩九錢一分九釐

治九年裁口銀一十七兩八錢 順治十四年

裁減銀三兩八錢一分二釐五毫 膳夫裁銀

三兩三錢三分三釐三毫 裁官經費銀三兩

八錢二分六釐六毫 康熙元年新裁吏書銀

七兩五錢 又裁倉庫學書銀一兩六錢 康

熙三年裁教職銀六錢 月糧三分銀四十三

兩九錢七分二釐四毫六忽二微五塵

漁課本色銀二分四毫一絲二忽五微

路費銀二釐四絲一忽二微五塵

折色銀五分九釐六毫七絲

路費銀五釐九毫六絲七忽

孝豐縣志

卷三 食貨

三

一存留通共銀三百七十四兩三錢一分六釐八

毫四絲八忽三微九塵一渺八漠五埃八纖內

本省兵餉銀一百六十兩一錢四分一釐一毫七

絲一忽八微七塵五渺內

民壯銀六十六兩 裁冗銀六十五兩四錢

鹽米克餉銀二十四兩七錢四分一釐一毫七

絲一忽八微七塵五渺 加原協

濟秀水人夫今抵解兵餉銀四兩

解司曆日銀九分八釐一毫

隨漕月糧銀一百二兩六錢二釐二毫八絲一忽

二微五塵

存縣各項襍支共銀一百八兩一錢七分五釐

毫九絲五忽二微六塵六渺八漠五埃八纖內

知縣俸銀三兩七錢四分九釐九毫 門子二

名銀一兩 皂隸十六名銀八兩 馬快八名

銀一十一兩二錢 民壯五十名銀二十一兩

燈夫四名銀二兩 禁卒八名銀四兩 轎

傘夫七名銀三兩五錢 庫子四名銀二兩

斗級四名銀二兩 縣丞俸銀三兩三錢三分

三釐三毫 門皂馬夫六名銀三兩 典史俸

銀二兩六錢二分六釐六毫 門皂馬夫六名

銀三兩 訓導俸銀二兩六錢二分六釐六毫

齋夫六名銀六兩 膳夫八名銀三兩三錢

三分三釐三毫 門子二名銀一兩二錢 天

目巡檢俸銀二兩六錢二分六釐六毫 皂隸

二名銀一兩 看守各司門子銀五錢 天目

巡司弓兵銀三兩四錢三分七釐五毫 鹽捕

孝豐縣志 卷三 食貨 三

銀五兩一錢 烏青鎮哨兵銀二兩四錢 各

舖司兵銀五兩一錢六分六釐四毫九絲五忽

二微六塵六渺八漠五埃八 鐵 渡夫銀三錢七分五釐

兵部項下雇馬銀三兩三錢

遇閏加米一百四十六石五斗七升四合六勺八

抄七撮五圭 係運丁 月糧

一額外匠班銀二十六兩一錢 常稅銀二錢五分

襍稅等銀雖無定額不載仍年終將收數造報查核

舊志學田官地開後

學田三十一畝

舊無學田萬曆二十七年王士猷以附學名色援例入田二十畝教諭王

錦訓導王治金洪相益置田一十一畝

渡田十畝

原官田二畝

坐落馬條口計一坵

周雲助一畝

湯子榮助一畝

董世英助六

分王崇禮助四分

以上田三畝計一坵坐

落朱田圩馬條口

陳師仁 陳師賢 陳師

舜 陳師曾

陳師禹 共助五畝坐落

頭

豐北閣田

王文奎助一畝坐落楊家園 許可成助一畝坐落楊樹井 章樞助一畝坐落五

孝豐縣志

卷三 食貨

五

山圩

洪汝誕助一畝坐落五山圩 洪汝詔助一畝坐落五山圩

城隍廟田地

舖戶王鱗翔王大信續置

廟後基地三分又一分三釐

菜地四畝

坐落東關外

田一畝七分

坐落下慈圩

康熙六年官地丈量畝數開後

縣治基地共丈三十八畝五釐七毫

文廟基地三畝七分七釐九毫

泮池地

舊學宮地九畝五分五毫

泮池蕩九分三釐八毫

憲司基地三畝八分六釐

城隍廟基地一畝四分七釐一毫

鄉約所社學基地一畝七分二釐九毫

羈候所地三分六釐二毫

南壇地一畝五分四釐二毫

定性書院基地五分九釐六毫

西壇地一畝三分一釐二毫

孝豐縣志

卷三 食貨

五

北壇地九分九釐二毫

養濟院基地七分七釐八毫

豐北閣基址并演武場渡共地一十五畝五毫

堂子山涼亭觀音堂王侯祠三則共地七分七釐

沿圩公館地一畝四分一釐六毫

安吉州北門外公館并梅溪青石橋公館二處基地

原丈在州取屋租完糧當役

堂子山漏澤園丈山一十四畝二分八釐三毫

西門外助葬山丈中山四畝地一畝五分

東社倉

坐落浮玉鄉上墅基地三畝四分四釐八毫荒宇號

南社倉

坐落廣茗鄉彭澤基地二畝六分八釐倉後地一分一釐七毫收宇號

西社倉

坐落太平鄉黃坪基地一畝二分七釐七毫社地一畝三分八釐八毫俱冬宇號

北社倉

坐落靈奕鄉下庄基地二畝九分三釐六毫

係月宇號

天目巡檢司新置南門內基地六分

土產

志方物也蓋天地自然之利而樽節愛養則存乎
其人要惟服食器用者為重召公曰不貴異物民
乃足至哉言也

穀之屬 稻 黃秬稻 百日秬 落馬秬

觀音秬 紅黃秬 趕陳秬 光頭糯 鐵梗

糯 羊鬚糯 烏香糯 泥裡變糯 硃砂糯

麥 大麥 小麥 穠麥 蕎麥 荳 黃荳

赤荳 黑荳 菜荳 青荳 蚕荳 扁荳

孝豐縣志

卷三

食貨

二十六

蔬荳 刀荳 豇荳 蛾眉荳 稷 俗呼 粟

芝蔴 鹿角米

菜之屬 芹 薤 韭 蔥 莧 芥 松 芋

油菜 白菜 蘿蔔 菠稜菜 劉禹錫嘉話錄本出西域頗稜

國苦蕒 蒿苳 胡荽 茭白 箭筍菜 蒜

茄 金針菜 薺菜 瓜 絲瓜 南瓜

王瓜 香瓜 西瓜 東瓜 壺蘆 筍

策筍 泥黃筍 冬筍 邊筍 早竹筍

光筍

菓之屬 梅 桃 李 柰 杏 柿 柑

橙 栗 棗 梨 藕 芡 菱 櫻桃

楊梅 枇杷 葡萄 香櫞 銀杏 葶薺

石榴 梧桐子

花之屬 牡丹 芍藥 海棠 山茶 紫薇

蘭蕙 荼蘼 薔薇 瑞香 杜鵑 紫荊

郁李 梔子 木槿 辛夷 蜀葵 玫瑰

芙蓉 罌粟 石竹 菊 其種不一 玉簪 水仙

金鳳花 一名夾竹桃 鷄冠 碧桃 臘梅 紅梅

孝豐縣志 卷三 食貨 二十九

綠萼梅 六瓣梅 出郭 紅木樨 卽丹桂

藥之屬 半夏 蒼朮 南星 紫蘇 菖蒲

百合 山梔 山查 芍藥 桔梗 茱萸

白朮 茯苓 黃精 葳蕤 山藥 茵陳

川芎 薄荷 甘葛 麝香 虎骨 香附

鹿茸 鱉皮 山薯蕷 穿山甲 自然銅

何首烏 車前子 金銀花 石鍾乳

草薢子 菟絲子 五倍子 瓜蒌子

麥門冬 桑白皮

鳥之屬 鶴 雀 鵲 鷹 鷲 鷺 鷓 燕

鶻 雉 鷓 雁 鴻 翠鳥 鴛鴦 斑鳩

黃鸝 白鷓 竹雞 戴勝 鵲 啄木

百舌 畫眉 桑扈 子規 鷓鴣 布穀

益且 郭公 鸚鵡 元雞 出天目山 白頭公

獸之屬 虎 豹 鹿 麕 麝 豺 狼 兔

猴 獼猴 獾 猪 野猪 山犬 香狸

松鼠

鱗之屬 鯉 鮪 鮓 鰻 黑魚 斑魚

孝豐縣志 卷三 食貨 三

四足魚 出天目龍潭內能行樹杪 鱉 鱉 蝦 蟹 螺 蚌 蜆

介之屬 龜 鱉 蝦 蟹 螺 蚌 蜆

虫之屬 蠶 有頭蠶 蛙 蜂 蝶 蟬 蛇 螭

蜥 蜴 蜈蚣 蟋蟀 絡繻 蜻蜒 蝻 蚪 蟾 蟾

木之屬 桑 栢 松 栢 天目山者尤奇多出石上

檜 槐 榆 棟 椿 楮 冬青 烏柏

桂 檉 楓 梓 楊 楸 棠梨 漆樹

柳 花 棕 桐

竹之屬 江竹 猫竹 苦竹 紫竹 斑竹

簇竹 鳳尾竹 慈竹 石竹

草之屬 繡墩草 翠茵草 寄生草 鳳尾草

芭蕉 虞美人 龍鬚草 靈芝草 莎草

蘭荇 芡 網蔴 蘋 蓼 蘆 鈴兒草

附論宋元以上無考矣明萬曆間稽戶籍定額徵成畫一之制厥後賦日加增民日益困我

朝賦役具載全書兼刻由單頒給里遞俾民易知所謂吏習民安百世賴之者矣至於天之育萬物不

孝豐縣志

卷三

食貨

三

擇地而生因土之宜以前民用至足也豐地瘠而隘矣無他利田不產夫嘉穀木不足於魚鱉與湖屬諸邑不同一歲所入視旱澇以為豐歉而旱嘗什之七澇亦什之三其他山林竹木之資往往竭其所入不足以抵貨之所出權其子母亦祇十之二三故民雖樂輸嘗苦不足以供正賦然省方者周悉民隱而咨其疾苦顧此子遺庶其不瘳乎



孝豐縣志卷第四

知孝豐縣事蜀南克羅為廣纂



職官志

自岳牧遠而守令設令之於民最親也視民如子則所以率僚屬聯師儒以行政令而興教化職固不容委已縣自弘治戊申建前此者例不得書自戊申來司是土者不可混也作職官志

知縣

縣建自弘治然考周秦以來或宰或令或長或尹

孝豐縣志

卷四

職官

一

或增置或兼蒞或重以朝臣或兼以縣正縣尹雖有其人例不得書今其在前志者仍如前載記矣其志後未書者今則特書之有其人已列祀典者政績詳於名宦有應祀而未遑者則于某名下小註政畧一二蓋亦前事之不忘後事之師也覽斯者其鑒諸

明楊

達

堂邑人監生弘治元年任時縣治初創百務總理皆其功也

張

旭

休寧人舉人弘治六年任

俞

概

分寧人舉人弘治九年任

孫

英

蘇州人舉人弘治十二年任

韓光表

任丘人弘治十五年任

劉 恩 襄陽人舉人弘治十八年任

陶 成 道州人舉人正德三年任

張 淮 太倉人監生正德四年任

施 懋 應天人舉人正德八年任

楊 銓 東平人監生正德九年任

王 祺 融縣人舉人正德十年任

熊 兆 湖廣人舉人正德十三年任

郭 治 泰和人舉人嘉靖癸未年任

董 傑 穎榆人監生嘉靖戊子年任

王 校 泰和人舉人嘉靖庚寅年任

鄧文憲 新會舉人嘉靖壬辰年任

胡 崗 蕪湖監生嘉靖甲午年任

傅 錠 進賢舉人嘉靖乙未年任

陸 經 華亭舉人嘉靖辛丑年任

黃延年 南海舉人嘉靖甲辰年任

陰 積 福建監生嘉靖丙申年任

孫 本 通州舉人嘉靖戊戌年任

井一成 建德監生嘉靖乙巳年任

朱敬之 四川峽江舉人嘉靖丁未年任

林 植 東莞舉人嘉靖庚戌年任

張 懋 嘉定進士嘉靖乙卯年任

陳 垣 廣西舉人嘉靖庚戌年任

吳 鏞 湖廣舉人嘉靖癸亥年任

孝豐縣志 卷四 職官 二

續詳 名宦

後陞嶧州知州

之役宣力居多

歲凶捐俸賑濟存活者衆

履一致

愛民苦節自守民感頌之不衰應祀

鄭源洽 長樂舉人隆慶庚午年任

王國賓 武進進士萬曆甲戌年任建城編里作典士類祠在堂子山應祀

江朝陽 婺源舉人萬曆乙卯年任陞上

林資瀾 福建舉人萬曆丁丑年任

徐一鳳 溧水舉人萬曆曆癸未年任

思州知州有去思碑

于世延 滁州監生萬曆曆丁亥年任

嚴丕承 江浦舉人萬曆甲申年任

張問明 漳浦舉人萬曆曆庚寅年任

章大望 青陽舉人萬曆曆己丑年任

沈夢龍 吳江舉人萬曆曆癸巳年任

柯日森 同安舉人萬曆曆壬辰年任

趙存孚 馬平舉人萬曆曆丁酉年任清嚴

林梅 豐城舉人萬曆曆乙未年任

黃朝選 金谿舉人萬曆庚子年任居官

醇愛以丁外艱去

孝豐縣志

卷四 職官

三

清慎勤于民事捐俸修建明倫堂更置祭器改闢演武場創建豐北閣及沿于安吉梅溪公館錢糧

禁革棍保查丈編審重修縣志民皆德之應祀

趙從誼 漳浦舉人萬曆三十二年任

陳夢弼 湖口舉人萬曆三十六年任

郁堯章 臨淮選貢萬曆三十九年任

周以典 南昌進士萬曆四十四年任居官廉明視民如子尤重斯文興崇學校應祀

吳鉦 金谿舉人萬曆四十四年任

莊大化 雲南曲靖舉人萬曆四十七年

任清慈愛民應祀

王新政 長洲舉人天啟二年任查丈編

審亦稱公平

袁堪 吳縣舉人天啟五年任陞治中

馮士衡 臨朐恩貢崇禎三年任愛士郵民政績詳名宦

田漚 蕪水舉人崇禎十年任拊循有方民皆德之去任之日老幼送者萬人攀轅流涕如

失慈母有去
思碑應祀

徐公燮
江陰舉人崇禎十三年任

明正卒

其元鼎
豐城歲貢崇禎十六年任愛民

課士政教一新著有深柳堂文集甲申聞變即
勤哭自經家人止之隨棄官之金陵不知所終

國朝

初委署于養龍謝永肅黃
日乾朱國藩相繼攝治

李憲
淄川進士順治四年任

張永庚
遼東廩生順治八年任不數月

去

田養民
淄州籍貢生昌黎人順治九年

任時鄰寇未平設法援勦賣馬買牛招撫
流民開墾田土鄉民賴以生聚至今頌德

夏騰高
魚臺恩貢順治十六年任

張旺齡
漢陽進士康熙二年任

和人服其雅量饋遺必却
癸卯分校浙闈丁內艱去

楊錫汝
當塗拔貢康熙四年任捐俸建

孝豐縣志

卷四

職官

四

學徵根有法循役遞減修葺祠
廟蒞政六載百廢具舉丁外艱去

羅爲賡

四川南充縣由甲午舉人康熙十年十一
月初二日任歲值青荒禁草煩苛調賑錢

民存活者無幾謹飭人不得干以私然慈惠愛民
民戴之如嚴父慈母公餘集士子講明性學每交
分讀書不輟壬子分校浙闈至修邑志

縣丞

丞職水利軍匠簿帑邑之簿書長令所有事者分
獻佐理縣初建固兩設之嘉靖九年以邑事簡因
裁簿而以丞兼官

明龍廷瓚

湖廣人弘治年任

張文

保定人

李安

山東人

李誠

建平監生正德年任陞知縣

龍滔

江西人正德年任

高爵

婺源人正德年任

盧繼宗

霸州人正德年任陞經歷

周英

雲夢人正德年任

楊昌廷

遼東監生正德十五年任

張凱

石埭人監生嘉靖二年任

孝豐縣志

卷四 職官

五

汪燦

徽州監生嘉靖七年任

侯璽

東光監生嘉靖十一年任

李遷

鄧都監生嘉靖十四年任

易貴

巴陵人吏員嘉靖十九年任

趙福

博興監生嘉靖二十年任

胡輝

巴陵監生嘉靖二十四年任

韓梅

泰和人監生嘉靖二十七年任

黃天秩

平江人監生嘉靖三十年任

桂珂

石埭人監生嘉靖三十二年任

解宋

高郵人進士隆慶元年請任

沈孟陽

歲貢隆慶二年任

鍾廷茂

湖廣人隆慶六年任

陳允恭

揚州人

徐鳳

饒州人

杜良恪

池州人

郭一言

江西人察已愛民應

唐綱正

涇縣人

陳邦采

青陽人吏員

楊一鳴 湖廣人

陳桓 莆田人 吏員 萬曆二十五年任

陸經 歷

江應麟 望江人 監生 萬曆三十年任

丁甲選 亳州人 知印 萬曆三十四年任

曹良達 桂陽人 恩貢 萬曆三十五年任

鄧惟龍 連山人 選貢 萬曆三十八年任 陞荔浦知縣

王一統 浦川人 例監 萬曆四十三年任

樊乾亨 太安州人 吏員 萬曆四十七年任

周尙臣 江浦人 例貢 天啟五年任

紀弘業 泰州人 監生 天啟二年任

費克第 鉛山縣貢生 崇禎七年任

林宗首 福清人 監生 天啟七年任

劉應魁 當塗人 吏員 崇禎十三年任

甘洛學 雅州人 選貢 崇禎十年任

趙翰 龍安府 貢 崇禎十五年任

國朝

孝豐縣志

卷四 職官

六

方沛時 崑山人 儒士 順治二年任

蔡一華 豐城人 吏員 順治五年任

宋天植 安塞人 拔貢 順治十一年任 左遷婁縣主簿

沈頤 大興縣籍 歲貢 順治十七年任 陞湖廣慈利知縣

江源 無錫人 貢士 康熙六年任 陞湖廣經歷

李傑 博野縣 監貢 康熙十年任 卒于官

溫樹璿 平涼人 甲午拔貢 州同 改授康熙十二年任

典史

他縣尉有稱吏目者又有尉有典史者孝豐尉惟
典史職巡捕掌文移分領縣事嘗考尉職有以清
水明鑑稱者有以摧奸扶隱稱者有以吏能第一
稱者熟名起而資格進未可限也當斯任者貴善
于其職云

明流 吉 江西人

俞永昌 江西人

牟 祥 江西人

文 達 湖廣人

石廷輝 山東人

俞柏禎 黃綱人

孝豐縣志

卷四 職官

七

張 鉉 昌平人

黃 林 莆田人

趙 立 淮遠人

龔 鈇 福清人知印嘉
靖二十二年任

陞萬縣
主簿

蘇文鳴 豐城人嘉靖
三十年任

鄭子高 貴溪人吏員嘉
靖三十五年任

蘇 文

林大全

洪應參 俱嘉靖
年任

林輝章

王尙學

左弘繼 俱隆慶
年任

朱 認 涇縣人萬
曆二年任

經文宗 直隸
人

趙 仕 嘉定
人

陳舜綱 湖廣
人

戴 統 溧陽
人

趙治新 桐江人

趙治新 麻城人

蔡思履 晉江人 萬曆二十九年任

黃時用 福清人

王惟臣 貴池人

高子綵 臨淮人 俱萬曆年任

江必裕 舒城人

趙孔融 德山人

劉 巡 六合人

孝豐縣志

卷四 職官

趙良臣 旌德人

姜桂選 福建人

毛良卿 松江人 萬曆二十六年任

黃欽堯 南昌人

蔣文煥 信豐人

臧 鑛 泗州人

黃應奎 德化人

洪世壽 長汀人 俱天啟年任

徐一仕 進賢人

張正芳 新建人 善書

陳兆熊 莆田人 俱崇禎年任

國朝

張問政 大興人 順治五年任

吳廷域 大興人 順治十四年任

陳安民 霸州人 順治九年任

唐文漢 富平人 康熙年任

學職

古者守令即為師帥政與教未嘗二也後世政詳于刑賦而以教育之事委之學官蘇湖之規天下則之子弟之有造視其模範為何如耳明縣學有教諭一訓導二

國朝康熙三年奉裁止存訓導一員

教諭

明鄭濟 侯官舉人

劉伯善 莆田舉人

文炯 南昌歲貢

魏元松 古田歲貢

孝豐縣志 卷四 職官 九

王化 漢陽歲貢

胡奕 新喻歲貢

戴廷璋 莆田舉人嘉靖十一年任以誠宅心以身範士陞桃源縣知縣

胡熹 新繁舉人嘉靖二十一年任

劉儉 莆田歲貢

張確 博羅歲貢 孫用 連江舉人二十九年任中癸丑

進士 吳祐 湖廣歲貢

張子毅 蕪州歲貢 姚辰龍 蘇州歲貢

李幹 南安舉人 高尙樸 南昌歲貢

陳若夔 崇陽舉人 龔勳 潛江歲貢

劉理 鳳陽歲貢 陳應魁 番禺舉人師範允端士習一振

陸開化
縣令

胡宗周
湖廣歲貢

倪繼道
湖廣歲貢

陳鏡

黃化龍
餘姚舉人
壬辰進士

吳朝望
江西歲貢

王錦
遂安歲貢
萬曆二十七年任

曾士懋
番禺舉人
陸

陳惟明
長沙歲貢

戚良胤
金華歲貢

楊伯芳
郵縣舉人

項復卿
臨海歲貢

杜一蛟
海州歲貢
萬曆年任

張汝翼
秦州歲貢

周大治
新城歲貢
天啟年任

郭若維
蘭谿舉人
陸

金鏡
吳江歲貢

紀天祐
雲南舉人

孝豐縣志
卷四 職官

岑鏞
餘姚舉人
陸瓜州同知

何等高
分水歲貢

金石
紹興歲貢
崇禎年任

國朝

方明龍
蕭山舉人
陸冠縣知縣

張起升
仁和舉人
陸順治

尹 翺 分宜 歲貢

王 勳 廬陵 歲貢

王 璋 漳浦 歲貢

陳 善 南海 歲貢

尹 正 欽縣 歲貢

陳 温 同安 歲貢

汪 鳴鳳 來安 歲貢

張 潤 雷化 歲貢

關 全 永豐 歲貢 陞教諭

陳 表 嘉定 歲貢 縣志 陞教諭

吳 清 臨川 歲貢 編輯縣志

戴 卿 南靖 歲貢

江 燦 江西 歲貢

雍 達 豹 歲貢 輜衛

楊 友鳳 福清 歲貢

董 思誠 涇縣 歲貢

孝豐縣志 卷四 職官

十一

俞 愷 丹塗 歲貢

唐 源 莆田 歲貢

黃 魯 宜黃 歲貢

陳 元學 閩縣 歲貢

孫 讓 無錫 歲貢 陞教諭

江 鶴鳴 建寧 歲貢

何 球 江西 歲貢

陳 經緒 福建 歲貢

汪 昂 寧國 歲貢

沈 九思 寶應 歲貢

李 禴 蘇州 歲貢

熊 一之 南昌 歲貢

劉 理 鳳陽 歲貢

姚 華國 杭州 歲貢 誠長厚應祀

楊 正芳 四川 歲貢

孟 承乾 虹縣 歲貢

王 維垣 福建 歲貢 清操雅量 士林重之 應祀

吳 相 淮安 歲貢

李應聘 江西 歲貢

王治 欽縣 歲貢清 介日守告致

喬迎 青蒲 歲貢

金洪相 嘉興 歲貢 鄞縣 教諭

江大爵 建德 歲貢

張子恩 鄞縣 歲貢

姚汝宣 崇德 歲貢

郭淡水 寧陽 歲貢

徐時化 懷寧 歲貢

陸尙志 大河 歲貢 衛

彭汝言 吳縣 歲貢

牟應柱 黃岩 歲貢

錢彥 桐鄉 歲貢 俱 萬曆 年任

張恭 江陰 歲貢

趙胤雲 師宗 州 歲貢

吳宗皋 麻城 歲貢 俱 天啟 年任

邵時中 雲南 歲貢

李惟恒 劍川 歲貢

孝豐縣志 卷四 職官

主

胡廷珪 太平 歲貢

湯澄心 江陰 歲貢

葉燦 嘉興 歲貢

查大經 海寧 歲貢

張世宏 遂安 歲貢

郭登魁 內丘 歲貢 俱 崇禎 年任

國朝

水有岳 鄞縣 歲貢 陞 經歷

楊達禮 嚴州 人

何三俊 分水 歲貢

李煥文 上虞 歲貢

國朝順治初年湖協鎮分撥首領防汛更代不一非部選且有生事擾民者例不敢載

駐防千總

李成功順天人康熙年任

巡檢

古關吏也舊置天目松坑二巡檢司後松坑裁惟

天目司以防礦存之

明孔明 寶坻人

馮瓚 新德人

崔欽 鹽山人

袁清 臨清人

楊英 山東人

何祥 豐城人

史敏 德州人

胡達 壽光人

劉廷輔 河澗人

劉俸祿 三源人

閻舉 潁州人

單機

孝豐縣志

卷四 職官

三

劉錢

章汝忠

王仲良

宣文棟 涇縣人

馬良輔 涇縣人

張濟 江西人

陳餘顯 江西人

張廷寶 真定人

吳樞 休寧人

黎崇欽 番禺人

宋之弼 廣德人

李芬林 華亭人

尤夢熊 六安人

余繼學 泰寧人

黃應魁 莆田人

徐應鵬 莆田人 俱萬曆年任

黃汝憲 南豐人

周大純 永豐人 俱天啟年任

施三謨 青陽人

杜繼遠 南海人

翁士珍 莆田人

安祥 扶溝人

陳其愚 黃崗人

王嘉成 同安人

饒羨 歙縣人 崇禎年任

國朝

焦思華 太平人

崔文輝 長安人 順治年任

楊銓印 蒲城人 康熙年任

陰陽醫學

僧道會司

自古陰陽學以敬人時醫學以軫民命僧道會司擇其有戒行者領之頒降科儀其有妄立條章及演珈瑜造符籙者並罪

國朝因之

陰陽訓術

醫學訓科

僧會司

道會司

孝豐縣志

卷四

職官

二十四

醫官

孝友

名宦

豐自立縣到今凡官於茲土者某也賢祠而祀之
某也賢應祀之而猶未也將享致於前休風景於
後官箴輿評日久而論定如北海馮于平公澤流
豐土至今日而始祀所謂有其實者有其名也亦
有實至名彰而未及祠祀者豈其猶有待歟曰有
待亦庶幾無愧云

名宦

王珣曹縣人成化間知府事興利釐弊奏置孝豐縣
孝豐縣志 卷四 職官 五

士民為立去思碑祀府學名宦

見郡志

楊達堂邑人弘治初知孝豐縣治初創百務綜理皆

達之功

見郡志

孫純鳳陽人隆慶初知孝豐愛民苦節自守民頌之

不愛

見郡志

郭若字昌修號中洲泰和人陽明先生高弟正德中
以舉人知孝豐清修苦節期年之間文教聿興井
邑改觀首建學宮制禮器典籍各若干創修公廡
正堂暨城隍廟別立定性書院集諸生以時講

其中遷山川壇于南郭外之高阜遷之日有白金
之異時歲方稔侯綱繆未雨爲建預備倉及俸給
倉凡與廢舉墜百爲成理卽五山官渡亦侯所設
立民皆便之時縣志尙闕侯手輯成書善政卓然
聊記其大者陞任後士民攀轅有去思碑祀名宦

載郡志

張懋字子培號萬山蘇之嘉定人嘉靖乙卯年以進
士任孝豐垂三載持已甚廉蒞下以恕釐弊剔奸
纖毫必析尤興崇學校勤于課士過丈量則嚴而

孝豐縣志

卷四 職官

六

有法俾徭役得均至于平獄訟清賦稅勸課農桑
明刑薄罰賑卹孤窮詰奸止慝善政不可勝紀民
皆德之尋陞南京兵部主事卒于官越二紀邑人
猶歌思不替爲立去思碑崇祀名宦

載郡志

馮士衡字于平臨朐人崇禎三年以明經爲孝豐令
治歷七年愛民如子均徭役以正版圖禁追呼以
省差費兼培養士氣修葺學宮見孝豐科第寥寥
爲構奎光鎮北二樓一在學東一在郭北水口從
形家言也是年獲雉者二人皆侯作人之效也

餘課士譚經殆無虛日每甄拔士子稱人倫永鑑
崇祀名宦子諱溥讀書署中丁亥成進士見任

文華殿大學士兼刑部尚書前吏部左侍郎兼翰林
院侍讀學士贈侯如其官

附論令之於民甚親也董子曰守令者民之師帥使承流而宣化者也故自古重之然攷諸前史代有循吏至於邑乘所載欲如神爵五鳳間其人者何寥寥也蓋爲令難而爲令於可爲而不可爲之日尤難豐邑二百餘年以來凡官於斯土而政績卓然可紀者固有之其餘書地書名而外略焉不敢妄置一辭者抑獨何歟則以論定於事後者不得不慎也若夫丞尉之爲兆庶歌思博士之爲多士矜式後之君子覽斯志當知所自勸云

孝豐縣志卷第五

知孝豐縣事蜀南克羅為賡纂

選舉志

三代取士以選舉其後科目行而選舉廢又有薦
辟以濟科目之所不及

國朝立賢無方凡依日月而濟風雲者自從龍外羣
策畢舉入仕之途亦云廣矣士以類應各不乏人
因分別叙次自薦辟而科目而例監而吏掾並存
不廢要期有以自命耳

孝豐縣志

卷五 選舉

薦辟

國朝鼎建凡應運而起者不專自科目也郎弓旌四
出薦舉保任蒐羅俊傑幽巖畢興按之蒼雪獨無
人焉今載姓氏仍舊志也

明吳公瑾

洪武年間被薦除保定府同知奉使川廣湖南昌府同知

諸雲

洪武年間薦除淮安府知府

萬宇

洪武年間人材舉薦除東平州知州陞淮安府知府

科目

科目出于學校其來舊矣

國朝文武諸生並列學官鄉會兩試仍用舊制拔貢
遇

大恩典間拔一人或以副榜歲科試首名克之歲貢

于康熙二年停旋於康熙八年奉

復設科取士先用經義康熙二年廢八股而用論
策康熙八年仍用經義

舉人

孝豐縣志

卷五

二

明吳麟 嘉靖丙子科

吳龍 嘉靖壬午科

高冕 嘉靖甲午科

吳維嶽 嘉靖丁酉科

吳棟 嘉靖庚子科
廣州府同知

吳維京 嘉靖辛酉科

吳奠域 隆慶丁卯科

吳雲程 萬曆己卯科
任永豐知縣

吳起經 天啟甲子科
任順昌知縣

吳興選 天啟甲子科
任永豐知縣

沈上際 天啟辛酉科

吳之標 崇禎己卯科
庚辰會試副榜

章函貞 崇禎己卯科
順治六年署海鹽教諭
陸會同知縣甲午分闈廣東取士
七人調永年

知縣陸大
理寺評事

國朝

吳洪 順治丁酉科

武舉

王元策 順治戊子科
嘉靖丙戌

進士

宋姚孝孫 皇祐五年郭鼎榜初獻書十篇陳利害上
嘉之采菁為令累遷至秘書丞京師火災

等出西方抗章請頒火政察地理遷任有
司以答天變名對延祐殿除司農主簿

姚祐 孝孫子元豐八年焦蹈榜少警悟好學知
臨安縣事王黼童貫倡房山之役祐上疏

力諫不報尋除夔州運判改左正言歷禮部尚書
延康殿大學士贈少師謚文禧今墓存靈爽鄉

考豐縣志 卷五 科目 三

施渙之 紹興二年張九成榜三入翰林
累官太子太傅謚忠肅住銀坊

施貫之 紹興十八年王佐榜
任海陵令住銀坊

施元之 紹興二十四年張
孝祥榜住銀坊

朱應祥 紹興元年余復榜仕至朝請大夫出知
武軍情名勁節著于一時治狀足紀墓存

移風

明吳侃 洪武辛亥吳伯宗榜仕至右
通政以言事忤旨被謫

吳麟 嘉靖丙戌龔用卿
榜宦蹟詳鄉賢

吳龍 兄麟榜歷
官參政

吳維嶽 嘉靖戊戌茅瓚榜歷官
食都御史卒賜諭祭

高冕 嘉靖辛丑沈坤榜宦蹟詳鄉賢

吳維京 嘉靖壬戌申時行榜歷官知府所在有聲

國朝

吳洪 邑人由州學順治辛丑科馬世俊榜任新安知縣

歲貢 恩貢 選貢

明吳侃 右通政 馮衡

朱輝 唐訥 經

臧震 章贊

孝豐縣志 卷五 科目 四

姜秉 鄒世澄 訓導

孟宏 郎誼 襄陽知縣

吳俊 袁州知府 蔣天錫 高州通判

王凱 主簿 鄉思敬 寧德教諭

許科 任龍陽知縣善書畫有水東帖行世兼能詩楚濟甚引重之謂其書法本于孟頫

王日相 親愛一日題黃鶴樓詩云黃鶴凭西一暢情萬山樓閣揔丘陵秋容入暎低雲夢月魄當空

小洞庭 景色天開無譜畫梅花笛奏有詩聲往來登眺皆豪傑誰念天涯有不平時郡守師前遣督

郵至公 鞭之解職去王及代巡見公詩勉留之卒拂衣歸王偶疾得公書即愈因謂水東書驅邪

立水東廟有禱輒應

金鏞 修仁知縣

章珪 安仁知縣

方端 歷經

王鏞 陳議大禮被黜後詔起不赴

許承恩 無為州判

諸京 來縣知縣

王英

吳一唐 知縣

茅芳 合肥主簿

鄒思溫 訓導

王坤 福清縣丞

高冕 見甲類

吳相 安遠知縣

吳棟 見鄉類

王乾

吳一東

金大用 郎金鐘長樂縣丞

吳驛 桂楊州同知

孝豐縣志 卷五 科目

五

錢桂 長垣縣丞

董濬

梅鳳 當塗訓導

王用楫 柳州推官醇謹茂朴有古人風

吳濟 簿主

施思 正學

鄒炯 江陰訓導

王用相 高安教諭

王翼 縣丞

沈榜 教諭

譚華 教諭

許仕 教諭

耶繼賢 教諭

吳禎

吳珣 教諭

王適 簿主

許孝

陳驥 教諭

吳 棧 湖口教諭

吳茂明 績溪訓導

錢 誥

高 燧

吳茂徵 陝西通判

潘 祖

姚夢龍 丹陽教諭

樊正巳

王繼善 襄陽教諭

王維貞 州判

王大業 經歷

吳貞明 平陽教諭 贈文林郎

王文相

吳貞鼎 富民知縣

郎文聯 任瑞州新昌丞陞興化知縣應天府同知都水司主事工部營繕司員外郎屯田司

會心錄 燕遊艸相國溫員嶠太史焦弱侯為之序

孝豐縣志

卷五

科目

六

吳汝噐 遷貢通判

吳時懋 通判歷真安州知州

吳文炳 選貢知縣

施文學

吳 柄 象山訓導陞邳州學正

吳性生 南昌經歷

陳忠懇

萬士美

吳政均 出州學

沈時龍 閩鄉縣令

吳復周 歷處州訓導縣諭紹興府授

王 材 山陰學正孝義載王思任傳中

施邦瞻 知縣考授

王元宏 拔貢

王元佐 繼賢子新城諭

王元輔

施汝相 漳州教

王志端 江都丞署寶應知縣乙酉殉節

章志舉 考授知縣

王志名 訓桐鄉

吳用錫 教

吳亮忠 選貢黃州府州以防禦功加監

統銜歷署郡篆

吳復泰 邑人山州學

王泰亨

吳順 朝陽

王起鳳

拔貢常熟丞署邑篆蒲雲鵬著有政績臺省文薦上志紳

吳洵臣

邑人由州學候選別駕

吳獻謨 考授教職

國朝

陳嘉猷

順治三年貢子恂如委署象山縣學沈起祿四年貢

吳荆璽

三年恩貢歷昌化訓蘭谿論寧波府授陞夔陵州判

孝豐縣志

卷五

科目

七

吳欽明

五年歲貢太平學訓

吳月將

東陽學訓屢舉鄉飲大賓順治

十八年旱荒捐穀三百石賑饑

王恪

三年貢監考授別駕

王鹿鳴

五年貢秀水訓陞仁和論

周翰

六年監貢江西按察司知事

王上揚

考授知縣

章志尙

八年歲貢青州府樂安知縣

吳啟思

八年監貢考授州同

張君照

九年貢歸雲學訓今補新昌訓

王元宰

上虞訓杭州府教諭陞聊城主簿

章含綸

十一年歲貢諸暨訓

張暹

十二年拔貢考授州同

施爾貞

十四年歲貢候選教職

湯自新

十五年歲貢

王晉亨

十六年歲貢

吳長蕃

邑人山州學

王鼎亨

十七年恩貢考授縣丞

王 愨

康熙元年歲貢

王萃亨

二年歲貢

許令彪

三年例監

吳穎閣

九年歲貢 考授教職

吳之楨

十一年歲貢 考授教職

吳雋凱

州學 邑人出

范家相

十一年監貢

例貢

國學生類有廩例增附例及民間俊秀皆得輸貲
援納人或以此易之昔雋不疑司馬長卿皆以貲
郎顯郎本縣明進士吳龍亦由此起家人固未可

孝豐縣志

卷五

科目

八

易視者故自明迄今列次其人如左

明許 芳

深水縣丞

吳 驥

河南理問

吳 崙

吳 龍

見甲科

王 洪

江陰主簿

施 鈇

經歷

吳 杞

沛縣丞

吳 橋

南豐丞

許鳴唐

汀州檢校

許汝為

溧陽丞

萬孔京

縣丞

吳 格

吳 模

廣德州判

潘 潮

吳維垣

吳維藩

主簿

吳維州

深澤縣丞

吳家語

兵馬司陸解州同知

吳家訓

主簿

吳旭

陳恩

吳用孚

和州吏目

諸應辰

王尚義

吳維賢

施大化

縣丞陸提舉

高明揚

湖廣理問陸儋州同知

高明彥

大家教

吳維夏

班序

王文宰

校檢

王文祿

龍泉主簿陸經歷

章天祿

吳維簡

孝豐縣志

卷五 科 九

九

施所養

理問陸斷事

萬化

吳稼端

王仕孝

沈維紳

王繼志

吳應熊

四川都事

萬士英

吳應豸

都事陸河東運判

吳應爵

檢校陸鴻臚序班遷王府典膳

王維經

主簿

許嘉謨

經歷

吳獻竑

光祿署丞

吳大德

吳貞豫

吳貞和

河東運司經歷

吳起經

見鄉科

吳貞華

吳稼彰

吳稼澄

廣西通判右
函蓋副草

吳稼翼

吳靖斌

歷光祿署丞
兩淮運判

吳稼議

延平通判

王元旦

吳國命

山東運判膠萊分司三篆
總攝助學官地建奎光閣

高廷選寶慶經歷
諸光祖大城主簿

吳士竣

上林苑
錄事

吳雲科

兩淮運
司經歷

吳衛璣

南西城正兵馬
指揮工詩善楷

肅藩延訓世子
子二十餘載

王紹述

徵江經歷
陞通判

吳道坑

章日聘

經歷

高廷聘

宜興丞

諸光祚

考授
縣丞

孝豐縣志

卷五 科目

十

章日恒

沈時行

王士選

保定府大
寧衛經歷

章正名

莒州
同知

王志謙

吳孟明

原名一中大同
延慶左衛經歷

施國憲

華亭丞

施國翰

闕縣丞

章志夔

施宏謨

廩監孝
友端方

章正位

瓊州府
經歷

章正魁

諸光祿

吳良顯

濟南衛
經歷

吳理

贛州府
經歷

吳應召

吳璞

更名良民
德府典膳

高廷薦

濟南
檢校

梅春華

章日亨

遂溪丞歷重慶經歷

吳自立

高州經歷

章日升

宿松丞

高翰

吳雅廷

章日昇

沅陵丞

吳龍錫

冠縣丞歷袁州經歷

吳一乾

溧陽主簿

吳稼卜

子治臣隨員勸征閩授海澄縣

陳道充

理問

王來聘

吳國鑑

吳國衡

吳國榮

吳國榮

吳公直

吳公直

李豐

李豐

李豐

李豐

李豐

嚴伊齡

王夢麟

王夢麟

吳稼靖

吳稼靖

王鳴鐔

王鳴鐔

吳觀恂

吳觀恂

章汝耀

廉例

施宏猷

沅州府經歷

王夢登

吳稼新

梅國憲

施顯謨

吳如儀

州例

吳一衮
吳嘉禎
施爾思
吳貞臨
陳幼演

許我鳴
吳貞華
吳維用
吳維蕃
陳忠策
郎鶴皋

史掾

歷觀載籍由掾吏起家者代不乏人卽今憲奉
部行每檄催納許以咨送擢用則誰謂泥途不可
致雲路哉奏効考績蜚聲正未可量不謂刀筆吏
便無蕭曹輩出也

明王 旦 巡檢 善吟咏

吳良顯 吏目

孝豐縣志 卷五 科目

三

吳 潮 莆田縣丞

吳文葉 巡檢

施 鏜 經歷 居家孝友 出仕廉明

陳世用 巡檢 性質敦厚 清苦甘貧

萬 域 主簿

施國謨 經歷

施三重 巡檢

陳 煥 初授楚麻府經歷 以親老改萬

安主簿 屢膺獎薦 巡檢陳世用之孫

王堯彩 廣東陵水典史

吳國序 典史

吳西穎 巡檢

吳祥輻 典史

吳紹夔 主簿

吳兆元 司獄 陸巡檢

施其繼

章大順 太和典史

王 益 授寧壽經歷

陳兆京

章可敬 衛輝 驛丞

吳士選

吳惟喬

趙弘緒

吳元鼎

吳履祥 長洲 主簿

楊肇生 布政司 知印

章可愛 雲南 吏目

王師 移風 鄉 州 吏 日

吳鎮 巡檢

王大用 淮安 倉 大使

王周 眉州 吏目

郎學登 見任 繁昌 三 山 司 巡 檢

省祭

潘士送

郎瑞 巡檢

孝豐縣志

卷五 科目

三

章肇元

徐繼周

施孔義 巡檢

施國經 典史

施嘉祥

儒士

王巡 素其貧 淡 相臺 旌 善

張養蒙 居家 孝友 課子 義方 著 有家 訓

輯

許允登 縣丞 改授 諸 城 縣 巡 檢

施獻可

王兆龍

封廕

凡仕之有鴻功茂實者各以其秩贈及其先然膺此典者匪徒以子貴克標高行以啟後人是非無本而然也無論崇卑郎一命亦膺寵錫故不泯其

姓名云

明吳松 以子麟封吏部考功司郎中

高奎 以子冕封主事

吳麟 原任奉直大夫山東按察使副使以子維徽贈中憲大夫職如故

郎世琳 以子文煥贈文林郎興安縣知縣加奉政大夫南京工部屯田清吏司郎中

孝豐縣志

卷五 科目

十四

吳性生 原任瑞州府經歷以子雲程贈文林郎江西永豐知縣

吳貞明 原任平陽縣教諭以子起程贈文林郎福建順昌知縣

附論選舉之制代有不同我

國永曠典時行得人尤盛豐邑近今以來每艱於科
第者何哉論者泥形家言致疑於風水非也詎上
之人振興之者未至與抑鼓舞有人而士之因陋
就寡不克自奮也今則絃歌遍里巷矣簿書之暇
時進諸生而課之見有循循雅飭不減伏鸞隱鶴
之譽者將來不愧科名必當聯翩而起豈憂地之
能域人歟故統薦辟舉人進士明經諸科而胄監
掾史以至封蔭並列次之以俟夫繼起者

孝豐縣志卷第六

知孝豐縣事蜀南克羅爲廣纂

人物志

人物之生初不擇地况天目茗水擅兩浙之勝豐
邑葢其靈秀首鍾之區以故名賢輩出而閨壺之
間巖岷之下亦復足以感當時而垂後世爲志其
美并傳其信云

鄉賢

鄉飲附

人之顯晦崇卑不必其同要其出能濟世退可表

孝豐縣志

卷六

人物

俗者斯稱賢而尊之爲鄉先生歿則祀焉其有應
列祀典而闕焉未舉者姑以俟之至鄉飲酒禮亦
猶行古之意也並志之使人知慎所舉

明吳麟性英敏端毅初授刑部主事改監察御史出

按廣東風裁凜凜時執政有蒼頭橫于部下麟收
治之遂爲所擠謫泰州判官稍遷至兵部郎中知
安慶府夙弊盡釐稱爲江南北治行第一
高冕陽明先生高弟舉南宮郎疏歸養授南京刑
部主事遷郎中以平反知名出守南雄三年惠

政清稱大治將上計卒于官南雄民至今感頌

孝豐縣志

卷六 人物

鄉飲

二

儒林附

晉吳商字彥聲故鄆人通五經及百代之書晉太康初徵爲東宮校書郎四方來從學者不可勝數歷官侍中

梁吳均字叔庠有雋才作文出人意表柳惲爲刺史辟爲主簿日與賦詩操觚之士多效之號吳均體著齊春秋東漢註史通續釋文等書

孝豐縣志

卷六 人物

三

武功附

漢朱然字義封孫權時爲餘姚長尋遷臨川太守曹操出濡須然備大塢及三關屯拜昭武將軍封西安鄉侯呂蒙臨終薦然自代遂假節鎮江陵後封當陽侯加左大司馬右軍帥吳將陸遜呂蒙而下一人而已孫應祥紹熙元年進士知邵武軍官至朝請大夫奉崇禧祠以終墓存移風鄉朱績字公緒然之子以蔭爲郎拜建中都尉叔父才卒績代領其兵討五溪蠻以膽力聞父卒襲爵遷鎮東將軍尋假節拜驃騎將軍

宦業附

宋姚孝孫字光祖神宗初獻書十篇陳利害上嘉之采著爲令累遷至秘書丞京師火災彗出西方抗章請頒火政察地理選任有司以答天變召對延祐殿除司農主簿

姚佑字伯受孝孫長子也少警悟好學登元豐第以荐被召改宣教郎知臨安縣事王黼童貫倡房山之役佑上疏力諫不聽尋除夔州運判改左正言三居殿中監累典大郡歷禮部尙書延康殿大學士贈少師諡文僖

孝豐縣志

卷六 人物

四

朱應祥登紹興元年第清名勤節重於一時出知邵武軍治狀焯焯可紀官至朝請大夫

朱吉甫字邦憲幼警敏善屬文貢舉擢本經第一初除徽州司戶廣陳支鹽官有能聲調建康府左司理叅軍平反冤獄民甚德之後監行在文思院授通直郎卒

明吳龍字允際號石岐幼穎異弱冠爲邑諸生與凡麟字若溪者俱受業於姚江顧秋山先生甚器重

之嘗語人曰二難必振吳氏矣若溪領鄉薦入成均郎中疾作公聞欲往侍疾父南山公令輸粟赴京以冒監遂魁北闈嘉靖丙戌與兄麟同舉進士麟授秋曹公授禮部在朝公卿而下共稱二吳爲聯璧云戊子典楚試舉鄺宗舜等九十人奉勅選妃山左稱旨有白金文綺之賜尋改驗封以英敏方正爲王太宰晉溪所器重歷考功郎中覈賢否凡大小無假借有賂遺者必峻拒之中翰某求陞司丞公循例止陞寺副某等羣詣元宰張羅峰巧

孝豐縣志

卷六 人物

五

詆之時應遷文選遂不果公處之澹如也執政欲黜費懋賢黃允庭請人公櫻怒力全之遂引疾歸適太夫人病割股以救勿療哀毀幾絕三載不入內絕意榮進繼承嚴命強起會推典選以黃禎黨邪相傾竟出爲閩藩叅政先是侍郎張潮母臥病公獨勸其歸省張以是卹公故有是命旣歸自閩與兄侍御麟游南山翁朝夕惟謹二公衣繡服緋承膝下驩鄉里以爲慶望若神仙暇日與郡中蔣石庵司寇顧箬溪中丞陳棟塘大叅及董潯陽王

怡山唐一庵韋南若張石川諸公與兄茗溪共十
餘人春秋二社集峴山逸老堂擬香山洛社暨文
潞公耆英會鷓詠留連具載所刻峴山雅集中居
林下三十餘年不入城市不通刺公門與故人胡
相泉冢宰雅相善胡宦浙中求公一見不可得晉
江莊方塘僉憲會與同官後避地請公公令夫人
以下皆以禮出見其歸也傾囊以贈尙義率多此
類所著有貽穀集年七十餘卒賜諭祭封樹郵典
有加壻編修屏麓范應期爲之狀

孝豐縣志

卷六 人物

六

吳維嶽字峻伯山東憲副茗溪公之子生有異徵
貌頎而莊日誦數千言嘉靖丁酉弱冠魁兩浙戊
戌成進士歷官至僉都御史起家江陰令會沙賊
反崇明與江陰夾城相拒縣故無城躬率甲士謹
備之卒不敢犯境上三載應召晉陟秋曹明習法
律所上問刑條例咸著爲令朝廷以公善平反慮
囚江西得從末減者萬五百人朞月徧部中法無
不當者繼補駕部郎轉憲副督學山左謁闕里首
崇三氏學追祀名宦鄉賢表章節義齊魯之十化

之居五年進轄楚藩尋遷江西臬司已復拜都御史巡撫貴州議者謂貴州當楚蜀之會巡撫具文武才其以川東湖北轄貴州罷督府因有是命公至黔上便宜五事上嘉納之貴州諸酋多剽掠下車後無敢有竊發者諸酋楊珂據六洞歷十有七年公授有司方略責珂降珂乃面縛自詣卒待以不死上詔賜金幣論功有差公部署諸彝不軌者悉按治之時王世麟叛清浪宋廷武宋鵬宋鷺叛草塘王阿利叛平伐公以奇策次第平之且生平孝豐縣志

卷六 人物

七

疆直方正不取苟容前令江陰會御史舒公汀行部故事謁廟有司長跪侯車公曰天子置縣令南面而臨百里且

先師在柰何曲跪而巖橋門御史目攝之公爲郎時冢宰熊公浹請以公調吏部坐不拜巖相國議格不行巖相國屬序鈴山詩固辭謝畱山東不調客以行聞說復峻拒之值太安州試士御史段公顧言且按部至有司請避舍以居不許藩臬畢從御史登岱公獨留不行及赴江西監司遇御史京口

前驅不避御史甚嫌之上遣使出貴州使者失望
尋中以飛語御史亦倡議南中乃罷歸田里季維
京亦自禮部移官歸省會公病革召季及諸子屬
後事顧謂鄉人某往饋朱衣母以歛乃瞑公年以
嫻於文學終其身不衰所與交游者臨胸焉汝言
濟南李于鱗江東王元美諸公分校南宮舉士十
人江陵張居正濟南殷士儋並在政府婺源汪道
昆爲少司馬餘姚胡正蒙爲太常卿國子祭酒嘉
興陸光祖爲太常少卿餘五人皆至藩臬郡守所
孝豐縣志

卷六 人物

八

著有奏議及歲編若干卷餘詳江陵墓志中

郎文煥字景白號心葵贈工部郎中世琳子生而
穎異爲文類先正瞿文懿鄧文潔爲中丞滕公督
學時所鑒拔特簡其文以風兩浙一時士林共推
重之與同郡茅孝若維尹若水濂朱慎初太冲沈
伯隣侍鄉沈千秋之壘諸名士爲文會羣以公執
牛耳皆嚴事之尙書沈公准與沈公演爲諸生時
並受業先生之門相國溫公員嶠亦與定交謂先
生貌如婦人好女而卓犖挺勁之氣幾於矜不爭

羣不黨誠古君子也卽其文淳泓流湛度越諸子
斯言可謂實錄矣關中俛得復失處之泊如也及
序貢廷對彙試成均俱第一尤潛心理學有濂洛
風間取宋張九成所咏魯論章句次韻賡和命其
集曰會心錄初謁選得江右新昌丞陟興安令有
治績稱慈母隣郡章安諸邑爭欲得公署篆尋陞
應天治中歷南水部所至有聲時江南蘆課輦金
至舟許向皆歸私橐公纖毫無染指悉佐軍需朝
廷嘉之賜以殊典命公巡視蘆政清釐夙弊同官
孝豐縣志

卷六

人物

九

愈嚴憚之事必質於公而後行其令太末也神宗
賜勅褒之有勞來聽斷惠政溢于春膏教化撫摩
貞心同于皎日盡洗積年宿蠹之舊恬然蕭索一
署之貧等語其守激江也境內肅清有麼夢士獠
諸蠻遺種年久負固公單騎入壘親諭之諸蠻爲
之感泣酋長面縛自詣俯首伏辜遠近苗彝皆望
風而化熹宗復降手勅褒之有曰某幼有賢豪之
風長聞性命之學貧乃益堅于仞振衣之氣象行
惟自信萬人必往之襟懷服官十有九年省已百

無一疲又曰朕知風格不當出守尤不當置遠籓
惟是川蜀生變滇黔易騷特允擇賢守爲百城之
望其以固吾圉也激卽遠在天末朕視之若戶庭
豈其忘之是時朝廷方欲大用無何在郡止數載
一日晨起束帶視事有鼓吹輿從自外至須臾不
見左右咸驚愕時公猶衣冠端坐堂上乃已僦几
而逝矣先是中丞閔公曾泉巡撫滇南亦平旦視
事有吏數人伏堦下求簽夫馬鼓吹若干名閔詰
之吏對曰迎新官言畢不見詰且激江報至因慨

孝豐縣志

卷六 人物

十

然曰生爲賢守死爲明神爾不愧矣卒之日宦橐
蕭然私禮服數襲而已蓋公自大令至二千石雖
緋衣必以布夏則染赤苧爲之其崇尚儉素類如
此平時俸入卽與一老僕易服微行訪民間疾苦
狀亟呼其人賑給之或不能婚葬者必賙之至傾
囊不卹所在郡邑如江右興安應天溧水多置公
田設義塾以贍給貧士故囊無餘貲至貧不能歸
襯閔旣素重公廉得之因賻贈遣吏護送至其家
子鶴臯南國子生

章函貞字函之號雪涵讀書天目山崇禎己卯與
同學吳之標登賢書俱出李公長倩之門屢試南
宮不第以家貧謁選授海鹽教諭每課士先德義
而後文章一循蕪湖風則陞瓊州會同令有政聲
順治甲午分闈廣東稱得人尋調永年令治行卓
異陞大理寺左評事丁內艱歸以哀毀卒于家

吳洪字聲來家貧績學攻舉子業寒暑不輟順治
丁酉科舉于鄉辛丑成進士房牘闈書鷄林價重
任順天新安縣令勞心撫字民皆德之康熙十一

孝豐縣志

卷六

人物

十一

年卒於官

忠臣

人臣事君危其身以奉上曰忠唐臣曰願爲良臣
不願爲忠臣則人臣固無樂乎以忠自表也豐先
達卓有治行足述蓋古良臣之儔云其勲名可載
蓋詳于科目題名之下矣

施 和縣庠生幼見母遇庶弟少恩輒嗚咽評之
解衣推食友愛無間母感卒均慈愛

王家零奕北村人天資真醇孝行素篤晨昏定省
內外無間言割股廬墓始終如一日墓前產靈芝
數本人以爲至孝所感云部院州司詩匾旌表之
姚淑靈奕鄉人家貧傭于外得厚味必懷以奉母
常自忍饑而母之膳養不缺知縣王國賓得其實
給以衣廩更爲之室生一子後母喪哀毀盡誠府
司院道旌表之

孝子

明高祖旌表孝行下禮部議曰人子之視其親居則致其敬養則致其樂有疾則托之良醫使投以善藥而呼天告神斯又懇切之至此人子所爲孝也臥水割股前古所爲後世亦是間見然割股或致喪生臥水或致凍死似非不登高不臨深之義故不在旌表之例嗚呼以此思孝孝可知矣要其極則有孝經具在

晉郭巨家貧傭工膳母幼兒常分母食巨抱兒生埋

孝豐縣志

卷六 人物

三

掘地得金一藏金上皆幼兒名孝感所至前朝設縣因名曰孝豐

唐陳丞堅唐福人年九歲母歿廬墓墓前生靈芝三莖松樹盤旋如蓋州司奏表其門

施廷皎性友愛三從同居無間言代宗聞而義之大曆六年表其門

明施環太平鄉人胞兄瓊庶母弟璞幼父疾革屬環瓊爲璞置產環瓊一如父志璞復讓田數頃庶幾一家孝友

國朝張君極年十八補邑諸生次年食廩餼歷試冠
車乙酉年里中隣寇嘯聚伊父生員張維世被搶
極急趨父所時賊將刃其父痛哭求免不克叱之
使去乃曰臣死君子死父一也何去爲遂冒白刃

今豐縣志

卷六 人物

十四

領身擁護賊停刃不恐下羣牽其衣趨之行至裾
絕衣不云值天晦瞑誤斷其臂覆持其父愈堅遂
父子俱害氣已垂絕而兩身猶相紐不釋賊亦有
流涕者時年僅二十有三

按此與故明嘉靖四十年太倉孝子王在復以身
殉父其事相符時臺使上聞錫以旌典事載陳建
後信錄中豐雖下邑似此孝行何忍湮沒至於
股療病僅人子事親之一節擬生員王雲蒸金幼
學等僉呈故生員潘美璠續呈故民章應麟俱以
新股救親侍奉湯藥經前任知縣田養民族際
縣社大化給匾旌異然不敢直書
姑附記之以族後之修志者

義行

人生不與草木同朽者獨此義行爲質孝友其大本也或矜尙氣節或好行善事所操不必同均之無詭于義若乃許春一之伏闕上書爲民改折此其流澤鄉土雖百世豈能沒其人哉其他坊表卓立可以風世振俗者不厭蒐羅以志其人并以爲慕義者勸

許百高天目鄉人出穀二千一十石賑窮民有御勅褒之

孝豐縣志

卷六

人物

十五

許春一天目鄉人伏闕上書爲縣改折到今民受其賜

王洲廣茗鄉人天性友愛持正不苟勒名旌善亭
係王鏗長子

陳瓚靈奕鄉人捐穀賑濟兄弟共饑三代不分
施大中移風鄉人出粟以賑饑民捐產以予堂弟
州縣鄉飲勒名旌善亭

諸鈇魚池鄉人孝事父母撫育幼庶弟教訓婚娶
家產均分鄉民施鈇等窮乏則爲之代輸京庫百

兩致其弱子三人完聚其夫妻子母毫末不索其償

王鼎天目鄉人隆慶元年捐穀賑饑鄉民賴以全活

諸應麟魚池鄉人鈇之子克承父志萬曆九年十六年輸穀賑濟好施樂與不望人報鄉民賴之司府縣兩旌其門鄉飲屢舉

王岳王鳳之子住廣茗鄉行率端方志懷慷慨孝義更兼好施清高屢辭賓召卓有丈夫識量鄉評

孝豐縣志

卷六

人物

十六

重之年踰八旬終始如一

王道廣茗鄉人樂義好施還妾却金全萬氏母子之義折券棄責救吳氏兄弟之寃萬曆九年十六年出穀賑饑州縣屢請鄉飲

章廷俊金石鄉人隆慶六年捐穀三百石賑濟尙義有旌

金春慷慨慕義不侵然諾初設縣助縣治學地若干不受值獎以花紅亦不受有司愈敬異之每歲春秋二祀給羊豕昨各五觔歲以爲常事載縣治

儀門碑陰有金以誠者助堂于山西麓地若干爲
義塚縣尹詳憲亦給胙如春

王遊事父岳日侍左右色笑動止不敢稍肆後父
卒獨力爲營家廟動以數千金計即今石山祠治家嚴

肅遇子弟以禮營衆事必任勞如築濬仲塘壩溝
灌田千餘畝至以資下費皆其力也賓客

喜詩文身不六秋新八

張乾律已端方治家整肅鄉里皆嚴憚之年少有
樛蒲陸博事逸遊者聞聲飲跡惟恐爲翁所知至

孝豐縣志



七

性孝友撫幼弟五人則鬻產購書延名師于家塾
晝夜課讀不輟遠近貧士來學者并給其資膳後
補邑弟子員者節忝豫三人婚嫁畢折筭皆讓以
膏腴自存饒確且尙義樂施萬曆十六年歲凶賑
穀千餘石鄉民賴以存活

王峴七歲喪母事後母孝萬曆間知縣王國賓築
建石城峴時助貲監督勞績居多又相冢得一吉
穴凡岑歿之卽讓岑營葬其孝友多如此

施永慶邑庠生家貧事母孝日供甘旨凡言勸務

媿母意母喪哀毀骨立起坐不離墓側與同族洪
憲割股廬墓並以孝稱

王元陸邑庠生性嗜山水尤好讀書勸課子弟攻
苦力學因而成名者不一人且生平尚義濟人之
急有童姓者多風通將鬻其妻潁行陸止之悉爲
代償厥後有潘姓者亦然陸又給之其好善不倦
多如此三子俱邑諸生

王治徽邑生員事親孝撫弟友睦族悃親嘗急公
與同里吳士陞羅文獻等每任勞不遺餘力課子

孝豐縣志

卷六 人物

六

王建中遊庠

許有德居家孝友處鄉寬厚崇禎間遇饑疫相枕
藉歿有德捐棺收瘞累千餘人于堂子山每收一
屍昇至者賫錢給之

節婦 烈女

昔人以慷慨從容論臣之難易余謂婦節亦然一
訣自矢以身爲殉者烈已其有忍志存孤備嘗辛
楚動稱未亡人歷白首如一日者尤稱特操今觀
于豐邑乃相繼有作不旣盛歟

節婦

明王氏太平鄉梅禮妻年二十而寡時子方一歲家
甚貧事姑舅孝敬不衰紡績織紉以資衣食孀居
六十餘年嘉靖初旌表其閭見郡志

孝豐縣志

卷六

人物

九

沈氏魚池鄉吳祥妻祥早世氏時年十八生女未
踰月誓不再醮父憐其少無子諷令改適氏嗚咽
投碗于地曰婉合可嫁又斷其指曰指續可嫁竟
不能強以堅貞終

吳氏太平鄉高季六之妻年二十四而寡矢志不
二養繼姑撫諸幼姑欲嫁之婦慟哭抱石將自沉
姑止之竟以貞烈聞

夏氏孝豐鄉邢智妻智喪婦年二十二無子誓不
再醮撫姪邢悅爲夫嗣家貧終養姑舅大節無疵

鄉論稱焉

張氏年十八歸吳鑑三年鑑他嬖語言不接于婦者凡十一年嬖且奪嫡婦不形于色姑令改適婦不聽逼之行婦慷慨求死乃止而事姑益孝由是內外無間皆賢之

吳氏孝豐鄉萬平妻夫巳年二十六子襁褓守節奉姑以壽終

施氏魚池鄉吳七妻吳以疾卒施年二十一自誓守節父母憫其早寡無子欲令改嫁不從年七十

孝豐縣志

卷六 人物

二十

一卒

楊氏靈奕鄉王萬妻年二十三夫亡矢志守節足跡不履戶外雖隣里親族罕得覩也一子名希賢早世室章氏與姑守制一日楊謂章曰薄命固應汝年方艾柰何以我累汝不如早嫁章跪而泣曰年老之姑所仗纔一媳媳去姑復誰托不如同死爲一處鬼姑媳抱頭大哭陰風竟日遠近莫不感傷楊年七十先卒章勉勸事畢哀毀踰月而卒人謂之雙節婦而章兼以孝稱尤足風世云

吳氏太平鄉王尙禮妻年二十夫故割髮斷指誓
不 醮守節七十歲而卒

邵氏生員王庭妻年二十一歲夫故家貧矢節孝
姑嚴課兒孫壽七旬向旌孟母同芳

朱氏天目鄉許積妻年十九夫亡家貧腹子六月
斷指誓死不嫁姑病割股救之隆慶五年旌表八
十壽終

徐氏移風鄉吳同知棟妻也出儒門讀書達禮精
于翰墨歸吳僅三年苦節六旬賦菊花以見志賦

孝豐縣志

卷六 人物

三

見藝文志

濮陽氏天目鄉生員許鳴周妻係廣德濮陽洵縣
丞女也年二十一而夫亡絕粒誓死緣懷妊三月
其姑以存後勸有羅姓者以厚聘氏卽斷髮截指
抱棺嘔血竟不能強其姑疾篤割股卽愈子嘉謨
紡績伴讀課訓成名伶仃苦守至七十七歲謨授
臨江府回迎祿養忽然痰疾沐浴整衣泣夫而卒
院道屢獎勵閭里共稱焉

吳氏移風鄉章文焯妻年十九而寡翁姑憐其年

少隱勸其嫁氏輒咬指斷髮誓堅不更後侍孀姑
竭力定省撫繼子盡義方自始至終足不出廬鄉
黨無不羨仰院道府縣旌表其門

烈女

沈烈女魚池鄉京軍之女名阿治生營中母歿父
鞠之聘安吉庠生施澄而未嫁時年二十二父復
赴營不以女行又不以女歸女請其父不應明日
又請父曰吾三年後歸以女贅婿女曰豈謂此顧
家無主者異時不幸有指背之謗兒雖死父且疑

孝豐縣志

卷六 人物

三

之不如今日引決以縈吾身入厨舉刀自刎其妹
奪之復以手抉喉而絕時弘治十六年也嘉靖五
年知縣郭治訪實爲之致祭刻石題曰沈烈女之

墓

以下續記

節婦

許氏許有爲室女幼字陳國是未嫁夫亡氏年十
四聞訃欲往唁母有難色卽引刃自決母始從之
旣往弔姑勸之歸氏不可易服守制預營壙室誓
以終身繼一姪爲夫後弗克嗣家愈落以女紅自

給予立五十餘年以節終明知縣馮諱士衡覈實詳憲屢旌是時學憲黎觀察鄧俱給匾示異順治間知縣李諱憲爲立石表墓其後有諸氏者諸元聲室女也母許氏受許昌爵聘未婚而夫亡父母方別議氏偵得之遂哈其母舅中道抵夫家至柩前卒哭易服守制父母駭愕往迓之氏以死訣曰兒不得事父母矣終制十餘年飲水茹藥竟以節終與前許氏有合傳邑士人俱以詩文傳頌其事別載奇節錄

孝豐縣志

卷六 人物

世三

嚴氏生員吳楫妻于歸未幾夫亡無子女娶居四十餘年萬曆間以節終

潘氏張正學妻早歲娶居與其姑章氏矢貞冰雪並以節終萬曆間知縣陳諱夢弼詳憲給匾旌其閭曰一門雙節

萬氏生員吳景妻事舅姑孝景亡三喪相繼力襄後事苦節數十年如一日郡縣旌獎

高氏董可賢妻年二十夫故守節四十餘年明知縣馮奉憲旌異

陳氏吳良顯妻始歸吳色養其姑及姑疾嘗以履血和羹人稱其孝夫卒于官哀毀骨立垂四十餘年不見齒三子棟相校皆仕宦爲清白吏蓋得母氏之教云

姚氏庠生王述妻述早夭苦節撫二子萬曆間旌爲儒門貞節

郎氏王元旭繼室娶氏年餘旭卒時年十七守制有遺腹生女不舉恩撫明氏章二子一女長子志容娶諸氏生二子容早世氏與媳苦志十餘年家

孝豐縣志

卷六 人物

十四

漸中落二孫襁褓氏撫字成童旋令次子庠生圻篝燈課讀寒暑不輟氏丸熊以佐之二孫舉明經長懷授學職次恪授郡判皆氏之貽也先後四十餘年兩世一身有如一日云

楊氏金廷榜妻夫早世守節數十餘年撫子堯佐及孫幼學遊庠年八十二以節終天感聞郡憲杜諱喬林給匾曰冰蘖貞操子堯佐亦以孝聞

沈氏庠生王元翰妻幼嫻內則通孝經女史詩吳節婦徐氏菊花賦著種菊詩以自矢年二十七夫

亡課三子寒暑不輟每以古列女事爲諸婦女訓
解一時闡範咸推重之壽七十終

栢氏王學智妻生子元宰智早卒氏年二十八家
貧守制訓子極嚴後宰以序貢歷任教職氏猶及
見至八十一歲終

郎氏章曆元妻夫亡年二十以女紅自給人莫睹
其面食貧苦節四十九年而卒

李氏王元溥妻年二十一夫死守制足不踰閭端
莊爲女德範五十歲終

孝豐縣志

卷六 人物

二十五

吳氏施之華妻夫亡父母因氏年艾勸令改適氏
卽截髮斷指自矢靡他服喪未幾扼吭而死

許氏王元祥妻夫故守制苦節三十四年子志開事

母孝知縣田漚給匾曰節孝雙清

孝女王氏東山人名畱大年十五以身死孝崇禎
年間知縣甘元聘躬爲哀辭設位祭奠文載深柳
堂集中

嚴氏許昌福妻幼工詩禮長嫗內則福亡氏年二
十一歲冰蘖自矢資紡績以奉姑歷苦茹辛守節

一十六載實志以歿

吳氏即文化妻年十五于歸二十九孀居苦節訓
子及孫內外整肅年八十三

潘氏章雲祺妻祺亡年二十每赴火欲以身殉姑
勸諭乃止未終制傷悼不已絕粒而終

諸氏庠生王紹中妻夫亡氏年二十二歲守節至
七十三歲終萬曆年間屢給匾旌

隱逸

昔人之論隱逸者曰隱固未易爲也而亦未可輕以與人故凡不掛仕籍之人皆予之以隱良可嗤也隱必有隱之德有隱之才有隱之地有隱之時而後隱成焉蓋洗耳食薇爲隱之德金馬白衣爲隱之才赤松桐江爲隱之地三分五季爲隱之時有其才而無其德恐蹈釣譽之譏有其時而無其地恐來不密之誚甚矣隱之難言也豐憑天目凡幽巖深翠之中泉石堪娛可謂有其地矣而其間

孝豐縣志

卷六 人物

三

之沉冥自好者豈少其人哉然濫舉以脩名不如刻核而存其實故止存舊志所載使不沒云

春秋有披裘翁不知何許人亦不詳其姓名寒暑所服惟一裘因呼披裘翁隱於天目山嘗出採薪遇延陵季子見道傍遺金季子命翁取之翁投鏹於地隕目而言曰何子居之高視之下儀貌之莊語言之野也五月披裘而負薪豈取金者哉季子謝之問其姓名不對而去

明初夏義甫鄞南人少以孝行稱博學好古值元末

兵亂築室天目杜門隱居者四十餘年與張羽
劉佐周倬沈貫諸君子相爲師友每有得輒爲
吟嘯又善繪今有天目山房圖藏於家蓋其得

意筆也

見郡志

王福完隱居天目凡四十餘年一日謂衆僧曰可
爲我具湯沐今日與訣矣遂卒今千丈崖有王
氏檀越

仙釋

仙釋蓋儒者所不道然自方士侈譚洞天高僧卓錫名勝豐邑天目擅奇靈巖古浮名績多有故化霍奕山棲神松子長潭龍母之宮喝山仙靈之跡與智光法座龍有遺牙清皎安禪虎為旁侍三祖垂衣一燈傳鉢皆擅此邑之靈異雖至近世黃冠羽流術似寢歇而宗門棒喝大乘洪宣不特毗浮塵外亦且萬乘宗師也為志其人於左

唐姚紵邑人至五峯山頂見二人奕觀之稍久二人

孝豐縣志

卷六

人物

二十九

語曰汝可還家今日為汝祥矣紵還家隱身甕中戒家人七日勿開未七日家人悞開紵化為

白鶴飛向五峯山而去

宋徐仙姑

金不鄉長潭徐氏女少時浣紗浮湖水面以為怪居三年產一物仍類萍實而食之遂有姪其母之剖為十二巫投諸水條忽變為十二龍飛至天目成十二龍淵深不可測俗名險潭女仙也後人立龍母廟祀之廟在水村旱騰輒應女仙代不可考

宋釋原妙號高峰吳江徐氏子母周氏夢癯僧乘舟投宿而妊年十五出家秀之密印寺二十入杭立死限學禪訪雪巖欽禪師於西礪後往雙徑忽憶斷橋得悟載叅雪公當機不讓遂入臨安之龍鬚經五載推枕子墮地作聲廓然大徹復居三年縛柴爲庵不蔽風雨甲戌抵武康雙髻峰家風不減楊岐戶履日夥已亥上天目師于巖學侶復集廼於巖西石洞營小室如舟榜曰死關絕給侍屏服用破甕爲鐺併日爲食十

七年不出關外關非梯莫登去梯絕緣雖弟子罕睹其面有三關語驗學者每望巖而退惟中峰斷崖能契其機忘身入侍明初祖雍輩竭力院務乙未十二月說偈畢泊然而寂塔全身於死關延祐戊午仁宗特贈師號佛日普明廣濟禪師塔曰重雲朝請大夫眉山家之巽撰塔銘宋釋清皎姓字無可考按前志云師於天目雲山勝處每攜杖獨行遇盤石跌坐方入定二虎伏左右有若侍者

斷崖與中峰師事高峰崖早得悟峰於師子巖
石洞匾曰死關惟崖與中峰忘身入侍巖西卽
斷崖捨身處深千餘丈師一日捨身投巖下不
損毫髮惟端坐念佛而已人以爲古佛云示寂
後塔全身於斷崖

元釋明本別號中峰錢塘孫氏子母感異夢翼日
生師少負出家志誦金剛經開悟至元丁亥年
二十有五從高峰禪師芟染於天目師子院給
侍峰歿後以住持交聘避走南北所過成寶坊

孝豐縣志

卷六

人物

三

大德甲辰歸守高峰增乙巳領師子院事至大
戊申仁宗在東宮賜號法慧禪師後避緣匿影
或船居江淮間延祐戊午仁宗顧近臣曰朕聞
天目山中峰和尚道行久矣屢召不至其賜號
佛慈圓照廣慧禪師改師子院爲師子正宗禪
寺至治壬戌英宗特旨降香賜金襴僧伽黎癸
亥八月十四寫偈辭衆曰我有一句分付大衆
若問如何無本可據置筆安坐而逝塔全身於
寺西望江石文宗賜諡智覺禪師塔曰法雲元

統甲戌順宗賜號普應國師賜廣錄三十卷入
藏勅詞臣揭傒斯爲之序世傳中峰博洽經史
作文援筆立就有文集若干卷吳興趙松雪請
馮海粟見所作梅花詩攜示中峰卽夕和百首
一頃刻燭而成趙擊節良久載天目志行世
明釋大石揚州人獨居天目四十餘年甲申避地
城南潮湖結草爲庵不交人世日誦華嚴經一
日沐浴更衣趺坐而逝世人聚觀如堵幾傾城
市塔建南天目因其日誦華嚴共稱爲華嚴禪

孝豐縣志

卷六 人物

三

師云

中峰地字素華別號蕩益古吳木瀆人師生平
精第九部法演三車著述等身尤於儒書兼多
疏解少歷名山登講筵者四十餘載晚年振錫
靈岫有終焉之志因作偈云靈峰一片石信可
矢千秋甲申秋蜀眉山僧心見字緣幻自白門
請藏延師入山簡閱致靈鳥之異作靈鳥須居
數年示寂開士雲會建塔山中其門人如堅密
聖可蔭九巨方蒼暉用晦雪樵元質維時

久尤爲翹楚云

國朝玉林諱通秀毘陵之蓉城人楊氏母夢白衣捧童子自牖送入遂有妊生數歲不語語卽能課佛見者異之幼業儒年十二喜閱佛書十五知有參究誰字法門至十九偶打翻溺器見處與楞嚴大海浮漚義合卽決志出家詣荆溪石磬山禮天隱和尚爲師不三月遂大徹隱稱爲再來人嗣住報恩後開剎大雄主法海會磬山戊戌

孝豐縣志

卷六

人物

三

世祖章皇帝詔迎入禁庭玉音有掃末世之狂禪乘如來之正覺及順風而問朕將同訪道於崆峒之句問如何是孔顏樂處師對云憂心悄悄溫於羣小

世祖大悅

勅封大覺禪師賜帑金歸葬其母庚子春遣重臣賜紫衣金印加封大覺普濟禪師秋

詔遣重臣存問是年冬再召至京進

封大覺普濟能仁國師開

皇壇於京西慈壽寺給

御牒爲一千五百衆圍大戒辛丑春

今上嗣位命重臣驛送南還乙巳夏江浙諸宰官等
請住天目重興祖庭

〔總論〕前此選舉以紀士也茲鄉賢耆德以紀獻也
唯列祀典者然後敢書餘皆於前志類舉而書之
間附以行略貴精嚴也其有宦業足以崇祀而尚
多闕如者寧不有望於後之君子乎至於忠孝乃
臣子之大義非有至行則不傳節烈係婦女之貞
孝豐縣志 卷六 人物
操必考情實而後誌寧刻毋濫敢狗庇歟然使玉
而題之以石愈不忍也他如義行必傳以示勸也
若隱逸之與仙釋並列次之豈徒烟霞泉石作域
外之觀哉抑亦可以風矣

孝豐縣志卷第七

知孝豐縣事蜀南克羅爲賡纂

災祥志

天文休咎五行災祥隨時占驗悉以人事爲準是故國以明良交泰家以孝悌節義爲祥與此者卽爲災也至若水旱稂氛水雹虫螟雖聖世亦嘗有諸其或寇攘式內不與物害同亦屬人妖並詳於此爲之修救攘剔者當不待占星察緯而後見也

災祥

孝豐縣志

卷七

災祥

一

豐本故鄣舊址凡前史有故鄣事蹟者應入豐志按漢初平中黃巾賊張角作亂郡縣響應故鄣順守事聞朝廷嘉之吳孫權赤烏十三年八月故鄣諸山崩水溢晉成帝咸和四年己丑蘇峻祖約黨張健韓晃馬雄兵趨故鄣郗鑒遣參軍索閔追討斬之宋咸淳十年霖雨天目山崩水滅木民漂沒灰者無算

明洪武三十一年大水

永樂正統間梅福徐順等嘯聚作亂王師討平

景泰五年大雪平地深七尺凍死者甚衆

成化十五年大水平嘍

弘治十六年旱疫羣虎晝行

正德十三年湯毛九招集凶命嘯聚山林其黨流劫旌德縣庫事聞於朝巡撫都御史張津督兵討之知府呂盛親詣賊壘譬曉禍福賊衆咸悟環拜就縛兵不血刃而平

嘉靖六年雨血秋山水漂溢溺死者甚衆 十九

年大旱饑 石米一兩八錢 三十九年大水人民漂

孝豐縣志

卷七 災祥

二

沒田地成溪者難以數計

萬曆八年旱大饑 十五年五月大水無麥禾

十六年旱蝗且大疫時饑殍載道民茹草木 石米一兩

八錢 十七年麥有秋夏六月至八月不雨無禾

二十三年大雪平地丈許閱兩月餘雪凍不釋居民死者甚衆鳥隼狐兔虎狼之屬俱凍死巖穴中

二十四年八月大風拔木屋瓦皆飛 二十五

年正月移風浮玉山號數里三月人惑於謠徙者數千家晝夜不息子女投於溝壑老羸仆於道左

二十七年移風鄉白晝虎傷一人復入山舍適舍人母病臥帳中虎欲傷之其媳持刀力救被傷又至一家婦驚閉戶值父子樵歸虎傷其子其父死力搏之幸脫 二十九年竹實人採以爲食 天啟元年大雨雪

崇禎十三年大饑道殣相望枕藉而死者不可勝數 十四年七月十四日大水 十七年天目洪水漲蛟蜃出損禾田房屋數百家 十八年天目山有一石出土中長可三尺許周圍半尺有奇上銳下平四隅稜角不甚周正有天下興順太平石七字無刮刷痕今在龍廟中

孝豐縣志

卷七

災祥

三

國朝順治二年歲大稔

石米價二兩七錢

三年隣寇

姚三桂在中章公遠等嘯聚數千餘人焚劫村落東南兩鄉流毒尤甚官兵屢勦賊屢遁居民死者無算後知縣田養民多方勦撫以次就平

康熙五年六月有馬見於魚池鄉之安市毛鬣一如凡馬背有肉鞍往來田間行道皆見之未嘗避人欲近之卽駛迅如電月餘不知所往 七年戊

申六月十七日戌時初一刻地震彗星見 十年
歲大旱饑民採蕨爲食繼以葛及榆皮 十一年
麥有秋七月青虫食苗

附論春秋一書記災而不記所以示修戒也後
世好言符瑞至謂天變不足卹豈重民事答天心
之意歟豐邑災異時聞禍祥互見要之過災而懼
災亦爲祥故善觀天者必求驗於人矣自稽之體
範五行傳然後知得失之徵應耶

孝豐縣志卷第八

知孝豐縣事蜀南克羅為賡纂

旁覽志

旁覽志識無遺覽也事非切於政要若在所畧然而芳踪遺躅足以傳古信今亦博物君子所必稽焉是故或以闡幽潛或亦脩鑿戒非徒以資耳目之役云耳

古蹟 奇蹟附

代與時更物隨世變古人不可作矣而遺跡猶存

孝豐縣志

卷八 旁覽

一

流覽興懷豈惟漢陽峴首足資憑吊哉後之視今

猶今之視昔則奇者亦不可以無傳也

孔夫井

縣南六十里孔夫關彭祖薤林郎彭祖墓世傳墓前

秋不收

而枯人以刀錄犯之則石室在天目山中

石羅漢

戒香院石樓在淨竹院後邑石板天目山

板計者

萬疊類有鋸解之狀相石倉在景溪其石

傳有仙

登臺而坐土磴見存石屋浮

洞小石碧

金石鄉萬曆甲申石裂泉湧內石屋浮

鄉高五丈許

廣可宴百餘人上結雲蓋後回溪基

有仙人床夏可避暑冬可禦寒

長居丁釘石浮玉鄉其石有釘痕陷

盤浮玉鄉寨

前山頂

郭巨埋兒

魚池鄉郭笑山今有墓古傳埋兒處

七賢塢

卽晉七賢所遊處

殿山

太平鄉洪武年間韓三兄弟上山取葛忽雲霧四合聞山中念佛之聲鋤掘間見一佛背有泗洲二字遂昇至山麓頂之索斷端坐

瀟然如巫因造殿名爲泗洲佛祈禱輒應

古臺

渡谷通變丘壑猶存雖動人景行之思不在一丘一壑而憑吊流連能無過而與感歎

商賢大夫老彭墓

廣茗鄉成化間安吉知縣濟南史蘭重修墓道享亭撰記刻石

湯許之叛碑外草莽中亭無復存嘉靖五年知縣郭治重修墓址建祠堂大門及左右亭周圍悉植

孝豐縣志

卷八 旁覽

二

松栢明外又闢地丈餘以廣神道立碑規制一新墓前古薤林詳見古蹟蘇徹有詩伍餘福有碑銘昔傳彭祖卒于夏六月三日葬日有輓柩者曰社

兒六十人皆凍死葬于西山其墓號曰社兒墩

後漢驃騎將軍東海侯萬豪墓

縣西北一十里魚池鄉

相進封都亭侯萬或墓

太平鄉

晉安成王郎中莫堅

墓

魚池鄉 少師文僖公姚祐墓

靈奕鄉地名五山今翁仲猶存 國子

監丞金譽墓

天目鄉地名陳安 宋文思院朱吉甫墓

朝請大夫知邵武軍朱應祥墓

移風鄉六部山吉甫祖 朝議

大夫右史朱應元墓

靈奕鄉

二氏之教流傳已久寶刹藜林自唐宋以來安禪
散聖處處咸建其陰陽教術不奉宮觀雖神祇祠
祀亦屬緇流故集仙紫陽昔與今廢若乃土穀祈
報各隨風土不盡記載云

寺

廣福寺

靈奕鄉墟修道寺宋治平中改今額楚嶽庭南借住

經集

化度寺

上擊 百濟 峯院宋熙寧元年重建大殿宣授

武德將軍轉運副使朱頴達撰記今名靈臺寺

豐縣志

卷八

旁覽

三

石峯雲流結社此山崇禎丁丑釋智旭因蜀眉
山僧心覺號緣幻請藏入山重建大殿更部沈輝
撰太平教寺 太平鄉康熙八年 桐相寺 一名潼鄉
院

普慈教院

古浮山禪志云石晉天福四年建名安樂院宋治平改今額

飛香院

禪院治平改今額

德山院

山書能記二年等相德開山天祐四年改德山教院

武中

惠教院

即杭子寺禪志云淨慈院石晉顯運二年錢氏建名禪定院治平開改今額

重修

普潤教院

郎荻蒲寺石晉天福六年建
名長慶院宋治平中改今額

淨竹院

董嶺石晉開運元年錢氏建號
寶德禪院宋治平中改今額

澤心教院

魚池鄉即
龍安寺

護國院

港口僧智順建知
縣田養民有碑記

真際院

縣西門外
即準提庵

西山院

舊在
嘉靖中僧戒清遷今址

宮

集仙宮

魚池譚志云齊
末明二年建

三元宮

在迎安門外中為
文昌閣右為北壇

有古

佑聖宮

縣西街知縣楊錫汝重
建基址商民王麟翔助

觀

紫陽觀

縣西南天目山梁大同五年建
太子蕭統勒碑記傍有石室

豐寧觀

城內

孝豐縣志

卷八

傍覽

四

東南隅原名祠山廟萬曆三十年改今額順治
四年僧淨溥重修外有關帝廟共地一畝五分

庵

鳳林菴

比五十里魚池鄉康熙三年僧
趙卓建邑令羅侯有碑記

梨木庵

太平

溪盤庵

鄉太平

興福庵

魚池鄉
郭笑山

金石鄉天目山釋觀吾建為

圓明庵

鄉太平

銅坑庵

太平鄉乾德二年建名龍居院治

武曲庵

移鳳鄉
東南通

滿幽峻難行萬曆壬寅僧章廣奉縣帖建

泗洲庵

佛殿山洪
大士庵

外即白衣庵僧性慧建

桃林庵

唐福石山崇禎癸
酉僧照乘建

則有淨室素華師顏曰致

無相庵

在統溪一名泗
洲庵近陳安二

遠居上文學身修撰碑記

西指庵
移風鄉黃梅山萬曆間僧抱一俗名嚴
惟敬係安吉庠生捐資鼎建後庵中坐

化有骨呈
五采之異
大陽庵
大陽山
潮湖庵
南縣
報恩庵
桐干郎

甘山庵
獨峯庵
金石鄉俱張氏祀
先處有讀書樓
大祥庵
茅山雲龍

庵
紫巖
廣福庵
傳
秋水庵
武曲嶺吳
法華庵
浮玉鄉

通觀舉人章
函貞助建
潮雲庵
友蓮庵
孝豐鄉
枕流庵
橫

釋吼
翠盤庵
太平
伴雲庵
魚池
普濟庵
在瀕溪郎

民王懷素王起繪助田
三畝為接待往來之費
擊竹庵
移風鄉牙前
福緣

庵
太平鄉釋
放生庵
東門外自石語潭至
嗣濟庵

東門外居民滿守
功助置田四畝
清林庵
安市僧
豐末庵
分水

山庵
移風
末鎮庵
淨土村羅
竹林庵
一名雙慶七賢場僧微建

孝豐縣志
卷八
廟
旁覽
五

城隍廟
頭門儀門正殿後殿兩廊知縣郭治建
商王鱗翔重建儀門戲樓知縣楊錫汝重

建東平廟
祀張聯陽公
聖帝廟
太平鄉百步

阜王廟
金石鄉章鼎寶
仙姑廟
金石鄉水村郎徐

母遇早祈
雨輒應
山公祠
山公潭上祀晉
徐干祠
天日

關帝廟
縣西南一里康熙六年
龍王廟
金石鄉

碑

附論事有曠百世而相感者必其常時有繫於人心故留連感嘆使人思慕而不能已豐邑南有商賢北有郭巨以及山濤之祠宣尼之非雖其說或由於好事者之附會然遺蹟尙存高山之仰有餘思焉至於寺名淨竹觀號紫陽自石晉蕭梁以來歷有年所凡緇流習靜羽客棲真之所舉類而並書之亦猶洛中之記伽藍云爾



孝豐縣志卷第九

知孝豐縣事蜀南克羅爲賡纂

藝文志

孝豐創縣碑記

王珣

明知府前監察御史

湖州府屬縣曰孝豐者在府之西南隅相去幾二百里東至武康西接寧國南控餘杭北引安吉鳳皇山峙其左大陽山鎮其右京山如几案棋於前大會山如屏障於後廣苕諸水出天目浮玉自西南而來環繞於東北山谷盤固川澤浩渺實天造

孝豐縣志

卷九 藝文

地設一形勝也初本安吉縣之南境成化甲辰歲珣承乏來知府事間以民瘼巡行屬縣至安吉有以南鄉地方漢嘗有縣唐廢之遺址尚在焉者告且謂此鄉地廣山嶺崎嶇去縣甚遠以不通舟楫小民苦於輸納官司亦以催科爲累或歲荒乏食小民無知者輒恃險梗化爲地方患非小若得割太平金石廣苕浮玉天目孝豐零奕魚池移風凡九鄉五十四里立一縣治於舊廢處以臨蒞之則官民兩利且保他虞珣得之詢及踰年無遠近老



少智愚言皆有合乃疏其事於朝下戶部故事當
覈實時布政使張公敷華按察使毛公驥勘無異
復上請實成化丁未冬會今皇上嗣統可其奏賜
縣曰孝豐因鄉名也其設官建置悉如制仍領天
目松坑二巡檢司明年弘治改元夏知縣楊達訓
導尹劄各賫印記首先來就職又縣丞龍廷瓚主
簿曾定典史江吉教諭鄭濟訓導王勳相繼先後
至是年秋珣偕分守左叅議李公昊通判徐君俊
往臨其地率民之父老相度規畫闢除荆棘中創

縣治凡應建置者若儒學等諸所屬若布按二分
司若城隍廟山川社稷邑厲諸壇至於市郭街衢
民居里巷與凡爲縣之不可缺者若公館之類各
定其方向所宜卜日鳩工其材木石瓦諸所費多
出於民之樂助有張寧四者倡爲縣之正廳其儀
門譙樓六房官署暨諸應建之所民皆爭先爲之
公帑之費不多板築之役亦勞且衆民趨赴之恐
後珣則往來綜理無常期下三五閱月棟宇落代
閭閻相望規制煥然一新四民各就其業莫不

忻鼓舞咸樂其生使能撫之以仁恩肅之以威令
有惠政無苛政加以詩書禮樂爲教則漸染陶成
惟善是務將見山樸之俗變而爲禮讓之風有不
難至也轉移感動之機在治教者躬行實踐珣固
當任其責於耑職者不能不有望焉耳嗟夫天地
清淑之氣蓄之久者發必大此地散置久矣其山
川之靈秀磅礴含結其發也若有所待至於今廢
而復興不偶然也地靈則人傑亦理數必然之事
繼自今吾知人物產於斯者必有傑特之才接踵

而出爲世用爲臯夔伊傅周召事業以弼我聖朝
重熙累洽之化名流汗青照耀千古天下稱孝豐
爲望邑自今伊始民俗丕變云乎哉因記開創始
末併致期望之深如此俾縣之人益知所自勵及
後之吏茲土者皆當致意云吾民有事於建置者
具載碑陰弘治四年歲次辛亥冬十一月朔日

新設孝豐縣記

明程敏政 休寧學士

湖州故號吳興郡領縣六成化中王君珣受簡命知府事數年令行惠孚每行部輒進其縣之耆老以詢正焉耆老言安吉縣轄十六鄉爲里九十有五地險遠人習於不靖至勤王師而太平金石廣茗浮玉天目魚池孝豐零奕移風茲九鄉耆爲里五十餘中有漢縣廢城巋然存焉長興縣轄十五鄉爲里二百六十有四而順零晏子荆溪茲三鄉耆爲里二十有七去長興遠去安吉近析安吉之

孝豐縣志

卷九 藝文

四

九鄉置縣轄之而割長興之三鄉隸安吉則地之遠近適宜民殆永利哉王君聞其言是之考按圖牒手疏以聞詔下戶部議戶部請覈實上狀而布政使張公敷華按察使毛公曦皆以爲便狀上得請因其鄉名予縣額曰孝豐降印除吏置令丞簿史各一人仍領天目松坑二巡檢司事下王君與分守叅議李公昊躬往相地勅官府立城郭開衢巷分廩舍營廟社儒宮畫一而定有若天啟業順計宏落成之日歡聲被野力殫而不以勞財費而

不以函蓋王君以一身任興利起廢之責藩臬之
臣不以事非已出撓經野惠民之功故議克合而
足以有爲若此於是王君使來求記其成予嘗待
罪史氏竊窺我高皇帝之疆理天下蓋自戊申改
元洪武以來因革增損不遺餘力然於湖州屬邑
猶有不盡焉者豈當僞吳之初平俾少遂其生養
不忍再釐正之以勤其人於瘡痍未復之秋與顧
王君初置一縣分隸三鄉之請實在戊申今天子
改元弘治之歲歲律一再更矣分符治理之臣乃
能補其規而成此鉅美事豈偶然者哉春秋之法
凡城某方戍某處皆謹識之爲民也而况肇永利
於制定之餘者乎王君曹縣人成化己丑進士歷
知太康信陽二縣召拜南臺御史復以政績
被薦得賜誥進階其勲名蓋未艾云

孝豐縣新建儒學記

明鄭紀祭酒

今上登極析安吉之九鄉爲縣儒學因而建焉從太守王侯珣請也命下侯偕分守少叅李君昊往卜宅因地規畫某爲縣治某爲學宮某爲官衙吏舍議以學宮則合衆力以成其縣治諸處則禮致義官大姓勸其相助時有張寧四者造縣堂章善八者造儀門周回三者造譙樓其餘各隨力有差侯與少叅君大喜獎以羊酒文幣俾縣官禮於其廬尋有湯輝五者晉而請曰某願造學之明倫侯

孝豐縣志

卷九 藝文

六

又喜而獎禮如之閱數月寧四等縣堂儀門以次告落文廟兩廡諸處衆力亦各有敘而明倫堂唯立四楹而已巳酉冬予巡學至彼兼得狀仍速輝五卒工時猶有禮致所遺者又得數十姓而勸喻之人各助白金若干悉付縣別貯俾湖判徐君俊督其收功判又商於侯與縣之令丞若簿等多方區畫聖賢貌像則出於勸喻所付者堂齋號舍倉庖之費皆自區畫中來也予在巡時縣學官以堂雖未備而廟已建立請記爲侯頌予以功未成辭

今予改調南都聞畢功已久少叅君又如前請記
烏可緩按侯請邑章疏與予耳目之所經歷見聞
者始孝豐與太平廣茗等九鄉皆吉屬也僻處萬
山之中凡有科調緩則玩激則變正統間有梅富
者因催徵殺其糧官其後拒捕不伏卒以爲常然
則向者侯與少叅君片時之頃能致其輸誠効力
以成大功如是誠可謂之難矣雖然古人之學養
老於是獻馘於是養老使人知愛敬所當先也獻
馘使人知武勇非所尚也孝豐之民所恃者武勇
亦顧上之人作新之術如何耳今講堂廟貌已新
門庭道路凡身所經歷之處無一而不新正諸生
刮垢磨光時也守令師長於茲者躬行以率之誠
心以感之使其因外以新其內事父母者新其孝
事兄長者新其弟務滌其舊染之污而復其本然
之善將見豐之民皆相携而出以觀維新之化而
不暇尚何舊俗之足慮耶如或不然而徒區區於
刑名智術之間亦未矣是爲記

孝豐縣重修儒學記

明許孚遠

德清人兵部左侍郎

邇來郡邑分符綰綬之長大較惡簿書飭詞訟釐賦役以博能名而於學校或稍稍后焉茲聞金谿黃侯之令孝豐也自庚子歲甫下車行釋菜禮卽屬意崇聖化培士類爲兢兢環視黌舍堂宇齋廡傾圯不治甚且鞠蔬輒捐俸資百餘金令鳩工修葺不權買稅不曠農功未浹暮而櫟題輪角煥然一新已又登進多士貞教簡課而激勵之尤嘉惠於貧寒者舉公府羨餘時振生徒之不給已又以

孝豐縣志

卷九

藝文

八

城西演武場徙於北郊外令民賃其廢址構廡舍若干區歲輸稅若干儲爲學租已又念祖宗來作興學校優免丁差定額具在令甲嘉靖中損其半以佐軍興此一時權宜非熙朝崇文本意也茲適丁大造之期俯循博士王君江君張君爲諸生請欣然修明令甲蠲其徭賦悉如故典且欲增置學田多方經營務思卹惠無窮者脆切不已然則侯之德厚澤遠詎可量哉多士飽德飲醇思鐫石以垂不朽屬十言以紀其盛美予接壤鄰封得口碑

嘖嘖寧可無一言掄揚俾表章今茲垂諸后禋乎
侯性精敏而仁恕廉約而莊毅其臨民也嚴而不
苛待士也誠而有禮其於剔弊除奸勸善懲惡風
裁默運不斤斤纖細大都以經術飭吏治以躬行
先文學古所稱豈弟恂恂惠施於民士者固宜其
誌豐士之恩懷樂只之頌永遺司牧楷模行將與
天日媲高茗水爭長矣予昔節鎮八閩督學關中
知郡邑守令係士風淳漓黃侯作養盛心予特爲
記俾后觀斯士人文之盛者知所自云

孝豐縣儒學重修記

明張

林

嘉定人本縣令

明聖祖右文御極滌除元季之陋投戈講藝他務多所未遑而於化育人才之地獨先焉故卽位之初學宮徧天下郡邑孝豐本安吉九鄉孝廟初年始用議者言割爲縣時屬草創矣則苟簡沿之寢以圯壞甚弗稱制有司濇以爲病卒憚於舉羸於是前誥封吏部考功郎中吳君松欣然願以已力成之博士諸生群白於有司轉告當道諸司卒如其請君乃相基擇吉庀材募工舊址於縣治東隅

孝豐縣志

卷九 藝文

十

頗陘痺徙而前五十丈堂廟門廡之敝者則撤而新之啟聖鄉賢名宦諸祠與夫敬一之亭齋息之所昔或闕者則增置之繚以周垣圻墁丹黝咸次舉以法總之凡二百有十楹其費金千米三百石有奇始於嘉靖庚戌十月庚寅訖於嘉靖壬子十一月丙寅官不煩於帑藏之出而工則鉅民不見有役使之及而事已集乃復於原請諸司咸嘉之飭縣吏碑之學宮以風示將來乙卯之秋予獲領是邑比始至詣謁學宮則規制棟宇煥焉耳目足

以起崇瞻而肅群遊獨泮池者周圍不百步兩卽
盈晴立涸而涸之日屨多師生無能爲有司者若
不遑也嘉靖乙丑之秋八月洪都見湖萬公以名
進士來守於茲禮三日謁

夫子廟始見輒動於心嗣後朔一至焉惓惓然進師
生而言曰是可以濟與皆曰可莫能喻其意也久
而又謀諸鄉士夫曰泮宮之池特一隙而赤地耳
諸君以爲何如衆亦曰惟公廣而闢之亦莫能喻
其意也豈知公經畫相度卓有定見一旦涓吉告

孝豐縣志

卷九 藝文

士

聞

夫子廼於櫺星門外撤其面墻指而示之曰卽此在
矣衆皆駭之以爲此外皆民居也復何爲哉甚矣
誠之易以感人也甚矣人之亦以誠感也有爲之
士者曰此吾地也公爲吾豐興學校吾靳吾地不
可也有爲之民者曰此吾居也公爲吾豐興學校
雖廢吾廬可也公喜揚而言曰普天之下莫非王
土率土之濱莫非王臣若士與民其知好義而勤
王者乎遂命工開鑿庶民子來其泉源源

不息一
泓涵碧

題爲民造福榜

明 郭 治 邑令

吾曹自做秀才以至有官其間薦被恩渥如身家之復旣養之優舉有賓禮備有資饋與夫爵秩等威物采之別至駢蕃也於此不知圖爲以稱之地有人心乎是故縣令之職爲民造福而已爲民造福是之謂報稱敷揚德美宣暢人心政理欲平賦歛欲薄利害欲爲之趨避大小強弱欲爲之得所風聲氣習之頗僻欲爲轉移使其熙恬相忘王路之中而不知是之謂爲民造福雖於君臣之義三

孝豐縣志

卷九

藝文

三

綱五常之倫無所逃於天地之間固自有不容已者然而君子學道愛人畏天命悲人窮若禹之過門不入孔孟之汲皇是心也凡以爲民又未可以同日語也具書之以諭將來同吾志者其不以吾爲贅脫也與

重修龍王廟碑記

郭治

惟龍祠祀典廢興無新缺洪武四年重建殿宇歲
六月六日官爲致祭後更爲春秋二祭祭之土人
亦無能述之臨安誌宋淳祐八年趙安撫奏封公
賜廟額與此不類予惟曰重繼之之辭曰殿王之
之辭意此祠亦肇封于宋曰天目龍王又有司致
祭必具冠服顧無所自承豈漫焉爲之夫名山大
川咸有秩祀天目爲東南之鎮能興雲致雨以澤
潤生民宜報祀支崗綿亘東西數百里含靈毓秀
孝豐縣志

卷九 藝文

三

以珍其人物谿之流下險潭經爲茗合爲雪灘爲
震澤具區懷柔祀是故備物羞俎明誠潔服以臨
之禮也非必王其形體也好事者衮冕以被之旣
貌神而龍又貌龍而人不經也夫臨不經之祀又
漫焉而臨之禮之可據不必誦而已也於戲茲惟
龍祀小葺缺祀舊獻寢殿各一區廊廡門階具在
葺用支傾易撓垣四周表門敕守以清神道工無
加焉非以簡神愛民力也嘉靖五年菊月甲申吉
日知縣泰和郭治記

順治間重修廟貌神示顯應
雙眸轉鬚鬚張衆皆

孝豐縣建豐北閣記

黃朝選

萬曆庚子朝選奉命來令孝豐越二年辛丑詭傳
調士若民叩省郡保畱而選訝其無從也越三年
壬寅循故事給由士若民又相率叩省郡保畱謀
尸祀余五山渡口而選益詫愕不任也撫躬自省
曰余得無煦煦沾沾乎惠若鄭國子而誰嗣之誦
久而後收又無見奇標異以希眩俗彼所云見思
者乃其無赫赫之名者耶何物善狀而一得當畏
鼻也再且三諭止之顧已鳩工庀材而衆心成城

孝豐縣志

卷九

藝文

三

堅不可散余懼滋不德曷敢承乃卽其處而閣焉
範元帝其上閣下爲官亭蓋孝豐發自天目茗水
環流而北五山渡當其水口爲縣要津業已爲設
渡堪輿家水口宜屏翰改置武場其間庶幾北門
鎖鑰而元帝又鎮北尊星爲民禦災扞患非淫祀
比且閣與邑治相望去渡方數十武公車使節道
必由之亭設而往來迎送不患無所一舉兩得不
謂作無益害有益而余舉其或少遠矣額曰豐北
以其在縣之北又豐之象曰大豐其北而九鄉可

占其無不亨大者登是閣也儻亦有日中之思乎
維時歲在壬寅冬吉學博士江大爵張子思縣丞
汪應麟典史蔡思履巡司黎崇欽宋之弼若義民
周雲俞岩時王家徐應榜郎思德等捐貲像神助
田贍閣併五山渡田其詳具列於碑陰

孝豐縣公館記

黃朝選

弘治元年詔拆安吉縣上九鄉爲孝豐縣縣距安吉四十里距湖州陸道七十里水道九十里梅溪當其水陸之交舊俱未設館歲僦客舍以爲居停主人甚非所以肅體統杜嫌微也比來而州舍且嘗爲民居矣梅溪則瀕湫隘遇漲不堪駐馬亦孔爲謀出俸錢措置而阻於不及數里迺周雲陳師賢王崇禮陳忠策許爾俸等私相告語曰官傳舍耳猶思爲停驂計吾與若長子孫於此但錢糧

孝豐縣志

卷九 藝文

差解來往州郡蚤夜風雨獨可無慮乎盍助官置之子孫世世享其便遂各願輸銀多寡不一以佐俸錢之不及者乃於安吉贖買原舍梅溪泐買一所俱額之曰孝豐公館從邑治也令邑人往來得寓宿無禁庶幾公私兩便云噫豐之民亦旣好義矣竊愧余未能仁也敢記此以俟後之豈弟君子維時萬曆壬寅汪邑丞應麟蔡邑史思履學博江大爵張子恩巡司黎崇欽宋之弼並記之

孝豐縣射圃記

明 黃朝選

周大司徒以鄉三物教萬民六藝與德行並陳而射居其一興賢選士率繇乎是我國家稽古定制凡天下郡邑立之射圃其儀注凡八今學士游肄其間領以儒紳有司時省之督學憲臣歲校之蓋成周遺意也朝選承乏孝豐願觀德於諸士爰咨厥射圃而莫可考詰豈其草創闕焉抑所重在彼不在此乎亟欲爲建立以時方繕葺學宮而工力不逮逾年始克圃於明倫堂之西縱百步橫貳拾

孝豐縣志

卷九 藝文

五

步高者彝汙者築平中準直中繩東望

文廟肅乎先師在上左距

城隍惕乎明神在旁義路以爲往來禮門以爲出入非獨決拾之所庶幾乎禮樂之場也諸士其有興焉矣知可藉以不泯漫以紀始事云

孝豐縣名宦鄉賢祠

明 黃朝選

名宦鄉賢有祠所以報功昭德章軌垂勸也。豐
縣於弘治改元歷百年所宦茲土而名者生是鄉
而賢者祀不乏人矣。廟祠浚屬未安朝選裸獻其
間不勝詫焉。鄉賢卽敬一亭爲祠御製碑南面神
位亦南面謂堂陛何至名宦祠於
先師廟陰與啟聖祠並峙以末學躋

聖先之右可乎。遂改卜於學宮外西偏名宦鄉賢同
堂異室彼其人均不詭於聖賢故並得從宮墀俎

孝豐縣志

卷九 藝文

六

豆之後視舊爲稍安爾。基始於癸卯元日落成於
實沈之辰。學博士江大爵張子恩縣丞汪應麟典
史蔡思履巡檢黎崇欽宋之弼咸與有勞也。

重建孝豐縣儒學碑記

楊錫汝

己酉孟冬余建學宮告成豐人士屬記於余余謂
守土者職分當然何可記且余才拙鄙又何能記
豐人士曰厥功懋哉豐之學屢徙屢廢雖云地利
失宜亦由建立之未周今侯鼎新創造理罷堅備
豐之邑始有學豐之學始定而不移豈但爲閭邑
崇文教抑且爲閭邑培風水況不廢諸生一緡不
勞民病工後之人止知享厥成休忘拮据瘠瘁之
苦是安可記又安可不請侯自爲記余因是不辭

孝豐縣志

卷九 藝文

七

因陋妄綴始末憶乙巳春來蒞茲土甫下車謁

廟見宮墻頽敗殿宇傾圮兩廡明堂鞠爲茂草心焉
傷之慨有邑必有學學與邑原相表裏今學校之
地淪於荒烟衰草間無論非所以長育人才卽

聖靈亦何以安焉於是負疚自勵思振興而創建之
柰豐邑彈丸兵燹之餘錢穀積遺萬二千有奇前
任羈留者三初膺重任新舊急餉交迫問之官而
官不能償索之民而民無以應追呼孔亟寢食俱
忘如是三載卽欲營度於此不遑也然余

於催科無一刻不注精於此地迨茹蓼臥薪破家
園之產捐重債以代償俾前官脫然歸豐之民瘡
痍始起余隨稟命家君相度地利肇修此舉家君
曰嘻此固根本之圖亦司牧者之首務微子言吾
已籌度久之爰是周觀形勢知先之定基失於趨
向後之遷徙昧於坐山因就縣東舊址更向壬丙
後托前朝莫不環衛其左右秀峰明堂泮水悉皆
自然無強筮之吉用捐已資擇期於戊申七月二
十三日庀材鳩工余宵旦經營不畏寒暑喜子來
孝豐縣志

卷九 藝文

十六

響應告成於己酉十月既望前建大殿五楹軒敞
洞豁後造一樓上祀

敬聖宮下設明倫堂兩廡各七儀門旁列名宦鄉賢
東營土地祠義路禮門井井各別此雖規模粗備
而

先聖先賢之靈庶幾得所憑依焉先是學宮圯廢人
文衰落科第寥寥繼茲蔚然興起濟濟師師以應
聖天子右文之盛蓋未有量也矧學建而教興教興
而俗美化豎凌刁敝之習登醇龐和厚之風安見

豐之民不由豐之士有以易之歟則學與邑誠相表裏余是以力爲創建敢謂美輪奐壯觀瞻已哉顧名思義不令廢墜尤所望於後之守茲土者是役也倡之自余凡事皆屬口手工費悉自己捐董厥工者縣丞江源訓導李煥文分厥任者典史唐文漢巡檢楊銓印其餘瑣細司出納者耆民漏守功金時用陳策郎起莘若弟子員中立志不怠贊勦任勞者如章雲初金幼學王起鸞潘胤美王居廣等亦曷可泯歟是爲記

重建孝豐縣學碑記

黃與堅

太倉進士

夫吏治之先本務也尚矣自世教衰歎天下之士習爲囂訛日刺繆於古聖賢之指爲之司牧者簿書期會旁午紛錯講肄之所弗而不治無復以化理爲亟亟本之不立至於風俗凋敝而文教不能以復張耽是故也自古爲郡縣者學校不興不可以言治學校之興化民成俗以是爲本繫細故乎孝豐當天目陰土阨隘學宮舊建於縣治東遭亂傾圮已遷東北規制未脩益以頽廢我同季楊君

孝豐縣志

卷九 藝文

三

保極乙巳蒞茲土循覽太息思有以振之遂於舊址酌陰陽量形勢定爲壬位丙嚮以上應室宿下合於廣茗山水之來厥戊申七月捐俸庀材屬佐貳江諱源等鳩工伊始輒日詣經營殫精畢力於是于來率作以巳酉八月遂告成事廟宇崇煥廊廡纒屬後建一樓上祀 啓聖下爲明倫瑰麗特甚下此者皆以次整理無關豐學凡屢遷自是而學始定豐之士始有寧豐當兵燹之後師儒散失研經味道者溲溲以寡於時禮樂之地兀冢蒙

童豎得而踐其宇牛羊得而牧其墟地與人盛衰
相踵其理固然而以往推之則又有說蓋地氣之
說君子所不道而於豐未嘗無徵也曩者山左馮
公來守豐於東南建奎光閣己卯鄉試獲兩雋迨
開卷而學徒以二十年右文之世登科第者寂其
無聞雖前此作人之未至亦未必非建學失宜之
過也今君力與此舉恢於舊觀揆度精詳締構瓌
璋巖谷父老至其所者猶爲瞻仰太息而况韋帶
之士誦詩讀書進觀其車服禮器有不勃然奮起

鬱然登興者乎循吏以漢世爲最文翁加意於學
校治尤彰彰知本務也君蒞豐五年休養士庶風
恬以嬉今君於阜成之暇揚扈文教贊官學舍次
第修舉本之是務進於鴻龐以佐 國家興賢之
美啟千百年運會之隆其造於豐也大矣楊君諱
錫汝江南當塗人與余同甲午拔貢同以丁酉考
取授知縣今五年任孝豐以治行優異候行取者
也嘗康熙八年己酉秋日賜進士出身文林郎觀
刑部政太倉黃與堅撰

知縣郭治去思碑記

唐

樞明刑部主事歸安人

豐之令泰和昌修子郭治民政成而陟於嵩明民宜焉以綖無能挽乃仇焉以思無能鬱乃爲之石以紀庶無忘公於夙夜乃謂予辭焉以彰予問於豐之士金君鏜王君乾曰罔攸聞強則曰風移於豐之旣曰罔攸知強則曰俗妥問於豐之吏若胥皂走曰罔厲我及我予乃言曰斯昌修之所以有思乎斯豐之所以思乎予於昌修友知其心敢私布之夫昌修以真應故直而不炫以善養故禪而

孝豐縣志

卷九 藝文

三

無恩以度正故從而弗昵以默順不暴能不助化故士安而弗譽民熙而不爲功故立名者聞立勞者知立勢者爲立惠者及無徼於居莫知其所而懷於行其情勞然也豐之志昌修子軌制備今考其迹慧人計人俶儻人藻致人咸得而勉然悵離眷故天下何其察乎夫感道若響士以實御下以實酢昌修子將不此是賴民焉有之故有實政然後有實思由於衷之謂實律於道之謂政懷於義之謂思惟實也勒爲石夫惟道義具不襲世忒雖

雖天下有餘化豈其令於豐昌修名治號中洲
明子高弟嘉靖癸未夏禮上去之日戊子春二月
朔日也歸安唐樞謹撰

知縣張侯去思碑記

吳

龍明福建人

豐令張名懋字子培號萬山蘓之嘉定人也嘉靖庚戌進士出宰孝豐蒞政未及三年擢爲南京兵部主事尋卒於官邇昔迄今已逾一十餘載矣隆慶三年春三月豐士潘子一中王子師暨耆民諸錢陳璜等數十人來謁元洲子曰惟賢然後彰賢公由宗伯掌符鄉不虛美不隱惡今之良史也三吳稱紀善之宗者必歸焉我張侯令德非公曷彰故不遠數百里而來元洲子起而辭曰鄙人不穀

孝豐縣志

卷九

藝文

五

矧張侯政蹟固有所稽曷從紀之衆出張侯政要一帙示元洲子覽之見其嚴文量均循後崇學校正風俗四者其經也平獄訟清賦稅寬刑罰勸農業禁克慝撫孤窮六考其緯也他若廉以持已明以察奸仁以愛民公以應事恕以御下班班善政難以悉舉自建縣以來未有如侯之盛者予乃作而言曰是記不可以已也竊聞之爲政有幾曰思教政善則人思之政惡則人教之殊情可以卜儆慝之異率張侯云亡已越二紀而豐人猶周人之

思召公也張侯之政遐哉淑矣民思其養士思其
教如赤子之失慈母號呼籲天而不可復獲故欲
寄思慕之情於一碑石之間猶甘棠所爲咏而木
瓜所爲賦也意亦嘉矣噫思生於有所感感生於
有所病病於貪者思其廉病於讒者思其明病於
苛者思其仁病於偏者思其公病於尅者思其恕
此張侯之去所以見思也使豐令皆張侯其人何
以有是思也張侯德澤入人之未深何以有是久
而能思也張侯之有孚惠心豐人之有孚惠德具
孝豐縣志

卷九

藝文

二

見之矣雖然天生豪傑代不乏人後之令豐邑者
豈無張侯其人乎果有其人則直道斯民好惡靡
忒亦將以愛張侯者愛之矣是故豐人之請是碑
也有餘思焉元洲子之記是碑也有餘望焉遂授
於衆以勒諸石

知縣江侯去思碑記

范應期 明編修 郡人

婺源鳳梧公諱朝陽者治孝豐五年政和而民安
頌聲沸湧銓部上其功能天子以爲賢擢爲廣西
南寧府上思州守去之日民悲號載道挽制執轡
旆不 前既去民益思慕謳吟一若失怙恃邑之
縉紳先生暨弟子員義爲侯伐石而徵余言勒其
事余惟守令之致民思也亦甚艱矣專力操切暴
戾恣睢無庸論卽有惠政類無實心遷延藻飾希
聲當宁於是朝握邑篆暮候 祀徵若傳舍民亦聽

孝豐縣志

卷九 藝文

五

其去畱若遷客然守令之致民思也亦甚艱矣江
侯何以得此於孝豐哉夫孝豐阻山控險自弘治
初始設縣治之百餘年間令茲土者無慮數十公
其間惟中州郭公規模治理萬山張公衡度土田
養默王公均里甲營城垣聲聞噴噴尚在人口吻
降是無大流澤民亦泯泯無可考守令之致民思
也亦甚艱矣侯又何以得此於孝豐哉余聞侯初
試爲安鄉令葺年而德洽二年而績成安鄉不能
畱乃右調令茲孝豐比至勤勞民瘼總覈吏事飭

學宮度田畝均力役緩催科公聽斷除遺亡籍蠲
金錢鑄耗扶植善良搏擊豪猾善政疑豎難以櫛
數於時御史按部則多侯兩戶曾徵發則多侯督
撫按臣州府總捕則多侯寵書禮幣貶勞侯者雲
馳雨集填溢道路一時治績彪炳滿右而其間大
有非他令所能及者如辛巳歲天子令天下覈田
數孝豐分土盡岬壑侯乃躬執尺度攀危石涉斷
澗僥瘠悉與民稱平先請守令而報命勞瘁逮病
民之籲天禱祀願請身代者遍里巷孝豐人文素

顏敞侯解綏卽進士子於階下朝夕勸勉無品類
咸有造就棒檄將行復捐其俸餘謂諸廣文曰孝
豐亦多才地而可令文不振耶更建宮垣於善地
度幾有異果爾願以不腆所以助後之倡義者夫
政不悖成民不悖得侯之爲政梗槩如是方於漢
循吏傳所稱龔黃輩宜未可以陰陽黑白以故五
年於茲惠愛流暢士民飲德若赤子父母不可一
日離而爲上思所奪焉宜乎思慕無已與中洲二
三公同嘖嘖也語曰美則愛愛則傳侯之政不可

不爲美豐之民不可不爲愛余故記其事以傳於
無窮云

孝豐縣志

卷九 藝文

七

邑侯黃公去思碑

明朱國禎 郡人 學士

自豫章黃侯之守豐也琴垂於堂雉翬於野天錫
兩岐民歌五袴大司馬孫公鑛紀其大美而揚勵
之語具邑志中今公去茲土一紀矣豐之人且暮
尸祝之思公益劇謀鑿石徵不朽乞余言以次其
事夫孫司馬紀侯顛末備矣亦安所關吾說而試
稽其遺舉百一焉歲乙巳侯脫廣文毡座起家分
邑符涖吾豐按豐鄆川餘轄古稱防風氏國其民
亢黠僑墅而善飢餓其俗多罷傲競祥覲苦徭役

孝豐縣志

卷九 藝文

六

其土壤阻厓谷蒼藜而鮮平曠沮泓沙流不堪蔬
牧其儒紳能斤斤尺獲而問臻卓犖爽朗之致蓋
風氣然也侯下車與民更始盡戢威稜洋洋禮典
牖之奉揚聖天子嘉惠大德而籛以條風煦以旭
日爲之緩征輸疎文網申保伍豎章程裁鹵簿邑
例以綵帛歲輪抒抽告罄侯縷悉條陳上報可而
民櫛便奉爲定式萬禩永賴嘉肺兩石刑故無小
宥過無大侯罔所紆廻犴狴中絕無冤顓聲惟不
輕論鬼薪不遽令作城旦春曰非古象形意也

必是是在用法者按令甲握符泣治必輸粟廩庾以資儉歲溝瘠例取贖賑實之侯自公移州郡暨臺使者折錙而外毋入一銖悉捐橐裝易民間粟以克額凡有推輸輒嚴簿責以按之帑中無贏錢卽魁宿渠猶不能爲乾沒計也又以身爲鵠嚴攝諸位領而胥徒輿隸咸挫赫靈口噤不敢譁所不奉命者輒論如法而風雷布之矣尤申鬼覘之禁閭閻中無得向浮圖緣果然終侯視事無疾厲之愆而民不逢菑害非偶然也至亭育諸儒生先嘯

孝豐縣志

卷九 藝文

廿九

培其氣節崇祀學宮置田給糶以弘樸槭士有囚服獻矢蒲伏庭下必障面避其塵及奉檄校藝務抑蹠心旌拔超異入薦牘毋內私謁第準繭上累行爲甲乙耳間有腹暴二酉意致卓穎不可一世者不難推轂下之相與結生平歡慨然以千秋之業期之士固自愛還自勵也文學行誼寢寢熾矣又曰菟里中龐眉標行卓茂可風寓縣者輒奉主上璽書拜爵一級人咸濯磨益自矜奮比屋蓋可風焉豐之分符始弘治改元劉雉未以事率草藺

縣大夫適州治度數十里而遙抵郡倍之俱僦民間舍爲駐驂之計不無驛騷民間者侯乃割貲折券置屋數楹一在州雉之北一在茗溪之東俾嗣後蒞茲土者卽次而無以供億累吾民侯之遺寧有旣哉余感成周之治東郊姬公茲慎君陳有容迨畢公競競甄別是何三紀中後先易嚮邪道有升降政由俗革治術貴因理固然也若侯之治吾豐固因以調化瑟而間露振刷之氣賢者無匿其微不肖者胥被其化侯之政寧直古邇之餘嘉賴

之雖以激揚宇內可矣余爲紀其遺略若此以慰士民志思者若欲錄侯休媿敘循良於史乘則有大司馬之紀在侯諱朝選字某別號登台豫章金谿人萬曆甲寅仲春吉旦勒石

周侯去思碑

沈

淮明學士

郡人

余不敏考漢人法如地節五鳳間天子重元元而
課循良之績必歷試諸郡邑始得拜丞相御史大
夫光祿勛非難於用也五金鞞鑪范而得材爲錢
鐔釜鬻戈盾欣然驟以用矣其貴者爲清鍾大鏞
夏敦商彝五父之鼎而度以序度以庭度以明堂
始一出而見上帝三秋之郊程其用也彼驟爲用
者弊矣請以慰吾鄉之志思者今上癸丑歲江右
周侯自宛陵之涇徙治孝豐按孝豐古鄣川之餘
孝豐縣志

卷九

藝文

十一

阻溪山藂密箐其民不堪競練而飢於法蓋慨然
一甌脫也侯令茲土用經術經之不逾期士環於
橋民嬉於墅漁陽兩岐雲中五袴直從紫芝眉宇
間得之昊天不吊歲阨陽九俾侯以守艱去吾豐
豐之人籲天捨地不杵不謠振呼而環相泣者聲
未咽也蟻附猿拔車柅不前無緣借寇咸思伐石
歌棠以永思也群邑之儒紳黃白哀籲而前曰民
無天矣遺轍墮履儀以不忘矧其撫循而邪翼之
幸子大夫勒之貞珉以寄思焉余不敏聞之噦吁

數行下無能抵掌種種而於稽其儿夫吏治蓋難
言矣治而致思抑又難者思由瘠土之民則難之
難也孝豐設雉始弘治改元幾百餘稔矣大都京
龜虞韋束濕虞茲甚而鈎京兆之距抽晉陽之繭
卽不然奏旻庖學製錦河陽花縣彭澤柳丘摠於
吏治無當也亦安所係人思矧其瘠者乎侯按部
無他異惟凜凜簡書而自勵其飲冰噓以箕風解
以畢雨尹扶風之術以平刑龔渤海之術以理劇
蕭馮翊黃穎川之術以近民又廉其魁宿狡獪與
孝豐縣志

卷九 藝文

三

諸乾沒狀爲之巖尺籍按簿責愼筦鑰申保伍而
平繇役令邑人胥作中牟之雉而忘其馴蓋古所
稱衆人母不數數得也且其腹裏二酉識定千古
時競其雕龍洵五色丹霞而聲玉者也頃緣冰壺
品騰諸儒生不啻方臯相馬波斯探珍無絲髮爽
者崇奉學宮勤恤士類庀材則割貲以佐什之七
給精則割貲以佐什之二舉聖天子養廉奠功之
典悉出以給公曾不私一鏹澗橐裝卽今苦塊之
戚不能具哀經而西亦足悲矣今天下士大夫率

多傳舍其職一值解縣之日其帳鹵簿未有不歸
溪壑者侯一毫無溜湮焉庶懸牀載石之風不滅
沒耳侯性淡泊無它營嗜敦信仗義不侵然諾推
赤字人人之顧化亦殷殷也緣治行高等屬臺使
者優薦風勵宇縣行將如尹扶風諸君子內召至
矣竟以哀毀讀禮故奪侯以去宜豐之人泣請以
志思也余不敏得以漢人法解之侯一試而涇再
試而豐俾秩未上計而奪之去異日者聖天子復
下旌賢恩詔起侯禪祀之餘仍試百雉因而視草

孝豐縣志

卷九

藝文

三

宣麻以大其用侯得出其貴者列明堂之序而格
帝之歆又安事欣然驟以用也今之役固豐人私
侯侯能爲豐人思也豈直函牛鉅鼎用以烹雞而
以鉛刀別于將利屣哉余不敏得侍承明幸次史
臣如地節五鳳間敘循良而垂不朽竊徵侯之議
於用者爲用重也侯諱以典號六虛由庚戌進士
載任爲令實豫章鍾陵人萬曆乙卯仲秋吉且立

田侯去思碑

明曹

勳編修嘉
興人

賢士大夫之係人思也久而彌真其棠一詩千載
興感雜碑峴篆庶幾近之若轉盼成墟沒沒於荒
烟衰草間期永口碑無敦難矣豐邑田侯以丁丑
夏蒞止余友查公權與侯同官其豐之利弊與侯
之治績余未嘗不知且甚哲聞侯甫下車輒除胥
蠹大猾數輩吏畏民懷其始政已赫然竦觀聽矣
東南劇役苦漕與絲豐民苦絲杖他邑苦漕更甚
蕩家析產不足償徃徃以身繼之卽子衿在所不

孝豐縣志

卷九 藝文

三

免侯定均役法勞逸相等吏不得因緣爲奸民用
享均平之樂向來賣富差貧吏胥之上下其手者
歲飽千金侯允士民請頃刻定令不少遲回他如
子衿優免及助餉之餽侯皆苦心擘畫使公私兩
利可垂永久豐土瘠石泐浹日不雨汗田龜坼連
年旱魃爲虐侯葛衣路禱兩膝爲腫甘雨如澍累
日苗穎立蘓豐士夙稱雅馴侯揖讓談經勵以古
道卯翼教誨如親子弟凡厥簡拔必姪修敦古之
彥卽童子試所列前茅督學使者十錄其八稱人

倫冰鑑由是士負公輔器行古人事者霞蒸雲起
不可殫述雪盆覆之冤期同若水殫撫字之力勤
比楊城固無冤鬼衙無宿舂班班美績更僕難罄
當此三空九盡之時得仁侯衣被斯民可謂厚幸
乃奏最中沮又適母太夫人在憚遂拂衣請假以
去豐人士扳轅臥轍徧叩臺使者挽留勿獲去之
日士提筐農釋耜老稚扶携匍匐號泣相送於道
者几百里喑嘍人情若此惡在循良可爲而不可
爲哉迄今天目茗溪間語侯之政之去輒涕泗交
頤於邑擘扼德澤難諉乞余言以壽之石昔中郎
生平恥爲人作碑記難在飾詞耳若余不過言豐
人士所欲言言卽何愧况言於去之後是非已定
余是以不辭而爲之記侯諱溫號石臺湖廣蘄州
人其解綬則庚辰之二月吉也

郡司馬朱公署孝豐縣德政碑記

唐世濟

人有恆言仕路踐更等於傳舍過而不有化而不
畱至代庖攝篆不啻五日京兆正如雪鴻印泥偶
然畱迹官視其地爲籩廬民視其官爲過客未有
在事曾幾何時卽能令民懽忻愛戴若赤子之戀
慈母惟恐失之此非有如傷之視已饑已渴之心
毅然仔肩去其所疾苦予其所安樂蓋本之赤心
白意而張弛互用威惠覃敷將雨露風霆皆成滋
澤由誠與才合匪聲音笑貌所能粉飾而幾幸得

孝豐縣志

卷九 藝文

三十六

之郡司馬朱公真其人矣公之治吾湖也歟歷多
年星霜幾徧閱先以別駕部運三入春明正值寇
氛克斥無日不在戈鋌雲擾之中糧抵天津身在
圍城風雪登陴代守九外一生凡數月玉食歸之
尚方毫無損失至窮民逋負難完代爲稱貸始得
生還迄今有備述辛酸蘊蘊隕涕者則膏澤之人
人淡而身食其德者謳吟思慕自不能已也迨乎
鼎革之秋亂兵兩陷郡城戕殺大吏焚劫縱橫烈
於咸陽之火暴骨如莽白晝青燐幾於空國公挺

身櫻白刃惟涕泗爲民請命生全數萬生靈效之於鋒鏑鼎鑊之中令熙熙攘攘漸見摩擊舊觀凡此子遺孰非公之所卯翼生成起溝中而傳之肉也至於孝豐山陬僻壤民風素樸向來避亂者思移家就之不意蚩蚩之民走死如驚一夫發難靡靡從風斬木揭竿蜂屯蟻聚此地成平日久民多樂業所未經見旄倪奔竄轉徙流離在事者計無復之解組徑去當道屢發兵征勦時有斬馘兵至則鳥竄林藪兵還復鳴張於草澤窟穴根株未易

孝豐縣志

卷九 藝文

七

迅掃乃蒿目盱衡求勝其任者復以畀公人謂將虎鬚履虎尾宜堅謝不違公曰義不辭難臣子之分叱馭而行至則手書文告反復開道令其賣刀買犢鷹化爲鳩至誠所感直予之以再生且稔知公郡中德政一言而介於金石一動而信於四時真足以格豚魚馴犴雉前後招撫凡千餘人公又運籌發縱擒其渠魁脅從遂解散亂而伐之服而舍之封豕長蛇直豢之股掌之間絛緇操縱自我握之有餘裕矣邑之薦紳孝廉諸生耆里身荷萬

聞願言報德無可籍手相率乞一言於不穀將濟
之貞珉以垂永久謂知公者莫如濟也予授簡低
徊深有慨焉夫談吏治則皆言守令之艱謂財賦
之地凡催科賦役漕兌編審以至鹽米糶碎巨細
畢萃於一人黽勉周旋以毋致失墜亦不易耳然
安常履順爲於可爲之日卽庸常畫諾而有餘惟
遺大投艱爲於不可爲之時雖賢哲馳騫而不足
茲人丁劫運變閱滄桑白羽交馳戰戈不息卽蓬
谷溪山迄無寧宇且公當郡城告警之日保護億

孝豐縣志

卷九 藝文

五

萬兆人而身亦倖脫於虎穴蓋觀非常之原值非
常之厄受非常之困苦豈非常之功德公固非常
人也至豐邑卒然變起公復出其緒餘以恢廓而
平滌之且視事僅三越月遙收底定人見以爲難
公見以爲易蓋平時定見定力得於諸艱之歷試
以練其氣澄其神物來順應具有成算於胸中游
刃運斤取之左右逢源耳前此國家功令凡遊選
之吏勛勳戎馬之場皆減俸超拔念宣力危疆遂
分遲速以平衡其勞逸公治行高等烏奕一時其

晉秩崇階固可拭目以俟因復諸君子而申言之

侯諱國藩號晉貽江右
大庾人貢士郡司馬

邑少宋公去思碑記

國朝

姚延敬

部給事

庚子夏豐人士以縣貳宋諱天植字漸之者奉調去丐言於余勒諸石以志所思余與之曰宋君果何政之德而遂及此曰息其廉也息其愛也息其勞也廉與愛勞而出自縣貳宋君抑何德之從而遂及此曰宋君世家陝右戊子拔於鄉降別駕而尹豐比初至奉檄舍於郊戶長德其不擾往餽之拂衣起義形於色曰爾玷我竟却之議行均役衆以公務出入爲君計謝曰予不負丞足矣無事此

孝豐縣志

卷九

藝文

碑

也四明督葺船務工用繁甚夏邑侯焦勞而濟之君鎔銖必記雖竹頭木屑務使登用曰皆民脂膏也苟易視焉詎心之所忍出哉邑侯聞委以催科寧爲撫字諄切勸諭完糧不忍令逋負者困於桁楊民皆感而急公其用愛爲何如也任未及期卽有烏竹之役尋且任奚斯焉邁則信安爾東僕僕於奔走寢食俱廢曰民瘠矣我何肥其任勞爲何如也是請也亦豈足以報明德哉庶幾淇泉棗竹之遺意耳余曰直道在人亦安在循吏可爲而不

可爲哉凡思必動於誠宋君慰豐人之思出於誠而寓諸政豐人思宋君之政出於誠而托諸石豈足以報明德哉亦庶幾淇泉棗竹之遺意耳
今世求賢若渴吏之循者不次擢之宋君有是調所以有是思顧宋君之調適爲尺蠖之屈豐之都人士其亦何以慰所思也哉

孝豐縣田侯德政錄序

姚元瑛

錢塘人戶部主事

國家於郡國既重藩臬諸司兼貴郡邑守令者爲其奉揚仁風近百姓也是以曩者屢降優崇之典或寵以冕服或書其姓字豈特守土是望哉蓋以台鼎目之矣但慮近今治道稍禠較之漢郡三百餘祇先衛颯魏之風斯爲不古何怪乎漢郡三百餘祇先衛颯魏魏隄十五城僅得陳球當此者甚寥寥也獨吾浙據東南上游其間政治民風

開代以來鬱然丕變矣如菰郡豐邑 小菴田令君

孝豐縣志

卷九

藝文

望

者初下車咨民利病所興革不下數十餘政都人士共號神君焉先是豐邑僻近天目更接江南寧廣諸山峭壁崇巖白雲翳之幽篁密箐伏莽者之所聚處小民流離喪亡動以千計君乃披榛刈蒿招流亡而歸之給牛種以闢荒土均賦役以息殘黎嚴保甲以靖餘孽安反側以大招徠于是流移復凋瘵蘇盜息民安政莫善於此况其廉以律已則高陵之蔬食靜江之幕布也寬以恤民則陽城之勞以撫字子復之不忍困民也明以斷獄則京

兆之平反非廣漢之鈎距也嚴以御史則房琯之
蒞邑黜者以去而王覲之爲守行者如水也智以
詰奸則不必鞭絲捫鐘而奸以伏法以去僞則不
必銅斗鐵尺而市以平其他不及概舉者皆類是
是豈非東南之稱吏治者君其爲首庸哉宜都人
士之頌神君不休也異日者

天子聞而慕之將見徵書日下余也舉酒長安望葉

冕之至矣言念維桑能忘折柳以是爲序

侯諱養
民號小

菴蒲州籍員黎

人戊子貢士

孝豐縣志

卷九 藝文

望

楊邑侯建學詩序

孫在豐

翰林院
侍講

往余髫年讀書豐邑城南習觀山水靈奇雲物窈
冥清流見底高峯入雲林莽蒼鬱竹栢峭精蓋仙
人之窟宅隱者之隩區也此中人士大都視聽閒
靜未嘗馳騫聲華然訪之故老代有雋望如吳侍
御峻伯之詩賦與弇州歷下齊驅郎工部心葵之
理學與鹿門荆川接軫石岐銓政不下裴王水東
書法更同顏柳其他處士幽人指難勝屈緬惟曩
代復有山名郭巨墓號商賢梁蕭統讀書之臺向
孝豐縣志

卷九 藝文

四

留天目晉山濤竹林之祠近圯城東唐周朴董嶺
成詩宋盧瑛五峯得句披裘初逢季扎節著遺金
姚紵不異蘇耽仙閣化鶴向使豐之山水如永嘉
之遇康樂柳州之得宗元當不寂寂至今日矣茲
幸邑侯楊父母保極者以伯起家聲子雲才望特
起而更新之披荆斬棘惟學校是崇聽政之餘撫
琴調瑟無不鼓宮宮應鼓商商應犁然有當於人
心所謂教化行而風俗美蓋侯之爲民師帥也久
矣以龔黃之治衍鄒泗之風家絃戶詠行見名材

蔚超媲美前修濟濟觀作人雅化豈徒柳州作記
謝傳裁詩而已耶蓋侯新初試浮彩艷發揮龍
淵剽犀兕巖邑雖盤錯不足當一割也以故涖豐
六年所前之稅政已釐頑民已馴宿邇已代償積
廢已具舉訟簡刑清農業復業園圃空萑苻靖且
風雨以時蓄積不作雖漢世吏治之隆不是過矣
奚俟懸魚馴雉襲說辭以謝美哉讀是集也知吾
侯政成奏績不必采勾漏之丹砂抑且效王喬之
飛鳥簪筆承明出入禁闈匪特萬民尸祝增光俎

孝豐縣志

卷九 藝文

七

豆而已是

山公潭記

張暹

賓陽門外邈迤數百武有小石山焉其下澄淵千尺一如水鏡名曰山公潭上有古祠遺址甃石猶存父老相傳云此祀晉吏部尚書新沓伯山公濤也明懷宗時邑令田石臺漚學博岑瞻南鑄二公者臨眺其上愛其地遠山明滅如畫頗攬一邑之勝裴回至不忍去歸而誅之父老擬興復舊祠迺商賢大夫像於其上而以吏部侑饗焉無何田以他事解組去岑亦陞任蒼梧遂不果惜哉或曰考

孝豐縣志

卷九

藝文

碑

之前史巨源轍跡未嘗一履斯地抑知古人範銅以鑄賈島買絲而繡平原尚友千古豈泥時與地哉故蘇轍之詩曰厭世乘雲人不見空墳聊復葬衣冠卽此義也况塢有七賢壘名竹林然則稽阮以下王劉而上向秀呂安不當與諸公並血食是邦與又按郭志暨黃志皆曰山公又云一作三公夫三公者何舊志皆不載意者明巡撫御史張津巡按御史鮮冕金壇令劉天和三公也先是正德間廣茗之亂上聞於朝命津討之會天和有能名

檄至軍門贊畫賊聞風請降兵不血刃而平土人感其德因立祠以祀之故名三公祠嗚虜古人往矣前志多闕略無從證據故並記之以寓史家闕文之意時康熙壬寅歲秋八月邑人張進記

按故明永樂間魚池鄉吳貴歸作亂長興相繼騷動陽武侯薛祿率兵討之有祝御史者監其軍奉有克定之日立殲二邑之命薛令祝馳奏請貸恐不及事兼程而進往復才半月祝竟以勞斃至今父老猶感其再生之德焉薛祝名地不傳然功德在人不忍沒也併附錄之

天目山記

袁宏道

公安人明
吏部郎中

天目幽邃奇古不可言凡山深僻者多荒涼峭削者鮮迂曲貌古則鮮妍不足骨大則玲瓏絕少以至山高水乏石峻毛枯凡此皆山之病天目盈山皆壑飛流淙淙若萬疋縞一絕也石色蒼潤石骨與巧石徑曲折石壁竦削二絕也雖幽谷縣巖菴宇皆精三絕也余耳不喜雷而天目雷聲甚小聽之若嬰兒聲四絕也曉起看雲在絕壑下白淨如綿奔騰如浪盡大地作琉璃海諸山尖出雲上若孝豐縣志

卷九

藝文

吳

泮五絕也然雲變態最不常其觀奇甚非山居久者不能悉其形狀山樹大者幾四十圍松形如蓋高不踰數尺一株直萬餘錢六絕也頭茶之香者遠勝龍井笋味類紹興破塘而清遠過之七絕也余謂大江之南修真棲隱之地無踰此者

天目山記

王晉亨 邑人

天目西浙一鉅鎮也豐邑自湖坪一十五里宿高湖庵二十里達仙殿基基在天目之肩石孤峭入雲際俯視萬山如螺髻目至此一空南下五里爲中峰塏前有悟道庵庵南玉柱峰狀類棗核高三十餘丈鐵牙松偃綴其上循此里許至開山塏一名張公洞高峰祖師有龕在焉龕合獅子巖內巨缸藏遺蛻覆石臺上凡游人瞻禮畢手摩拂一過缸故潤脈可鑑須眉前臨千丈巖飛雲樓樓立巖

孝豐縣志

卷九

藝文

巽

之丁憑窻俯瞰石壁千仞南象鼻峰左則真際亭右爲湧泉庵此山形勝第一開中峰斷崖兩祖師之先迤邐而東爲東幻佐規模弘敞殿前楹杉六七章枝葉蓬鬆鼉龍磐鬚南一小山挺立形似蓮花四面巉削登眺者披藤蘿始得達中有西方庵據蓮瓣中四圍石笋笏立門外左偏石壁如屏立玉亭與東山相對山多松竹羣猿常攀躍於上此開山以東之大略也開山之西爲活埋庵高峯習靜此地高麗潘王來叅曰師顧活埋於此乎因名

庵前香鑪峰後槃陀石其石扣之有聲類木魚更
西爲斷崖祖師捨身處崖深千餘丈師捨身其下
無傷仍端坐念佛而已殿右望江臺登之可望錢
塘江此開山以西之大略也開山之北爲大佛殿
巍峩雄壯爲一山巨剎東北爲空觀處其地平曠
坦衍縱覽無碍故名空觀緣石級而上五里至巔
周望遠而括蒼台岩四明諸峰暨黃山桐水與夫
海門招寶諸境咸隱隱雲霞間巔圍石屏十二幅
天鑿神鏡類人工然每幅高五丈許濶二丈許石

孝豐縣志

卷九

藝文

三

色班駁葦黛又石池畝許寒泉清徹似鏡冬夏不
涸形如目天目所由名也然此乃西天目距東二
十里有高山與此山齊山頂亦有池謂之東天目
東目究不及西目之奇開山以北約略如此開山
之南爲振衣亭古杉翠柏環繞亭外人坐其中蒼
色飛來衣袵皆綠亭下爲半山橋橋畔眠牛石石
形蹲蟠伏地似眠牛下十里許爲雙清庄庄在山
之麓矣有大池澄泓朗淨梁照明讀書於此日昏
鬢掬池水洗之雙眸頓清故名雙清開山以南約

路如此大凡登此山者自北而上四十里自南而
上不越十里蓋名藍精刹奇峭秀拔之勝俱在山
之胸腋自北者由肩而下自南者由尾而上其最
異者莫如雲海時或細烟一縷從石罅中出雲氣
如練須臾徧大地如湧銀濤下視羣峰如笋迸出
高者露濤中蓬瀛三島在几案間夏月雨從山腰
而下山上仍白日無纖翳開岩下雷聲似嬰兒啼
茶時僧焙雲芽香氣撲鼻是皆山中雅事并記之

西天目修建碑記

王

贊明編修

天目距武林西北百里許盤迴而直上巍峰巉岬
削出天際兩浙勝槩皆列其前風雷陰作龍虎奔
馳日光霞綵暮映朝暉特天開畫圖也當至元丙
子間有大沙門曰高峰誅茅獅子巖首倡基之里
人洪喬祖氏崇重其道輸材運斧利施田畝建立
精藍有年未幾斷崖中峰二祖師並起茲山大啟
其道震旦竺國咸仰慈風叅禮學子雲輪川委當
是時天下豪俊莫不慕其道咸趨座下若高麗國

孝豐縣志

卷九

藝文

十一

王若元趙孟頫馮海粟皆樂從其游延祀丁巳蒙
勅孟頫撰記載於寺碑可見迨至我朝以來垂三
百餘載矣雖宗風綿遠不墜而星霜屢更古跡今
壇不無損壞弘治乙卯秋本寺化首王福完會同
寺僧圓福東堂德俊德全住持文浩戮力維持大
倡施緣於是儲匠躡工繼日運石首築石路延袤
而上約有三千七百餘丈視舊倍焉他若普同塔
千丈崖至爲新築石臺以及橋梁並次修葺一一
而新之迢迢玉砌矻矻浮屠光吞日月勢沒雲漢

轉法輪於娑婆具道場於沙界自權輿畢工涉五
寒暑而勉力圖維豐功盛績一百年來未之有也
何其懋哉今年秋王福完等以其修造之難懼無
以昭示來茲欲求一言以記之嗚呼福完由捨俗
至此十年矣一瞻堂塔勤力而勞心以圖者出其
素貴凡事大小敬奉欽依無懷誑詐是其爲不虛
所願也的矣其知力而進之難也審矣我故不得
讓而爲之記又重以詩曰鳳曆弘治十二年皇風

欣扇

佛日增輝當此際百廢俱興取以

孝豐縣志

卷九 藝文

七

天目晴空插雲漢高峰倡始獅子巖法傳斷崖與
中峰高麗國王關 恭親臨震且如竺國關 海

日更重懸禪心空斷關

天花花雨關

飯

首百靈

毫光五色起中天衲子恭元人幅

轉西來消息無窮傳道場中興海宇清六和僧衆
俱行成四恩三宥齊報德億萬斯年祝太平肯弘
治己未年大呂月壬寅日賜進士第翰林編修兼
國史永嘉王贊撰

靈巖山百福院重建大佛殿記

朱穎達

古鄆之南去縣三十里有山曰靈巖峯巒嵒峩峩
出霄漢以其雲雨之所吞吐以其仙佛之所隱見
故謂之靈奇趣天成秀氣盤礴中有浮圖氏之宮
是爲百福院前山旅朝後岫環擁清泉漱其乳竇
長松蔭其屏帷真世間清絕之境也院創於梁之
開平始號靈峯尋易於宋之治平改賜今額大殿
天臨房院星拱規矩森嚴卓爲叢席儀表前後名
僧間出道價鏗轟明義璘師創業於初仲賢師再

孝豐縣志

卷九 藝文

記

新大殿璘師宏建山門已有堅珉紀勒其事皇元
混一之後紹隆三寶教門頓興有前溪如月師具
大福慧克振前烈自維大殿重建三百二十餘載
棟梁摧損金像塵垢亟欲整而新之與闔寺聚議
咸擬募諸檀度合衆力而成旣而師乃佇思曰吾
徒遵教法隆盛之時衣豐食足莊嚴佛地吾本分
事也與其求之於人盍若求之於己况吾鉢囊餘
資他無所用不從事於此將何待哉乃召匠度木
一力鼎創百凡所費皆出於己因其願力深重志

趣果決遂得龍天默贊人心感悅機會湊合程期
敏速事事便利不日而成似若神運其力鬼助其
作者始事於乙未六月立木於是年八月之壬子
完備於十月之初吉比舊殿衡增一丈殿基佛座
各增高三尺柱石雄固棟楹圓整面勢軒豁椽角
翬飛方瓦甃砌無纖毫欠缺衆目駭觀萬口歎詫
若夜摩睹史之宮化成於霄漢之表又旣別捐淨
資重裝佛像咸俾一新諸房之僧請於師曰大殿
崇成師旣專其功吾儕僅能鋪匠助備加犒而已

孝豐縣志

卷九

藝文

五

曾不能以備吾力今緝寮屑備儻無復所禪獨不
愧乎願計像所費助十之三使亦得寓髮誠於大
緣之中師之虛名固無減也師不能拒其說於是
皆迄於成旣竣事請作文以記之余謂佛說諸波
羅密門示般若之妙因指菩提之正路以檀波羅
密爲第一檀之爲義以其能捨難捨不有其有破
慳貪之執垂慈忍之志發勇施之心所以爲六度
萬行之首也諸佛以此而發真慈菩薩以此而濟
含識修行非此則無以爲證果之階嚮道非此則

無以爲成佛之地初不聞於僧俗也近世僧門但指俗人爲檀盼盼然唯覲人之施與一有營建反藉此以取贏焉已之資力則固吝不出唯以奉私欲供泛用甚而公界隕毀如秦人視粵人之肥瘠邈然不喜戚於其心獨月師乃能視衆事如已之事視公界如已之居殫心竭力必欲極其輪奐之美以表其莊嚴之誠自非道見透徹人我兩忘視世利如浮雲宅心量如太虛詎能致是哉是足以風勵列刹勸率後人矣可不記乎大德元年宣授

武德將軍廣西轉運副使朱頴達記

商賢大夫墓銘

伍餘福

吳縣進士前兵部郎中

孝豐有老彭墓歲久草荒曲江浪史伍餘福過而悲焉表之復銘之是亦孔子竊比意也銘曰昔也薤林今也狐穴肇自商周彭闕孔竊述作何憑大戴則揭爵於而朝墓於而浙不見異人空聞異說六月社兒寒以送愆何經何恠天機恐洩誰謂猖狂惟身有節誰謂妖孽鍾靈有烈厥廟惟對八頁九折負陰抱陽堂封者崑下有龜蛇上有日月我表其所如番斯絕海桑幾更文或弗滅皇明嘉靖

孝豐縣志

卷九 藝文

五七

癸巳夏五月立石

按彭祖墓有三一在眉州之武陽卽今彭山周未浮游四方晚入蜀居象耳山下有彭祖宅一在徐州卽古彭城有彭祖墓州城西北隅彭祖宅內有彭祖井宋陳靖嘗作彭祖觀井圖并序按此陸終第三子籤亦名彭祖嘗隱雲母山壽七百有餘年音一在吳興之故鄣西南彭宅卽今孝豐對彭祖墓有薤林蘇轍經故鄣彭祖墓有詩曰空墳聊復壅衣冠三者未知孰是按秦翟道有橋陵漢武帝臨祭橋山云吾聞黃帝不死有塚何也或對曰帝乘龍上昇羣臣壅其衣冠然則古人陵墓率多此類後漢曹掾多設疑塚固未可同日論矣唐賈島亦有墓二其一在范陽其一在姑孰鄭谷弔青山賈水部詩云幽魂應自慰李白墓相連今故並存之以竦參云邑後學張暹敬識

宋朱吉甫墓碑記

文及翁

資政大夫學士

曩余官吳興爲節度府掌書記幙議春容言政必及於化訪故家遺俗若人有月旦評亟稱朱君邦憲之賢會予叨召命願見而未及見也及予官中秘書朱君監文思院都門一見傾蓋歡喜若平生交望而知其爲善人君子也君爲中都官將通中都藉工部侍郎李公伯玉將作少監趙公孟昫聞其賢且有證於予各以京狀交薦於是考舉及格予方幸君班改望厥施之宏也一旦子與戶部尚

孝豐縣志

卷九 藝文

六

書郎被旨詣文思院祇奉先皇帝謚冊寶及山陵厥儀院官畢至各共乃職予問君何在院吏告前一夕無疾而逝悵然驚悼且信且疑出院造君之廬果騎鯨白雲鄉也君之子穎達自當塗節制幕戴星奔喪苦次骨立擗踊哀號以他時墓門石志銘爲請予悲咽不能對然心實許之越數月以行狀來諗則葬已有日乃卽行狀敘其世系官譜謹考朱氏厥先吳故鄣侯然之後世爲吳興望族中徙淮之浮先值五年亂離復歸吳興高祖爲建炎

初高宗皇帝翠華南渡干戈甫定饑饉薦臻傾廩
調糴存活以萬計事聞於朝授承節郎曾祖淳克
念厥紹世濟其美以承務郎致仕贈奉直大夫祖
應祥以儒學發身入登朝籍出擁州麾清名勁節
照映當代治狀焯焯可紀官至朝請大夫崇禎祠
以終父爚家法相承隱德弗耀先崇禎卒輕財重
義歷四世猶一日積善餘慶篤生後人君諱吉甫
字邦憲幼警悟觀書數行並下日誦數千言終身
不忘稍長習春秋凡二百四十年行事大義數十

孝豐縣志

卷九

藝文

五九

炳如日星獨抱遺經洞究終始發爲文詞水滸山
立出遊京庠同經推爲獨步課試先諸子鳴受崇
禎郊恩入官試吏部銓應漕貢舉俱擢本經第一
崇禎年高不忍違膝下初調徽州司戶參軍待十
年闕以盡色養崇禎捐館喪葬祭無違禮服除調
嘉興府廣陳支鹽官地濱斥鹵吏舞文視賄輕重
手高下君外禦自持尼吏奸通商運課以最聞部
使者有爲巨商地下急符以後鈔擾前鈔君執不
可部使者怒迫以危言君屹不動未幾部使者以

賄敗雪巖鄭公繼之首懲變壞鹽鈔之罪惟廢陳
獲免鄭閱案牘歎曰居官甚早陳誼甚高世間卓
然自立有若人耶極稱賞之舉以職狀又特薦其
才剗檢察一貫委之兼領秩滿調建康府左司理
叅軍金陵重鎮獄事浩穰君剖決如流見諸平允
嘗治軍帥營婦冤獄事已誣服君不計身之利害
惟析理之是非丞相信庵趙公開督闢於建業閱
君擬筆分獄辯証冤用昭雪繇是淡器之資政退
庵吳公繼守畱都咨詢軍民利病君乞蠲薪炭苛

孝豐縣志

卷九 藝文

六

征吳公慨然從之至今一城軍民皆蒙仁言之利
溧陽縣有富被劫意舊僕爲鄉導君密察之賊非
真賊賊非正賊吳公疑焉改屬他官率希意迎合
君曰吾獄官也使無罪就死地自吾獄出緘其口
獨無愧於心乎始委節推翁如山錄問君曰是可
以理論必不爲勢回者問翁曾見前後案牘不翁
曰未及見君曰錄問所以決死生不閱元案何以
知顛末翁索案詳閱灼其在畫十疑白吳公獄遂
得緩居亡何湘西憲司獲盜於毗陵溧陽豪戶劫

在焉釋將死者十六人議者謂向文簡西京繼鏡
宣靖同州獄殆不是過或謂可希醜賞君正色曰
守正奉公吾之職也謀利計功吾何心焉物論雖
之丁祖母艱去官服除調汀州軍事推官規畫詳
明前後守皆前席之今兩浙運使華文胡公大初
爲汀守知君尤深凡興葺鬻宇改築城池悉委君
董其役胡公嘗曰郡僚多以事撻屬邑惟推官介
然有守真端人也畱推幕滿四考結綬登畿監行
在文思院中朝達宦交口薦譽爭令出其門下到

孝豐縣志

卷九 藝文

七

任不數月改入京官方駿駿通顯一夕倏然而逝
若羽化而登仙者實咸淳元年正月八日也享年
六十有一蓋棺事定告授通直郎賜緋銀魚袋致
仕君神清而癯氣和而肅以廉介律已以平恕待
人不妄言不妄動不妄取交直書之所謂正人詩
之所謂言士曾習金科幾中選爲由徑者輒退悉
屏去曰今而後不讀律矣顯意讀書貫穿古今博
覽書史以本經乃春秋三傳有筆削旨趣五卷三
傳精義十卷耐軒雜著五卷藏於家耐軒君自號

娶王氏建康都統司幹辦公事春卿之女先卜
年卒繼漏氏先五年卒子一人穎達擬從政郎特
差太平州節制司幹辦公事女二人長適貢補國
學進士吳孔章次未嫁蚤卒穎達卜以今年九月
十一日葬於安吉縣移風鄉六部山之原泣申前
請予不獲辭按行狀爲志系之以銘銘曰煌煌天
京翼翼文思玉珮來遊金鑰是司到五雲班僅一
跬步胡爲倏然齋志以逝有堂清堂有子傳家夙
負雋聲蔚爲國華千載佳城旣安且吉勒此銘章

孝豐縣志

卷九 藝文

空

垂於罔極

中憲大夫都察院右僉都御史霽寰吳公墓誌
銘

張居正

江陵人
大學士

隆慶己巳二月二十日都御史孝豐吳公以病卒
於家先數月天子詔廷臣舉海內諸遺佚故臣可
大用者議者咸欲以公應詔會公卒不克薦祠部
乃疏其巡撫貴州勦賊功得賜諭祭遣使臨視塋
兆恩卹甚渥然不及公生時錄用俾齎志以歿惜
哉按狀吳氏之先淮海人也宋南渡徙孝豐明興
代有聞人至吏部公松家大顯松二子長曰麟由

孝豐縣志

卷九藝文

三

御史歷山東憲副次日龍由吏部郎中歷福建叅
政公憲副子也母方氏封恭人公方在娠其大母
張宜人夢神女遺之曰以爲而孫至大湖又夢庭
中柱石千仞屬天憲副公亦夢舍後山高出雲端
巖巖嶽立及生遂名之曰維嶽長字峻伯別號霽
寰公少秀穎絕倫十載能屬文弱冠舉浙江丁酉
鄉試第五人明年登進士授江陰令會崇明賊起
邑與鄰壤故無城郭民大恐公設備甚嚴賊不敢
犯居三年用廉能徵入爲尙書郎主比部奏

詔詳定問刑條例稱旨著爲憲令丁未同考會試
庚戌朝廷以事逮繫兵部尙書下吏具獄將置重
典公從容言尙書無他擬從未減上不從然廷中
獨多吳君皆稱長者慮囚江西所平反萬五百餘
人其尤著者徐滾以母故擊殺發塚之人劉福德
以義殺里中不孝子皆抵死公特原之人服其允
事竣居大父父母喪三年起補駕部郎中尋以按
察副使督山東學校修秩祀表節行飭三氏子孫
奉約束以風齊魯諸生每試諸生差第其文畢卽

孝豐縣志

卷九

藝文

七

按籍察舉素無行者褫其衣巾笞斥之卽以文在
高等亦不貸齊魯之士蒸蒸向風焉遷湖廣叅政
江南按察使拜僉都御史巡撫貴州兼制湖北川
東道數上書言便宜事詔皆如議士首楊珂與其
叔進雄有郤兵連數十歲不解公使人諭珂自縛
待以不死珂頓首伏罪事聞賜白金文綺遂移兵
誅王世麒於清浪捕宋廷武於草塘俘王阿利於
平伐諸酋畏服境內以平會有上書言貴州撫臣
嚴慧好興事不可以治黔者得旨改南而公先有

仲弟之喪居常邑邑遂謝病歸歸五年而卒公自
少雖以文雄於時而明練吏事嫻於當時之務故
所至有聲事事精辦然性高簡不能當世取容頗
爲庸衆人所嫉屢致顛阻初舉進士射策大廷忌
者置其卷不得進抑居下列在江陰御史行縣謁
公戶部事令以下皆蒲伏道左侯御史車過乃起公
獨立俟橋門外御史深嫌之始爲郎太宰熊公知
其賢欲薦補銓部屬以不往謁執政議格不行督
學山東三年一字不交於當路巡撫貴竹有使者

孝豐縣志

卷九 藝文

七

出所部左右言使者貴人遇之宜有加公不從延
接而已使者以爲憾其被謗頗亦由是然公不以
寡偶之故易其所操謝病山中讀書譚道不從求
用於世病且革猶戒其子曰某子甲所饋朱母
以歛其屬節守義終身不變如此蓋嘉靖之子天
下言風節者稱浙中吳公云公生以正德甲以六
月四日卒纔五十有六初娶長興臧氏封安人贈
恭人生子稼端邑學生娶歸安陸侍郎女女三長
適華亭國子生馮繼可次適烏程國子生嚴應桂

次適錢塘郡學生茅用吉繼娶永嘉陳氏封恭人
生子稼翼州學生娶嘉興項吏部女稼澄邑學生
聘烏程閔令君女女一許聘烏程閔世南初公校
士南宮所舉戴記士僅十人皆海內名雋其最顯
者居正與今少保濟南殷公士儋並在政府婺源
汪公道昆爲兵部侍郎故餘姚胡公正蒙爲太常
卿國子祭酒嘉興陸公光祖爲太常少卿餘五人
皆至藩臬郡守其卒也汪公狀其行殷公表其墓
而居正爲之銘銘曰謂公不達而廡仕是都謂公
孝豐縣志

卷九

藝文

奕

達耶而讒口邾婁舍命不渝誰毀誰譽嗟嗟公平
展也丈夫光祿大夫柱國少傅兼太子太傅吏部
尙書建極殿大學士知制誥同知經筵國史總裁
江陵門人張居正撰

高南雄傳

尹

臺永新
人林學士

南雄高太守湖州孝豐人也名冕字服周高皇帝時有高真同者以閩右上書獲罪賜歿冕其五世孫父有行義冕少悃璞讀書強力自奮稍長開陽明王先生者講學吳前輩度東越從之游恍然若有撤也由鄉校貢太學司成增城湛公安成鄒公相繼以理學為教冕益得治所未聞治舉業益進舉京闈又數年舉進士以母疏得歸養母卒除喪授南京刑部主事遷員外郎郎中居刑部八年治獄精強不主成案有囚當死者自沉其妻誣違者論違者歿又惡少與人鬪鬪者歿惡少連旁者抵罪冕力陳於尚書誣若連者皆獲免諸平反類此陟守南雄度梅關書傳舍曰高太守度關載囊亦關人駭其書至南雄見郡小科率煩民賦業不無應豪并橫肆地介三省盜時時入部中吏民莫能格列便宜六事上當道當道報可是歲以告緡錢當民田租之半乃遣吏行縣覈田正其稅立保甲之法田稅既均流移者復業信豐賊再入界勉

孝豐縣志

卷九

藝文

七

保甲授方略斬賊首二人賊不復至廉約自處務
節費寬民守藏者故日以羨錢治茶具罷之郡有
橋推前政率乾沒自便冕悉上所部視舊贏倍諸
訟牒應手而決老吏猾書莫敢爲奸三年惠浹政
清穰大治將上計卒於官年五十六喪出境吏民
遮道哭及境乃返關民視所載槨如前所署益駭
服南雄民至今感頌不衰

廣文王望淵傳

王思任 山陰人

山陰司訓王君諱材號望淵湖右孝豐人幼失父
大母憐之謂其母邵曰書猛於虎也傷爾夫矣母
再傷子邵跪請曰吾家祚薄何敢望貴顯教兒子
識杖杜下爲人柳榆矧夫曾嚙指遺訓乎大父庭
松公曰是兒碧眼秀眉將大吾戶何僅章句教之
必非塾師所辦於是學博文成五采頭角起矣而
聘得婦施者望族也久之告以無聰語邵大駭語
學博學博曰此母所賜結襦無解重聽何傷不言

卷九

藝文

文

完

亦德也竟婦之得必猶不安而施執婦道甚順學
醫相莊以鴻案而又相悅以鹿門也邵始安於是
乎舉二子一女適屢婚先後隸於庠學博有弟懋
音負責訟擊不得償邵泣之學博亟斥產爲贖母
子兄弟終其身盡禮相累爲樂邵既以壽劬而施
亦以瘠傷學博竟不娶迄今孤處首霜齋更無嬖
季之交王思任曰荀氏言娶婦以色爲主此亂薄
浮子基雲擾之禍者也其醜納盲古人有之曰者
臨胸太史亦食其報矣然或成事難於回互別實

岐於日長天理人欲之間未易許也若王先生安
母而盟婦倫有節矣棄產救弟先生等之爲尋常
事不足舌也雖然用韞強視而得尚書王先生髮
種種尚與侏儒爭粟不均之歎天亦茫然嗟乎此
亦王先生之天矣而不聞釣鰲植梗之戾酬緩者
厚發稽者弘乎則庠餼諸生以下皆先生券中署
字人也

郎水部會心集序

焦 弘明

夫道何嘗一日不在人心也第人不能卽心疑道卽道印心譬之燕適而越之驅驅愈疾謬愈遠童習自紛無足恠者南水部景愚公異才天授舉子業海內已欽若龍象而學道一脈公尤夙具根器匪直溯源河洛滙腴洙泗參微考亭卽國朝聞道自陽明先生暨心齋龍溪近溪明德諸君子公亦罔不衷其說而集其成是公之會心處神矣至矣茲何取於宋子韶氏所詠魯論諸什而津津屬辭

孝豐縣志

卷九 藝文

七

之也者顧魯論爲孔氏傳心要典漢魏以註疏宋儒以訓詁率多支離牽合之弊咕嗶家非不錄銖守之寸寸武之終是餘子步里婦曠輶車亂獼鼠厓淵璞舉斯道之在人心者不勝柴柵糾纏墜黜塗障誰能向真明求透脫而述以無言之爲貴耶公居平有餘慨焉爰摘章句以當風雅借于諸氏以暢性情譜成絕句八十有八首章約而該言近而遠元氣盎如天趣躍如總之從自家一撥靈丹精出聖賢一貫嫡派而卽心卽道卽道卽心

堯舜之不可美，堯舜觀宜尼之不可且莫測也乎哉。謂公之會心處政，公之從心處而大成之，脈實始基之寧獨註疏訓誥孫其元解而世之志道輩行且龍象此集而津梁倚之者矣。雖然公之學道固足禘祫于韶氏而其清節偉樹更亭亭駕千古而獨逞者而公冲然其若虛也。公素謬推余一日長，余媿不敢當，頃復以此集質余，余把誦不忍釋手，固弁片言於簡川志。余嗜并著斯道之所以生生不息者，萬曆丙辰午日秣陵澹園老人焦竑書。

孝豐縣志卷第十

知孝豐縣事蜀南竟羅爲賡纂



詩前集

青山

梁吳均

家住青山下時向青山上青山不可上一上一個
悵

董嶺水

唐周朴

湖州安吉縣門與白雲齊禹力不到處河聲流向
西去衙山色遠近水月先低中有高人在谿頭閒

孝豐縣志

卷十詩

杖藜

天目

唐釋靈一

昨夜雲生天井東春來一雨一回風林花屏逐谿
流下欲上龍池道不通

茗水

茗水灘行漫潛谿路更深不知天目下何處訪雲
林

鄣南道中

元翰林趙孟頫學士

山深草木自幽清終日聞鶯不見鶯好作東書歸

隱計蹇驢來往聽泉聲

天目山雷神宅

宋翰林學士蘇軾

身外浮名名外身區區雷電若為神山頭只作嬰
兒看無數人間失筋人

茗水

宋進士賈安宅

廣茗山下有源深發此清流去不渾直抵太湖三
百里滔滔分入海天門

五山

宋盧瑛

冬杪因來訪梵宮仰觀如畫聳煙濃雖多華岳兩

孝豐縣志

卷十 詩

二

條翠未及巫山一半峰積石累同羣后玉成林擬
列大夫松最高道是昇仙處更有何人繼此蹤

東西石樓

宋尚書姚佑 邑人

石筍嶙峋高接天筠篁滿岫涵風燠試登絕頂望
寒瀑但見素練飛層巔

老彭墓

宋蘇轍

猖狂戰國古神仙曳尾泥塗老更安厭世乘雲人
不見空墳聊復整衣冠

戒香院

宋進士俞汝尚

崎嶇窮谷翠屏圍，卻訝遊人到此稀。
修竹帶雲當戶聳，暗泉鳴玉遶亭飛。
春風欲老茶含旆，暑雨初收水帶磯。
擾擾紅塵何處好，令人回首重忘歸。

天目山房歌

明太常寺丞張羽掌文淵閣事

仰扳香爐頂，泛觀山海圖。
東遊擬拂華蓋雲，下闕弱水窺蓬壺。
天公有目何不在，天世傳卻在茲山。
巔雨泓碧水涵，霜鏡爛如雙瞳落。
天邊天高聽卑視，亦宜朕云有十二清虛之府。
珠宮圓闕不可覩，靈風颯颯捲飛雨。
危石深林人上苦，盤渦轉轂若

孝豐縣志

卷十詩

三

空山青天隆隆擊天鼓，龍藏其中是邪非邪。但見神魚作人舞，慎勿戲之逢彼怒。頃刻滂沱泪下土，前年南華仙要我，望山雪神官玉女待我來欲往。從之路超越，若人有仙骨，居與洞府隣。雙童耕耘種，瑤草石地自熟無冬春。臥處煙霞飛枕席，醉裏山花落酒巾。松風蘿月朝復暮，坐看麻姑白髮新。我欲駕白鹿，其子扳雲岑。請天開天目，照我一片冰雪之清心。但恐此目不可視，如星有箕斗不可簸。與樹且復靈潭漱金碧，聽我長歌金石音。不

倒卻池中水釀作百斛之春酒共君酣醉臥空林
洪崖舉手或相接更結丹梯千萬尋

五山

明本府推官 謝肇淛

出步息塵機登山看落暉松風侵佛幌花氣上人衣
野水縈橋合寒雲護洞飛仙蹤知在否吾意欲
忘歸

龍塘山

明翰林 施鳳來

橫山接尾若龍蹲爐雨平蕪勢獨尊日暮花溪泛
桃水太湖西去有龍門

孝豐縣志

卷十

四

西圩道中

明御史邑人 吳維嶽

澗泉遶路十里石屋樓雲數家何處微風醒酒溪
南紅杏新花

青山

明尚書 張永明

面面青山氣象雄坐臨頓覺思重重幽林澗長聊
玕竹絕壑寒凝玳瑁松紅霧濕衣花氣重碧雲蔽
日樹陰濃何人愛靜尋幽樂高結穹廬學臥龍

石虎山贈許少府芳

明大司馬 彭澤

石虎谿頭坦坦途許君胸次有規模香名遠播羅

人七平政還資郡大夫一事可占明理學萬金
作守財奴高安遺愛知多少應有甘棠入畫圖

百福寺

明吏部侍郎沈樞

築室最高處軒窓八面通鑿山流乳液開戶納薰
風巾履隨涼設茶瓜與客同我來資解慍不羨楚
王雄

定性書院

明知縣郭治

斗室有餘寬豈必大廈好活水接滄江三峰亦蓬
島太機木潑潑聞道苦不早勉哉安宅居夙夜勤

孝豐縣志

卷十

五

酒掃

又

明知縣張凱

城南讀書舍地位清幽好上下察鳶魚左右環山
島人性無豐嗇聞道有遲早所貴近高明塵紛盡
皆掃

東山

郭治

龍驤鳳舞向南來萬箇瑯玕頂上栽料想謝公遊
不似山靈故放玉泉開

又

莫漫東山遊且酌東山水東山水一杯澆此世味
累世味一何濃山水一何淡願言寶此淡永作吾
心鑑

茗山

明知縣 甘元鼎

簞屨紆迴向廣茗盤崖升陟儼凌霄子規啼半桃
花碎山蕨腓餘蝶粉消叱馭幾曾嘉未老攜棊端
只喜無囂饑驅五斗渾閒事擬似陶潛又折腰

抵孝豐

顧渚茗溪昔偶經環城煙水夜冥冥當年柳發條

孝豐縣志

卷十詩

六

看碧此日春回草憶青我到揮棊行作吏誰過酌
酒願分庭雅詩澗酌今無急擬勒三章比座銘

孝豐道中

修竹夾道淇水萬竿渭陽千畝大相彷彿

川原五十里修竹半其間眉際蘭漪度衣偏紫翠
刪結亭宜就水望氣似臨關錢穀勞勞吏經茲倍
覲顏

豐邑麥秋志喜

春風吹麥穗遙碧倏離披帶以川原秀彌成賦

姿候饑惟小叔護隴竟佳兒載讀張堪傳次且愧
兩岐

客星樓

孝豐公館在州北門外

乘閒暫上客星樓樓上青山玉一鈎
入一嵐光侵鬢紫環村樹色向人幽
漁樵自昔衣裳緩駕牧于今旦晚求寄語章門朋好輩休輕緼禍語王侯

張子培明府招遊天目孝豐道中作

邑人 吳維嶽

久懷名嶽未能如春煖河陽萬象舒
愛客故期行

孝豐縣志

卷十一

七

部日從君卻屬振衣初
豁程水綠頻題石山館
花濃幾駐車聞道仙岩多勝槩
冥搜應造赤松居

登天目阻雨宿高湖菴子培明府有作奉同

一首

乘春會主穿雲杖入夜翻聞聽雨聲
小院禪燈堪下榻上方明月轉關心
千峰樹暗深龍窟四壁泉飛響梵音
一響醍醐無客夢覺來窓外語朝禽

阻雨會高湖菴樓中同子培明府

樓樓翠微半立度
喜相同聽鳥雨聲外
啣杯雲氣中
春泉鳴磬竹
晚磬罷山風
湖鏡窺諸象
冷然

一空

憇獨山龍廟張萬山明府卽卜次日祀龍

深山祀典修春日野客吟懷駐晚祠
潭古伏龍飛暗霧岩空鳴鳥並
高枝開樓翠合停杯處臨水風
恬坐石時招攜信藉神明宰到
處煙雲慰所思

宿高湖菴聞梵作

千山雲氣暗層樓共宿祇園夜
轉幽聽演三車殘蠟炬先凭清
夢到丹丘

荻浦寺

孝豐縣志

卷十詩

八

寺合峰巒秀門縈浦淑深坐來
香雨霽况復響春禽

同張明府登天目

勝槩躋拔不憚勞天風飛蓋逐
猿猴行盤仄石雲中磴坐聽懸
泉樹裏濤絕頂下臨南眼盡半
岩平倚上方高翱翔不藉王喬
鳥寧令凌虛振綵毫

斷崖墻院卽事

捫蘿同宿萬峰頭梵樂齊鳴雨
乍收可道客懷題不盡茫茫一
氣俯南州

宿斷崖墻院

千仞岡頭振策過，禪關深翠禮維摩。
路窮煙霧春先冷，門合峰巒暮色多。
樹老前朝依寶砌，泉飛上界出金河。
客來頓悟傳燈法，僧去曾留負鉢歌。
此夕共知超世網，浮生幾得宿雲阿。
經聲數院交鐘磬，月影諸天散竹蘿。
明發中峰更登歷，社盟將柰酒杯何。

飲中峰禪院見微雪

絕頂傳杯雙樹間，若爲寒思動春山。
芳菲不到空孝豐縣志

卷十 詩

九

王界幻出瓊花照客顏

中峰禪院

香殿啓天中，登扳路幾重。
巒危蟠蓋上，橋險瀑流衝。
風雨交雙壁，雲霞散列峰。
獻花馴白虎，悟道老青松。
檻動江湖色，窓收楚越封。
塔珠燃暮照，僧飯落晨鐘。
不信人天鏡，芳梅二月逢。

高峰塔院

岩堯香域共叅禪，繡壁千尋擁梵筵。
雲勾石岩疏雁塔，路廻松嶺帶僧廬。
齋鍾半入中峰月，法雨初

收下界煙樓息未能長此托一聲林鳥

咏奕山姚紵事寄感

明江都丞王志端

招提塵境外翠與白雲連中有蒼玉杆聞自姚紵
仙兩翁相對奕子落歸自然一局未及半掀髯問
因緣授以棗脯去云此不足傳還家尋舊逕滄桑
倏已遷孫曾不識祖邊問其他焉顧影入甕中羽
毛足翩躚鶴飛何冉冉徘徊奕山巔俯囑清谿水
汨汨逝不還因嘆世變無窮期幾見仙家終局時

贈孝豐吳無咎上舍

明翰林修撰李維楨 京山人

孝豐縣志 卷十 詩

金陵彩筆夢初成藉甚詞場大雅名歸取茗溪供
染翰綠波無處不花生

其二

六朝詩體號吳均儒雅風流是後身莫作青山惆

悵語公車待詔簡才人 無咎名豫卜詩載李太史大泌山房文集

尋梅五山絕句 王志端

空山不見梅我向幽香覓花在曲溪頭陽春飛白

雪

詩近集

孝豐署中

國朝知縣羅為賡

山城小閣蹙眉頻豈為人間空此身一望郊原都
是水三邨燧火幾炊晨屢煩

聖主勤宵旰敢謂微臣茹苦辛陋巷焉知事易了自
慚無術起斯民

增祿閣

堦下千竹萬竹亭上遠山近山開卷焚香隻坐重
重花落欄杆

孝豐縣志

卷六詩

十一

又

不望吾身增祿惟願吾民飽腹遙看隴麥青青暫
解眉間一蹙

遊獨山

尋山幾得見蓬萊卻剪芙蓉到水隈四面青峰容
鳥度一峯春色待人來碁收石上無樵斧錫響空
中有渡杯日日溪聲清午夢轉疑身在雨花臺

又

曲曲清溪楊素波群山環拱一山阿孤烟飛

丹室野鶴攜來共碧蘿最是牕中流水靜兼於嶺
上白雲多幽深自是類招隱祇恐遊人有爛柯

奉同羅西溪父臺遊獨山次原韻

邑人張暹

羣巒如水疊層波一柱中流巖澗阿青嶂畫屏供
翠黛澄潭玉鏡遶纖蘿峰前猿鳥行人息澤畔煙
霞秋水多弭轡閒亭成勝賞塵譚終日盡茗柯

又

此峰端的是蓬萊移向千山萬壑隈龍女廟前驚

孝豐縣志

卷十 詩

十一

浪至鳳林岩上白雲來松陰尚有仙人宅竹葉頻
傾處士杯陵谷從來多變易無人知是讀書臺

山行次子壽嶺題山公潭

郡守吳綺

城邊流水似襄陽秋盡偏教逸興長人踏亂紅孤
徑外馬嘶碧樹小橋傍畫熊幡動沿谿影銅鵲爐
薰夾道香爲語五峰諸父老鑿山体訝謝公狂

孝豐道上望大會諸山

四川呂潛

羣峰如龍倚天表雨後冥濛異昏曉白日不動寒
雲流盤挈突兀斷高鳥誰結茆屋青厓中分泉

石何冲融驚回客心一萬里停車仰嘯春山空

過豐邑贈羅西溪明府

爲政青山裏還如學道人雲霞容傲岸橡栗稱清
貧花落千邨暮茶香三月春有時閒說易童叟識
天真

寄贈羅西溪明府

編修 郡人 吳 先

朗映推神宰君其姑射閒雙鳧民氣悅一鶴我心
閒竹塢煙中市梅溪雨後山仍聞叅玉版兩日更
躋攀

孝豐縣志

卷十 詩

三

署中懷箕山張學士

羅爲麇

江右遺風尙可追橫渠絕學幾能窺長安丈室如
僧寄天目山城似鶴羈對月有情祗白白看花無
語莫相披竭來猶憶臨岐語一片鄉心復忸怩

行部孝豐贈楊邑令

吳 綺

方輿曾記古防風問俗來乘白玉驄山郭靜關秋
色裏人家雜住水聲中竹陰繞澗園園翠粟葉經
霜樹樹紅賴得長官能愛物一肯絃管遍新豐

和答

楊錫汝

絳節南來爲採風蕭蕭寒谷且停驄
談深玉漏殘
燈裏木落山城細雨中
千澗水環高蓋綠一時雲
聚廣茗紅隨車化雨沾濡遠尤喜
甘棠蔭孝豐
和吳郡伯園次行部孝豐贈楊明府韻

宜興人
曹忱

郎星出守問民風樵牧行人莫避驄
畫戟郊迎燿
靄外熊輿西指翠微中
泉流木杪千疇綠楓入林
端一葉紅景物已占茲土樂使君
清惠有年豐

前題

卓胤域

孝豐縣志

卷十 詩

十四

芳郊隨處有和風擁節曾歌五色驄
遶郭參差岩
壑裏遠山濃淡畫圖中
蘭因境僻侵衣綠桃爲春
深對客紅莫悞雲中雞
犬路此開門巷似新豐

靈峰寺

曹忱

名山多屬巨靈開翠竹蒼松般若臺
五嶺版依咸
北峙千峰簇擁自南來
談經磐上留茶話跌坐亭
邊點石苔終夜泉聲皆
棒喝行持更有曉鐘催

題石屋和廷璧

邑人
詳事 章函貞

余家浮玉有石屋花繞溪均雲繞谷
坐尚時結玉

人遊飽嚼松風看修竹松竹凌凌摩空青懸崖翻
影風冷冷曙海晴霞供吞吐牧唱樵歌聲不停吾
聞武陵有桃源有此清曠少此閒奇峰箇箇滄浪
裏溪影嵐光涼萬山簪人結屋名竹樓爲絲爲肉
韻相幽此中石竅鏗然起風石相吞山欲秋愚公
曾將愚溪鑿穿崖洗壑經年度何如枕臥碧流中
清泉每向牀頭落昔年扶杖獨登臺臺空惟許白
雲來磴磴坐處松陰午坐久只恐衣生苔主人意
中未有窮再從楊子訪峯崗妙句卓出凌响上詩

孝豐縣志

卷十詩

五

滿屋兮其瓏聰

天目雙清庄作

釋通秀 玉林

兩峰青拍肩雙溪寒其語中有一徑清昔人此遐
舉

關室題壁

草鋪纓絡榻土打琉璃牆楫楸通紅火不知天地
霜

獨望

火燒山作紫金色雨後青巒相映出萬松影裏一

閒僧畫我誰傳摩詰筆

斷崖

凌雲御風忽焉自止當年老子高蹤爾

山若

千峰絕頂尖頭屋草鞵柴床火一爐三十年中無
一事諸方何處覓潛天

立玉亭瀑布

邑人 王晉亨

峭崖如壁立下有千尺漩石髓天上來高掛鵝溪
絹

孝豐縣志

卷十 詩

六

觀空處雲海

無邊素練蜀江色不響洪濤楊子心我欲乘舟天
外去茫茫何處聽篙音

雲海

邑人 王 慤

抱琴踞石曉煙清眼底蜃樓百變生我欲登船尋
解脫不知何處可移情

龍岩仙人洞觀瀑布集句

張 暹

萬條寒玉一溪煙翠嶺香臺半出天惆悵仙翁何
處去遙看瀑布掛前川

又

轉覺山林過客稀
平川一望樹依依
龍歸曉洞雲猶濕
卻聽泉聲戀翠微

望江臺

一片青山萬壑雲
江天淼淼望難分
御風直欲乘潮去
伴我無心海鶴羣

西方菴憶家杜若

王愷

勝具由來濟勝情
銘山曾結墊鷗盟
如何絕頂孤峰上
揮手長空我獨行

孝豐縣志

卷十 詩

七

千丈巖看雲

王晉亨

曉觀千丈雲
一日十二變
飛入仙人樓
聞聲不知面

千丈巖

王愷

梵宇臨崖仄
千峰此絕羣
望中疑是畫
坐處忽生雲
月小山爲掩
風高鐘漸聞
松濤清晝永
午夢已斜曛

雲海

邑人 吳洵臣 別駕

萬頃雲濤靜不流
無邊山色似萍浮
身從直玉亭

前望海外何方是十洲

五山棋枰石

邑庠 張君烈 生

一從看奕此山隈莫道仙人去不回不信祇今峰
頂上片雲常帶鶴飛來

龍岩瀑布

邑庠 陳恂如 生

一夢遊廬岳憶當年曾記開先古寺前噴薄懸流三
百里飛來一道是龍泉

石門

邑人 王鼎亨

奇觀遠出白雲中近看岩岩鳳闕同寒翠化為流

孝豐縣志

卷十 詩

六

水出此中疑是列仙宮

石門集句

明邑 張九苞 庠生

石門岑寂斷塵埃松下殘碁送客回記得去年春
雨裏林花不待曉風開

石門

明邑 張 節 庠生

白日陰森古木寒野風蕭瑟度林端澗藏小鳥鳴
深翠岩落幽花下急湍雙闕直疑天外立殘星半
向日中看新管此地真奇勝謝客詩成和更難

茆山觀音洞

邑人州 吳瀚臣 庠生

山半啟晴扉洞雲連翠微閒來趺坐久長此欲解
依

觀音洞

州貢張帆

夾岸青山引客遊
蘭茆搖落冷松楸
何年草木生
先惟妙相如來現
石頭雲到衲衣人
正睡月涵方
丈夜生秋
清心細啜泉滋味
玉屑菰麻憶姓劉

雲海

明也
庠生王重廉

登山不厭高
登高足底生晴霽
晴霽靄靄望中起
一片迴合萬山齊
萬山中有絕頂峰
沉浮點點杏

孝豐縣志

卷十 詩

九

無畦我當洗目兩池間
靜觀雲變雲爲迷
早作如湖雪浪湧
暮起如汐冥濤擠
排空寧埃長風駕
淨練難爲一色堤
回首錢塘射潮客
錢江淼淼雲山
西君不見上碧落
兮紅日朗下黃塵兮
迴雲泥忽已晴空捲
疊浪山山積翠重
可題

玉柱峰

一柱扶空天不老
巉巖領出諸峰曉
看去難容隻履安
望來偏覺肩稜矯
何當此際劈天奇
背面中邊俱絕少
截玉凝雲未有如
率然領略何草草

山須問住山人老僧指出雲絲繞究竟顏然各不言
言玉山自照秋了了

神舟峽

釋智旭

此山何處起狂波莫恠齊東傳事譌縱使鐵船終
不壞幾人能聽屈原歌

碧玉坪

兩澗泉聲夾竹崗恍疑羅帶曳琳瑯經行飯後無
餘事一任跣趺送夕陽

萬竹塢

孝豐縣志

卷十 詩

三

舉世昏昏恥獨醒亂山深處且埋形夜來風雨摧
殘竹惟有脩篁不改青

桃花石枕

邑庠生 王笑中

桃花片飛來欲撲遊人面晴日暖烘細草茵春風
處處桃源縣憶昔西陵全盛時花前相約枕流伴
那愁白日銜青山惟恐花雨飛花瓣今春園亭紅
滿扉花陰誰復臥前磯幾曲溪山隨蝶化幾羣啼
鳥共鷗飛漁父船頭好鄭重拾將一片輕相送省
得落花數點紅等閒便是武陵洞

釣魚石

邑人章志尙

邨南邨北有人家
玉鏡潭臨白石斜
水上舂竿歸薄暮
一溪明月映蘆花

龍巖

張暹

翠崖丹室巨靈開
樓觀參差玉築臺
我亦拂衣從此去
束書千卷抱琴來

天目絕頂

明邑庠生王元幹

朝發無度峰
暮登仙頂上
上下四顧間
清光自推盪
萬山縮下壘
浪浮片石橫
空星海讓
沙籠西北

孝豐縣志

卷十 詩

三

隱峩嶠螺影
東南小雁宕
只此空明四際開
飄飄遐舉誰獨往
簪人漫道摘星辰
數千年後豈無兩
支機石畔續仙遊
乘槎清漢知非莽
幾見扶桑浴海球
今朝烏兔重排仗
况復此山獅象雄
亭亭玉立誰能量
爲憶當年梁昭明
勺水水爲開眼障
障去只須瞬息間
絕頂頂上長相望

龍巖觀瀑布

張暹

閒坐日亭午
靜狀觀所獨
忽復興霞想
林杪適寓目
探竒策孤藤
歷險跨幽谷
鬱紆鳥道懸
僂僂猿

逕復陰岫翳叢篁陽厓挺脩木絕頂斷浮雲盤空
下飛瀑注爲不測泉蛟龍怒且伏灑灑碧衣巾遊
人氣轉肅命侶各言旋白日隱西麓恠石奔林莽
悲風起榭檝息駕歸衙門夢留巖際宿

淨竹寺石筍

王美中

玉立凭虛檻慘慘瘦影奇何年分鷲嶺此地長蓀
枝落照留殘月分燈賦晚詩還將蕭瑟意相對磔
砢姿

五山秋泛

邑庠張星

孝豐縣志

卷十詩

三

一曲清溪弄晚風使君五馬獨乘驄采樵人候郊
原外梵唄聲傳水寺中沙際兼葭飛鳥白城邊鏡
吹夕陽紅同時况有潛懷縣花滿家家頌屢豐

五山秋泛

王美中

溪奩晴曉喜臨風驚醒鷗鳧浴兩驄五點煙巒浮
翠外一方蟲篆亂流中繁霜好獲雲疇綠夕露還
濡楓葉紅恩向鹿幃隨處滿茗山自此勝新豐

五山秋泛

邑庠章文瑛

使君到處播仁風閑俗行來控玉驄亂後城荒荆

煉裏山深家住虎狼中
廉名劉寵清無比
詩句春陵淚欲紅
正幸風流賢刺史
兼收才士到新豐

南嶼山

世廉 例 章汝耀

岩巖南嶼拂青霓
壁削雲浮萬仞梯
石室含風依渚靜
瀑泉鳴雨雜猿啼
玉峯近接重巒秀
白水遙分萬壑低
何用別尋武陵曲
桃花洞口使人迷

松子洞

明邑 率生 張 泰

鷗閒渚靜向邨西
澗詫仙源路不迷
野客山中忘歲月
人家亂後遍蒿藜
相傳辟穀知何處
且喜尋

孝豐縣志

卷十 詩

三

真欲共栖此際不須誇
小有白雲還過舊時溪

坐菁潭釣魚石

明邑 率生 張士豪

誰掃漁磯老渭濱
真貪芳餌縱遊鱗
未須湖海名高士
祇擬煙波作釣人
鷗鷺晴沙時出沒
龍蛇大澤暫沉淪
橋邊舊是收綸處
罷釣方歸片色新

仙人洞瀑布

邑人新 昌訓 張君照

鴈蕩華峰每臥遊
移來風雨一龍湫
靈泉活活山皆響
石屋層層天作樓
獨向巖間慚傳說
偏攜好友勝浮丘
汪洋擬易年來事
虎豹山中境自幽

九疑山

邑人 太學 施顯謨

數縷輕嵐嶺上生，俄看煙霧一天橫。
兩峰高處渾無辨，七澤三湘此得名。

春仲咏三元宮松風

邑庠 章雲初 生

塵囂初滌憇長林，謾謾聲來淨此心。
老幹摩空雲蕩漾，蒼枝拂影日蕭森。
倚樓飛澗渾疑雨，當檻迎風卻似琴。
弘景昔年傳勝事，可能築室傍遙岑。

秋杪鶴落溪晚歸

邑庠 許麟祥 生

露下寒柯靜，煙浮翠竹迷。
山邨逢犬吠，水寺一禽啼。

孝豐縣志

卷十 詩

詩

啼落葉隨波遠，微雲出岫低。
纖纖林際月，猶印石潭西。

潭西

曾慈寺

邑庠 章 衮 生

深林寂寂鳥聲迷，柳外青煙雨後齊。
半衲殘雲愁峭壁，一池秋影冷花谿。
稜稜竹瘦風生榻，漠漠鐘微月滿堤。
久坐石牀歸去晚，遠心將其落霞西。

溪盤寺

明邑 章志阜 人

翠微山下寺來往，白雲幽谷鳥啼將。
變山猿坐欲愁鐘聲傳，靜夜嵐影濕高樓。
試看石橋上，花

淵流

靈峰寺

呂潛

靈崖曲抱畫屏張中隱禪棲白後梁
匝地雲濤山色暮倚天空翠鳥聲涼
神舟示幻飛仙峽恠石長蹲聽法堂
半榻松風留不住遠公應笑馬蹄忙

潮湖菴

竹裏疑無路尋來但有煙溪洞
茆屋外苔老石牀邊梵寂潮聲滿
僧清鶴夢圓已公能對客茗椀足
留連

孝豐縣志

卷十 詩

五

瀕溪晚步

王元宰

輕風落日送歸煙淡籠芙蓉空翠連
萬壑清暉新吐月一灣碧渚早秋天
行人漠漠東西去飛鳥提提遠近前
儂亦欲還又惆悵宦遊何似寄林泉

天目山

文長集有獅子巖詩
祥成不及盡載

徐

渭 明山陰人

積鏡青銅凌紫煙能為人語向人間
二千年事說不盡夜夜青溪勞徃還

斷壁孤杉四十圍不關雨雪陰霏霏
柯南一國痴螻蟻長怪曾無白日飛
古杉大者至八抱

詩

郭南十八景

天目晴雪

元都御
史邑人凌說

兩池銀水在雲中
岩壑生花瑞氣隆
鹽虎作寒連地合
玉鰲扶凍與天通
照人鎔落山應瘦
向日消殘樹半空
獨有小梅清見骨
只將春色笑春風

天目晴雪

國朝
巡撫范承謨

層巒迤邐玉爐浮
瑞氣千尋此獨留
倚漢青虹宜燦爛
朝陽白鳳故優遊
上方樹樹離塵垢
東土家家

孝豐縣志

卷十

詩
三

家望澤流銀海生
花誰不眩天公
猶是爛霞眸

天目晴雪

國朝
知府王弘仁

高削雙峰萬玉妃
宛然天際弄晴暉
蒼茫白浪搖銀海
瘦損水花碎竹扉
樵徑乍分驚鹿下
屐痕新破老僧歸
探梅向晚山鐘出
催起寒雲嶺上飛

天目晴雪

郡丞于琨

兩峰積素峙遙空
忽轉清暉景漸融
半壁曙光開玉鑑
一天寒影薄
璿宮瓊花遠
映當軒碧
菴團移來
落照紅
坐看城頭姑射近
冰壺疑傍九霄中

天目晴雪

羅爲賡

萬頃遙天雙翠鬢東西突兀亂雲間幾傾天上銀
河水不數城頭姑射山石室洞開獅象座鑪峰香
裊鷓鴣斑何如絕頂瓊臺上坐對松陰月半灣

天目晴雪

張君照

紅日方從海底生羣峰相映雪初晴岩高翠尚留
芝草桃白人猶遇石城幾似家移瑤島去還疑身
在玉山行此間處處堪登眺心地從來徹底清

浮玉晚嬌

泉金維藩

孝豐縣志

卷十詩

七

猶記開元選入宮幾時移傍玉山中詩傳學士原
名白舞出佳人漫倚紅種近瑤臺分夜月天留國
色殿春風粧成自解嫣然笑未許胭脂付畫工

浮玉晚嬌

王弘仁

空山幽興自生春向晚亭亭迥出塵堆出煙鬢青
黛染裁成雲綺翠痕新東風欲嫁渾無玉落日含
情羞向人茗水淵澄相映徹芙蓉拾翠坐花茵

浮玉晚嬌

于琨

玉山佳氣自續紛會見離披向夕曛景到蒼黃人

影散光搖紅紫晚霞分幽崖宛似披雲幕落日猶
疑漾水紋一曲樵歌歸路暝林間煙火亂星文

浮玉晚嬌

凌說

白玉山前疊綺紉故將嬌艷弄輕寒天香噴散龍
涎餅國色鋪交瑪瑙盤貴重萬花春作主醉逢三
月日憑欄自從李白題詩後不許尋常子弟看

浮玉晚嬌

明邑岸生 陳忠貞

石几平如掌浮溪玉宛然六時皆可玩到晚最堪
憐黛潤昏煙媚紫含落照妍如逢漣水使呼丈拜

孝豐縣志

卷十詩

天

于前

瀦溪夕照

國朝 金維藩

落日蕭蕭瀦獨流歸人笑語渡爭舟蒲山暮色牛
牟下四面孤城煙火稠紅入滄浪天際晚淡連雲
漢水光秋青林紫岫看無厭再傍殘霞眺遠洲

瀦溪夕照

于琨

清溪淼淼際芳洲浪拂斜陽景倍幽歸櫂似從雲
裏度暝煙猶傍日邊浮波迴林影光初合景接星
河夕未收瀦畔莫辭相對晚疑瞻紫氣在中流

龍池應禱

羅爲賡

碧水澄如鏡井疆賴此耕雲流千里潤火種萬家
杭石穴盤渦仄蛟宮觸唼呬豐隆誰夜掣驄馬夢
中行

龍池應禱

明庠王元定

龍神祠古刹久已重蒼生海谷通泉道雲封沛帝
京爲施靈雨澤雅擅濟時名膚寸崇朝合長空已
滿盈

龍池應禱

明庠王元陞

孝豐縣志

卷十 詩

五

古木寒崖一鏡秋輕風不爲浴沙鷗靈承夙配千
秋祀憫惻常懷萬姓憂幾處良苗懷海甸那堪
魃苦神州微波小漾寒潭碧纔見雲飛已綠疇

仙溪春漲

羅爲賡

佛子來源處仙人此作家畏清魚不到泛綠柳偏
餘寒谷澄香雨陰崖積練沙誰言涇水異還遜濯
流霞

仙溪春漲

邑人王上揚

淺淡煙披翠層雲覆綠田溶溶一夜雨汨汨萬重

泉木杪通幽，沃文瀾。漱玉川杯浮，香岸鬢春醉。馬
馱還。

仙溪春漲

明蘇州人沈周

晚山雨過青流靛，春水連天綠潑油。一片溪光誰
領略，有人持釣坐扁舟。

仙溪春漲

明邑教諭王錦

積雨初收水似傾，漸看浪湧接堤平。柳拖雨腳濤
生樹，漣薄花岩繡。是瀛滄，美晴光。天鏡濶，高吞白
月玉壺盈。不妨萬壑奔流激，自是滄泓到底清。

孝豐縣志

卷十 詩

三

烏石呼龍

羅爲賡

天風問枯桑，天寒問海水。伐鼓承靈雪，烏石汗如
泚。名理既難言，神應又若彼。試看月離畢，占驗亦
猶此。

烏石呼龍

邑庠生諸求可

烏石鱗生汗，山靈奪化機。笙簫迎黑蜺，菲葉歛陽
威。莫問商牟舞，遑知零燕飛。祈民歸未及，霖雨透
重衣。

金峰聳翠

邑人沈起祿

壁立削青天芙蓉一劍懸光涵低度斗靜極冷凝
煙日出遲峰隱雲歸阻石眠臨風登絕頂鐵筵挾
飛僊

金峰聳翠

國朝姚時亮
通判

芙蓉一削五千仞翠嶂方開十萬分縱有丹梯何
處上振衣高寄拂松雲

五山觀奕

明邑
庠生諸光裕

攀雲躋石磴有客倚楸枰會得局中意因銷世路
情忘機柯木爛吞棗羽毛生飛向何方去鄉畱靈

孝豐縣志

卷十 詩

三

奕名

靈巖滴翠

明邑
庠生諸光祿

靈巖一線水穿落千瑯玕色借繡皮杖光飛鷗羽
翰淋漓青點點環屑玉丸丸誰繪炎山色移來此
處看

董嶺分源

明邑
教諭江大爵

活潑無縈繫平分自化工開闢嘗就下遲速任遭
逢西赴長江遠東馳震澤通誰知千里外分向二
源中

董嶺分源

明知馮士衡

瓦然雄雨瓦一水發重關頂貫珠連箔雲穿石刻
班東臨楊子急北向霄流間萬派知何極朝宗在
此間

董嶺分源

國朝袁一相
藩憲

極目湖山幾萬重還於合處識朝宗晶簾分掛雙
星海珠箔斜飛兩玉龍涵碧既饒滄海潤澄泓祇
此白雲封江南江北遙相憶百二經流何處逢

景水交花

邑庠王起鵬

孝豐縣志

卷十詩

三

景水窮流遠潺湲一聖賒龍鱗風蹙細燕尾岸分
斜沙底聞啼鳥波心點落花錦溪誰領略茅屋兩
三家

景水交花

邑庠王在明

雙澗歷亂石寒碧散澄霞波折分江夢晴空墮石
娃鳥度重山翠魚吞兩岸花錦江堪似此玉鏡影
參差

瀟溪石語

邑人王鼎亨

岸幘浮水面清風明月時滄浪意自遠幽韻此偏

宜

瀦溪石語

王美巾

斷石崒崒何崎嶇
豈以兩雨長波襟
清風散作簦
篲引激湍便成變
龍吟客秋霜夜悲
心咽衡陽鴈
斷聲希歇欲寄難
寄天涯心若斷若續
雲中月坐起細寫山
更幽良朋去去誰為
儔寒風吹送寥天
嘆石上雙語獨悠

瀦溪石語

邑庠 王坤亨

崎嶇命時碧泓湫
遙接洪濤響自浮
天外風生林

孝豐縣志

卷十 詩

三

木杪雲中葉落遠
山秋漁燈隱隱聲
猶咽樵斧丁
丁韻更 度把琴兼
載酒長松倚聽傍
孤舟

青山噴蜴

明邑 吳起經

卓錫青山點涓涓
噴白沙瑤池傾玉
屑碧漢散天花
洒露寒雲濕乘風
片石斜果狀呼蜥
蜴一任小兒誇

青山噴蜴

溪上青峰曉歸雲
濕翠髮捫蘿登絕
霏雪落溪邊
溪上青峰曉歸雲
濕翠髮捫蘿登絕
霏雪落溪邊
溪上青峰曉歸雲
濕翠髮捫蘿登絕
霏雪落溪邊

飛還

水口石印

絕壁難攀處維舟此一方清風來月下花氣雜泉
香四座宜幽曠三生任倘徉瓊瓏一片玉宛在水
中央

水口石印

王晉亨

微雲舒卷星河淡山色滄茫夜更幽蘆葉渡頭聲
謾謾五溪磐石映中流

化岩仙蹤

明邑諸昭素
太學

孝豐縣志

卷十詩

詩

雲飛玉鳥幾千秋遙度三山與十洲偶弄瑤笙來
月下至今人憶鶴重遊

西溪釣雪

明邑
庠生 王家元

積雪山谿滿漁磯一壘迷水深疑釣短餌重信冰
垂獲鯉吹蘆荻輪衣作酒貲披簑眠月去不解凍
雲欺

西溪釣雪

王萃亨

素練盈空天水齊清流介破曲塘西千山欲靜漁
歌少一徑初開簑影迷冰餌平橋浮玉淺輕絲古

岸掛雲低無心釣罷歸來晚別有寒香帶雪攜

西溪釣雪

邑人 施爾貞

漁簑凍合小邨西還理絲綸傷石磯浪逐寒梅飄
玉蕊香分飛絮散玻璃孤舟鶴警風前舉短棹半
裘日暮歸漫道遊鱗堅水腹且羸清冷泛前溪

西溪釣雪

邑庠 陳璣

雲裏人家雪裏磯蕭蕭一笠一簑衣巖灘七里同
今古渭水三權無是非欲與梅花相對宿暫從鷗
鳥且忘歸到來一望千山白好覓村醪掩夕扉

孝豐縣志

卷十 詩

三五

張塢石佛

王笑中

稜稜瘦骨天難老獨立千秋對月明西竺何煩遣
漢使此山早有古先生

張塢石佛

邑人 張養蒙

卓錫峰前一老僧何年趺坐最高層祇因心印叅
龍樹卻斷塵緣念鼠簾雪下寒巖恒白首月明中
夜自傳燈須知此外無長物薜荔衣還著未曾

張塢石佛

邑人 王恪

飛錫何年至瑠臺迥翠微松聲吹梵語苔影淡暉

衣霞共天花墜泉爭注雨霏曇摩較多事留履又
西歸

張塢石佛

邑庠生 潘美璠

懸崖松下久栖霞吸露寒梢臥日華忘卻頭陀真
面目記他一衲似庭花

南山天馬

明邑庠生 沈時龍

石馬南山異嶺巔莫記年藤蘿金飾勒苔蘚鐵連
錢疋練雲常聳嘶風谷自傳遙觀碧落裏蚤已駕
青天

孝豐縣志

卷十詩

三

南山天馬

邑庠生 王欽亭

冀北有奇驄天成此更雄雲端思躡影林際欲騰
空錦簇千山繡寒嘶萬壑風孫陽經未載神駿畫
難工

古澗虹飛

吳維嶽

翠擁層巒過鳥稀飛流千尺散珠璣停車欲寫題
名石不覺寒雲上客衣

郭笑尋梅

明邑東人 王光祐

郭笑梅傳蚤扶筇踏雪尋香來風尚遠色隱路還

深撥石行行坐逢枝去去吟忘歸聞暮笛帶月落
疎陰

郭笑尋梅

邑庠 王胤嘉 生

湖山到處有亭臺玉砌空庭八九栽慚愧野人踏
雪去相逢溪畔送香來

郭笑尋梅

陳 膏

點點寒梢纔吐痕詩情久擬共芳樽况今蒲樹看
如雪豈可扶筇不出村

郭笑尋梅

邑庠 張九臯 生

孝豐縣志

卷十 詩

三

鐵幹幾株依白石寒花數點覓春暉一枝早透東
風信萬片冰同瑞葉飛新綠未成詩已就素琴還

抱客來稀相看不覺溪山寂薄暮何妨帶月歸

山梅花六出天上瑞木花亦六出
王綸女古詩云亂飄瑞葉到人間

郭笑尋梅

邑庠 章雲祥 生

山間樹色傍疎籬披雪來遊與客期嚼取梅花三
百片還攜秋水更吟詩

郭笑尋梅

邑庠 諸 炯 生

冰姿濯濯藐姑仙數本疎籬曲逕邊最是芳時堪

把贈春初臈盡月中天

郭笑尋梅

邑庠生 費道昌

水邊石畔數枝梅
擣榼尋花剛半開
正是春風消息
近今朝詩思贈人來

五山觀奕

邑庠生 施沛元

朝看松下野雲生
夜聽峰前落子聲
聞道仙人曾
化鶴祇留石上一碁秤

五山觀奕

邑庠生 王雲蒸

巨澗垂虹繞北流
仙踪飛蹇寄蓬丘
雌雄莫辯猶

孝豐縣志

卷十

詩

三

星列黑白誰分一
霧收棋落溪邊成
印石局畱峰
頂化青牛橘中天地
方知小到此何如任勝遊

山左有大虹山相傳近山菱田數被野牛侵食一日農人追躡之乃山中姚尚書文禧墓前石牛也自後屏跡不復有見者

五山觀奕

烏程舉人 翁 燧

凌空寒翠削芙蓉
縹緲丹梯定幾重
竹裏諸天迴
鳥道花間初地隱
僧鐘曾聞四嶽朝
中嶽不信三
峰接兩峰便欲休
餐乘雀去仙人石
上問遺蹤

靈雨應祈辭

湯澄心江陰人
邑訓導

于平馮侯爲齊魯名流自歲庚午來宰豐邑六年
于茲雨暘時若豐之人嘉賴之越丙子夏彌月
不雨侯懼齋戒躬禱六月辛卯汲水龍潭迎神
于西郊旗鼓從之時四山有雲霧如烟起是日
尋雨民以爲未足侯禱匪懈已而又雨田疇沾
濡俾民得享其有年者皆侯之賜也爰賦辭以
誌不忘云

惟彼魃形長二尺袒身行走如風疾遇者得之

孝豐縣志

卷十詩

五

投溷中所見之國地盡赤豐城不雨夏彌旬吳
天萬里無纖雲維魃爲災亦太甚流金爍石土
生塵塊破折成十字畫槁苗焦枯無起色無從
水耨須荷鋤不堪垂斃殆岌岌十日一雨乃有
禾其若恒暘驕蹇何如惓如焚心憚暑但後一
夕俾滂沱百室嗷嗷計安出農夫相向田禱泣
於乎何辜今之人天降疾威遑我恤侯日焦思
憂惄然簫管迎龍水廟前爲民勤效桑林禱靡
愛斯牲告

誠感格 帝天動幽冥 熙熙聽候 訢不假雷
公搥怒桴不用小 兒擊石甕 自茲烟霧山頭揚
水雲捲上天中央 商羊舒翅蟻封戶 祈祈興雨
浹疆場 官慶堂兮 民慶野 憂者樂兮 病者愈 五
穀焦煎一體蘇 違視原田復 煦煦飛瀑出崖紛
喧 雁草蘆虛冷淨 酥埃疇云 農家力作苦粟滿
倉箱 酒蒲罍隨車 致雨淮陰守 再見我侯亦如
此 澗谷時聞鼓角聲 魁郎驚奔投 澗水甘霖望
至今 匪虛伊誰之力 其侯歟 歸諸其侯 侯不有
萬民擊壤歌康衢

菊花賦

節婦徐氏

孝廉吳棟妻

晨步小園一望疎林白雲飄緲黃葉紛紜風蕭蕭
而異響寒凜凜而侵人驚天道已殘秋覺霜氣之
淩淩鴈嘹唳而南還蛩啾唧而哀唳值時景之荒
涼菊始華於後庭何其晚也是造物之無知乎善
爾碧枝點翠嫩萼噴金無桃李之妖艷抱松栢之
堅心雖素雅之非凡奈何生乎不辰寄寸根於塵
世胡爲乎不遇乎陽春及其華也不獲寵而鮮妍
兮懷淒楚於秋霜陰雲慘淡以蔽天今日色薄而

孝豐縣志

卷十

賦

聖

無光日色既薄而苦短兮惜乎金英之徒芳遭風
欺而雨妬兮獨熒熒而不變其常吁嗟佳哉細觀
其高世出塵之資幽默徘徊之態嬾隨俗以富貴
愛清冷而盤桓似有爲而不見用於時者也似抱
道而隱逸者也順天而安分者也豈習俗之能知
耶重曰聊植疎籬清且幽兮天運閉塞隱而潛兮
隱而潛兮霜淩雨霏兮百草罷綠爾猶存兮困苦
自持時窮見操兮行比幽人素位履貞兮

天目山賦

元釋明本中峰

南辰北斗在山頭玉兔金烏頂上游採藥山人遊
園苑擔柴樵子過瀛州一山未盡一山登百里全
無半里平疑是老僧遙指處只堪圖畫不堪行上
去上去復上去上到崎嶇巔險處此山山外更無
山萬里江山只一覩山頭隱隱見扶桑山脚微微
映太陽瀾水勢冲天上水山塘掩映對天堂山鷄
共日鷄同唱天河與瀾水合流採藥人身靠夜摩
天收藥人手攀娑羅樹東觀大海一勺泉北望齊

孝豐縣志

卷十賦

聖一

州九點烟山疊峯尖侵碧漢凌層峻壁接青天此
山有稜稜峭峭石嵯嵯峨峨嶺凹凹凸凸坡層層
藤藤松斑斑點點竹筱筱料斜藤幽幽雅雅洞明
明明朗朗巖青青翠翠樹只見洞門前叮叮噹噹嚮
滴清泉山嶺有潺潺灣灣長流水左壁廂有稀
稀罕罕於右壁廂有蹊蹊蹊蹊巖山色凝青青淡
淡烟朦朦朧朧雨飄飄雲昏昏慘慘霧只見
山塢裏走出幾個班班點點帶角鹿瀾水邊立着
幾個痴痴呆呆看人獐見隊豺狼巡嶺走成群野

獸洞邊行樹上飛禽啾啾叫石磬蝦蟆
陀石隱金線豹老樹樁藏黃大虫松鼠懸空

頂孤孫枝上倒翻身老樹倒搭巖前塔石
路傍亭猿猴樹上舒頭坐鴉鵲爭枝遶樹飛蘿
搭鈎鈎掛搭搭鈎鈎掛掛纏松天地洞天六地
洞天天地洞中天此山碧落逍遙客山前山

雲仙山高雲險依雲險依雲雲險顯雲軒

門門半掩曲津灣對曲津灣當島洞當島洞
當當島洞當山好似藍靛染成了塊

孝豐縣志

卷十賦

四十三

萬堆烟

重建泮宮賦

王美中

恭維文教之隆

帝心首簡丕揚聖化光啟嶮嶮治道陸離德惠流衍
胥天下而納之文明徧窮簷而進希乎鄒兗是
以

皇風浩蕩仁漸八垓道崇

先聖柄轉河魁郡列寢廟實實枚枚寧茲豐邑鞠爲
蒿萊於是度其地庀其材治地以臬程材維楷
爰徙東戶垣列中台面丙光以象其炳煥滋壬

孝豐縣志

卷十 賦

四

液而育夫賢才歲逢申祿差日得庚庚以更其
爲舊申以升其爲新進德造以資明穆廣德心
而作臣鄰乃其殿寢之爲制也挺丹楹以宅址
象紫宮而作鏡岷吻于霄雲霞朗映前廡虹騫
以相屬後閣鳳舉而如競渥彩翼布文織縹靚
甍標廻翔以遡颿簷阿爛朗而晃近宏濶爽嶮
華楚文階嶙峋巖業約築槐排除風雨烏鼠於
杯外奠竹苞松茂於垂隈經日月於焚栢護雲
龍於天街池開璇壁表樹堂齋蓋

聖道昭宣誠恢恢乎見宗廟百官之美而君子傲躋
則兢兢乎有龜山泗水之懷若夫匯石効能名
材叶奮無采而炊非鬼而運濟若無爲穆然守
正鮮動衆之紛紜靡庶務之輻紊凡鳥從容百
度在東運瓶鬪於帷幄收木屑於僦叢斯巨室
無斷小之虞而簣土皆九仞之功暨其寅畏協
心朝夕在公不懈寒暑再閱秋冬是以我客有
觀成之樂而荒陬草莽巍巍乎復見有今日之
壁雖爾乃修歲事奉明禋索齋菜醴昭享

聖神鐘鼓在懸燔蕭在陳自堂徂基自宗及祊駿奔
以致其敬殿陛以明其尊向也列冠佩於纂莽
今也贊牲幣於楹楹向也致圭璋於礫石今也
措珽玉於階廷濟濟漆漆苾苾芬芬旣踐跡乎
孔孟之堂能不表章乎賢聖之文及其朔望恭
詣師儒來謁講學於其中論藝於其側奉先儒
書以爲型宗百世師以爲則是皆明其爲小子
有造之休而垂之爲後來作人之式凡至其地
履其闕者猶將自外測內而想其崇闕况乎躋

其堂也深可下妻之以用教於民猶之片石

孝豐縣志

卷十 賦

異

附總論自碑記以及序志爲歷朝記事之書采風
者可以鏡得失觀盛衰而爲政事紀綱之要者也
况豐邑創置以來率多撰述暨所傳古人題咏及
時賢唱和大都因事見志有裨於政教或切於比
興者不敢遺也否則無關於一邑者雖美不錄

紀羅侯清夢雪枉事

于笑中

壬子冬暴客謀行道於箬嶺次年仲春侯夢一人鬚眉修舉通譜系俄而訢遭雙斧狀侯思案無冤牘此何以夢翼旦視事有告虎傷枉詐者詰之竟得謀人情事單騎捕治得遺骸凶械知所謀者羅姓也暴客伏辜而冤平

柳色濯春姿衆芳開亭午我侯靜對閒冥理資遐取上下籌今昔信史昭千古大義凜如霜幽潛亦起舞爰於清夢中戴盆雪冤苦爲道行路難崎嶇

孝豐縣志

卷十賦

四

殞雙斧鬚眉何奕奕嘆泣同君譜是夢真明明合情亦縷縷侯起步空庭皓月當牕戶清光與晝同四顧瓊樓宇案牘無沉冤戕伊竟誰主持旦視公餘搗來何所覘豈知天難昧事真情必吐暴客吳陳者剪徑賊商賈愍不畏鞠凶反肆舍沙弩謀人在山巔委罪於雌虎一朝廉得之迅疾馳所部取具得遺骸剖晰由重監回思疇昔夢歷歷如對語罪人甘伏辜俛首稱召父以此慰羈魂重泉死不腐埋幽不異明此事誰堪詔肺石至今傳

紀職應

孝豐縣志後序

今天下郡縣志各用纂輯彙成
大一統書垂之無窮甚盛事
也余典豐庠六載會遷麗水
諭將去西谿羅父母畱以監
督志局不獲辭三閱月而書

序一

成遂謂余不可無所識竊以
邑有志猶國有史史擅三長
辭兼體要維志亦狀故君子
難之在載筆者以道爲衡以
義爲斷千載微文炳如星日
則山川靈秀既發允章而人

文事蹟不嫌揚扞典則攸存
故行焉而不窮體裁旣得亦
言焉而不疚將於此徵文而
文足徵於此考獻而然以考
天下信之百世傳之實在於此
矣侯以劍南理學名儒來蒞
政績將上達

李序二

楓
宸紀文彤史矣故其董率羣英
刻期編纂吏前志以徵信而
補所未備其文倍加簡嚴凡
所登記巨細精詳道藉以

義由以立雖豐邑建自勝國
歷紀不過二百餘年而人文
事蹟就所樹立叙次分明其
文直其事核不虛美不徇物
謂之實錄豈不信哉其間采
輯成書者則有明經張暹文

李序三



學王笑中實身其事焉余得
藉手告成則名簡末以垂不
朽皆羅父母之所賜哉余將
之麗水瀕行之日敬附數言
於後是爲敘

書

皇清康熙十一年歲次癸丑春仲
孝豐縣學訓導古虞李煥文
頓首拜撰

孝豐縣志附跋

郡邑之有志所以考方輿記風土
倣漢班固地理志而踵之以成書
者也明憲廟時詔儒臣修一統志
稱全書焉自是厥後建置不一損
益因革詳略或殊其間名宦人物
暨謠俗盛衰阨塞要害使無以紀
之其何以網羅舊聞作鑒方來乎
今

上御極之十有二年適當車書輯壹
玉帛來朝之會天下郡縣咸集成
書而獻之用以備采風資政治非
偶然也豐初無志草創於郭繼修
於黃距今七十有二載故老者舊

無一存者訪求散軼哀輯惟艱邑
侯羅令君集二三同人互相商榷
仍前志類纂復廣所未備次爲十
卷越三月告成草凡三易手爲論
定者則羅令君西溪旁咨可否者
則呂職方半隱而暹與王子美中
亦與有微勤焉則甚矣邑志之難

也蓋志他邑難而志豐邑尤難豐
之新建非若曲阿地古歷千有餘
年也大要如毗陵之靖江始置於
成化之中葉吳淞之婁縣重設於
順治之初年事蹟簡而易盡聞見
略而難賅以秩官則煦煦若冬日
矣以人物則落落如晨星矣雖有

鴻筆之士安能飾美以相增益哉
然而漢爲鄆縣則其地猶古也民
皆敦樸女競懷貞則其風猶古也
山則截律水多清駛則其景物猶
古也前督學黎公博菴李公介五
稱豐人士不下程安長德諸望邑
則其人文猶古也使上下共期於

古處而司牧者以古龔黃之治治
其民司訓者以古蘇湖之教教其
士而民不猶爲古之民士不猶爲
古之士者未之有也况是書也義
例謹嚴雖善善欲其長而一字之
褒不敢不慎者正安定所謂傳心
要典春秋之微詞寓焉卽如所載

列女惟身後論定而後得書焉此
物此志也夫然則是書也攷諸已
往傳信將來侯之有造于豐邑其
功詎淺鮮哉不揣固陋竊附數言
于末是為跋

康熙癸丑歲上巳邑人張暹謹跋

跋四

繕書

陳策

督刊

潘守功

經承

施應麟

陳偉

姚舜璿

湯紹祥

呂鳴玉

謄錄

梓工

